



05348

程侍郎遺集初編卷五

道光十有四年十一月初三日奉

命敬詣

西陵查工出都門口占

修飭 珠正歲有程略如鳥象助芸耕深慚五雉司工

正安用雙騶妮騎兵時單車南陌霜沙虛點綴西山雲

雪各光明恭聞 玉殿多甘露先向松楸驗發生

初五日宿公輸廟口占

小寺明窗底燈光追晚冬遙鐘墮虛枕寒月倚高峯衲

野無意花幽有醉容五雲來不遠其下萬株松

行郎遺集 卷五

一

覓喜齋

初六日夜不寐

愧讀冬官記經營喚柰何國工般爾少林木液櫛多未
講恒沙算先繩舊架譌運斤防斲小况乃見偏頗

易水感田光事

漏言污卻田生耳田生剗頸徇公子豈容客復知其事
更聚白衣送易水奚啻揚言告秦矣嗚呼始謀不臧乃
若此寒風蕭蕭筑聲哀哀白虹黃日蒼鷹徘徊荆卿一
足廢武陽如死灰開門坐待秦師來何如烏頭不白馬
不角匕首不入國不削再訪高賢比劇樂

大龔山感王彭祖事

八千妻女沈中易
十百生徒竄大翼
有婦堪陪石匍坐
此身寥入棗囊盛

涑水道中

亭午無人指路訛
強披蓑莽踏冰過
山光西到飛狐口
水勢東趨拒馬河
此日村姬馱細馬
當年邊將枕雕戈
沈沙無限英雄魄
怪底顛風撼怒柯

喜將晤奎總戎先此致意

濟美文章貴沈機
武略宣威名周召
虎雅對漢虞延

兼管

故云
畫角昇平曲青燈大度篇
滿腔詩禮氣髯也望
如僊

侍郎遺集

卷五

二

覽喜齋

昨掃師門席今登易水臺
祇瞻松柏路憑仗棟梁材

歲修

等工有歸管
陵大臣辦理者
三載停雲想雙駒
送酒來詰朝鞍作几
隨意坐莓苔

祇謁

泰陵

泰東陵

昌陵恭紀

薄海人心肅恭惟
憲廟朝
孫神繩
祖武
任德

啟
文昭銀漢雙流迴

後拒馬河前易水

丹山萬仞遙

萬仞山名堪輿

家所謂
雄關通月窟
華蓋倚霞標
龍虎盤終古
精靈守

大宵方中殊儉素斥土儘岩堯初日懸金殿輕冰抱玉
橋烏菘伸九叩雉正董羣僚驗樹皆甘露披沙盡寶苗
畏 神兼服教 弓劍在晴霄

徐無山懷田議郎

白檀東逕柳城分卷甲趨風敵不聞怪底田郎作前導

阿瞞猶署漢將軍

漢賊萌芽鼎未遷子春早夭亦翛然若非空器苟文若

定作東溟魯仲連

公孫樓上無行跡袁紹盃前失酒痕只有劉虞真死友

西風鬼語到黃昏

侍郎遺集 卷五

三

蕊喜齋

桃屯

北距涿州二十五里有桃萬萬株

沙壤宜嘉果桃栽萬萬株春紅繡天地秋碧飽京都禾

黍偏勞助輪蹄莫漫驅年年風日美誰佩紫微壺

桃之外梨

亦夥云鴨兒梨出此也

旅壁有詩道關隘之險者作此正告之

入蜀青韁店通燕黑樹林奇兵須向導捷逕獨探尋劍

閣奚堪據軍都有底深儻推無外自空費史臣心

鈺夫少馬前輩招同李芝齡少宰何仙槎大空史

荔園少馬潘芸閣臺長極樂寺賞牡丹作此奉

謝

數叢深色十數枝竹間水際參分畦風露不與人工齊
詭花之富僧自語錦幕雕闌昔何許舉袖猶作傾城舞
暖風融盡燕支山綠陰幽鳥深掩關動地珂馬車班班
從來賞芳兼賞葉如水如雲門窗溼柳絮成團裏蝴蝶
僧劬供花爛供佛佛亦眠香極樂國日送飛觥集芳月
修竹請客鷗窺園自午逮申言笑喧莫遣蜀茶來叩門

九邊

星罈一指九邊收何止燕雲十六州鐵勒南來皆屬國
大宛西去半通侯渠彌有階魚龍睡甌脫無烽虎豹秋
自古得人亭障治長城萬里要深謀

侍郎遺集

卷五

四

范喜齋

逝水

逝水滔滔萬事徂可堪志士日愁呼更深月落星難替
春老芝焚蕙亦枯應劫豫且能結網乘時象罔竟求珠
長鐔短筆精神在只恐輕提付淺夫

乙未春闈至公堂知貢舉作

俊乂四海萃曰惟七千強其學有馬鄭其文有班揚不
乃命世才借文爲梯枕不乃福果人其文無短長皆入
龍門來翦拂登朝堂古槐閱客多亭亭覆中央夜燭
搖月輝七千人心光

愛士士易驕試士士不靜藐茲三尺法難齊萬人性豈

無越畔戒亦有挾書令方間自苟救小已懷詭競膠膠
復擾擾直欲反視聽道修而經明其本主一敬日習孔
孟語胡爲坦率行矮屋平旦氣宜思 國恩盛

八面可受敵應舉亦何有誰勑速化術棄書等芻狗不
求文義深祇務揣摩久宦達昧古今見與吏胥偶于經
識訓詁于史得綱紐其文縱未博其學已可守作者與
知者如以杵投曰繆種倘流傳 朝廷亦顏厚

汲井取新水滌釜試新粥水香解春癘粥熟果朝腹削
版若砥平且臥且書牘經營一不當懷中轉車轂萬緒
紛乘來脣焦舌瑟縮恐誤公期程難卹衆怨讎夜深煎
茗坐朋勸可歸宿忽聞衝廳發欲捲卑棲屋傍俛遂達
旦巡簷看風燭

風簾短檠火厯厯十二宵敢忘昔苦辛約束紛科條皺
眉對先輩近者何囂囂大弓不受檄翩反任其弔憶我
鵠立時官麾吏訶噍檢身守令甲遠志窮鑄雕彈指廿
五年師門日蕭寥殘牙怯餅餠禿筆無瓊瑤儻使促坐
試定煩墨汁澆此席已不稱况乃冬烘嘲

聞趙城警

城郭沿汾踞一灣傳聞有盜起榛菅何緣突過韓侯嶺
莫使潛逃霍太山猾吏野心窺肘掖老兵撐目枕刀環

王師不費澆瑩力第一須求破柱姦
絳帕焚香多伏處白丸入手漸橫行深憐上地爲儒禍
豈料忠宣闔戶兵 帝賜九河湔苦淚天留一廟鎮孤
城卽今豈少鷹鷂志須以卑飛寓擊征

至公堂卽事

整整華樓踐斗魁高懸天秤此量才西山樹色爭春遠
東塔鈴聲入夜來雲鎖碧連煎茗院日斜紅上候星臺
風簷四度辛劬甚且凭朱欄酌一盃

三月廿五日朱卷掃數送內簾至公堂無事矣塊

然獨坐作此遣興

侍郎遺集

卷五

六

愛喜齋

春光溶漾花撲天九衢車馬朝喧闐閉門有客坐無事
但惜春去心茫然文章五色煥龍首評者滿堂出一口

闥門有客不敢詢却送星鐔上牛斗

十本進呈
由至公堂

我居四

角槃中央宛若守寂依禪房煎茶午炎試水味攤卷夜
坐娛鐙光旒旆聒耳啓閉節兩頭織織盼新月待看神
駿送金泥亦復歡如出籠鶻

題從軍圖

五千兵禦五萬兵以勇以略皆飛行大將談笑風雲生
諸將驚定還暗驚卻顧行軍老司馬顏色不變殊淵雅
問之何術可不思胸有六韜金版也秦蜀古道通猿狖

雪花洗戟風洗刀秀眉玉兒真人豪飛書羽章用枚臯
後來凱捷 帝其喜韓范勳名從此起關西節度持虎
節傳箭直到天山壘憶昨把酒論將才公言不測同晴
雷聚米山川要自畫成城志氣誰能摧從來貴精不貴
眾一失機勢眾何用無謀無導務輕進坐見元戎斷鞭
韉於戲多算勝者得其雄三軍不敵羽扇風何況蠕蠕
子子紛紛沙蟲

送張石州歸里

空谷隘知見北遊恣所學學成被放歸不乃名所剝名
食千載後叢火塊獨覺當其困億際如鬥去其角公然
侍郎遺集 卷五 七 龍喜齋

一第艱年富志方卓拙目吹且歎無亦道太彀詎知鶉
兮手文錦薦美玉西來佇好語中霍鳴鸞驚
經訓貴門逕博覽岐中岐會岐入經衢非博焉所施君
慧涉萬卷如登高視卑剝淺遂深守信尤勇疑書缺
等斷潢其旁有神師冥心俸前古所邁皆嶽奇經明學
既通出處會有時

小學貫羣籍喜子通不執六經皆勃率麟筆尤所急妙
悟恒證聖匪鑿匪重襲餘事及詞翰秦漢藻羅香文成
思則綺篆罷墨猶溼近志九容奧欲使四元立門水卻
西流聞響當闖入

君祖授我嚴獎誨若子姓君嚴我同譜欣契挫其敬交

誼六十載詫君獨也正逸氣陵參墟清盼徹水鏡朱邱

延不赴惠邸慕君名懸榻以待者三年卒辭不就書窟臥以詠記哀苦多誤

君去誰予諍解矧私自喜君去誰予證單車太行脊况

乃朔風勁古屋環水石積卷帶鐙檠賴有祁黃羊犯雪

遠相迎春浦學士時讀禮在籍

題潘芝軒相國金帶圍圖

公爲天下才花爲天下瑞奚論甥館比鄰地東南出相

東南花扶桑日升海宇霞黃菌慶雲兩際會朝官野老

同詠嗟幾人鼎魁作丞相少已安排老尤壯芙蓉鏡閣

侍郎遺集 卷五

八 菴喜齋

四十年芍藥階高歷級上廣陵異種古所稀以紅作腰

金作圍公歸養久在吳會天於吳會開其機不然魏科

臚仕接踵有惟忠惟孝爲難幾和風甘雨人所祈百穀

草木生光暉昔者四花應四客今亦連開照瑤席公家

公望各端倪合有傳公金帶赤

道光乙未冬日海颿前輩典試江南歸出癸巳夏

攷牧太僕寺牧厥居庸題壁圖索句

先生相士江南歸龍文虎脊紛追隨酒酣掃壁施堊帚

句滿江山字如斗回憶壯遊過雲州五花款段千驕駟

邊日蒼黃邊月白點筆雄關試煙墨儀騎帛口都入吟

支公韋諷眞苦心攬其英俊揜其雅從來相士如相馬
從來相馬如相人請看一顧空其羣

爲煦齋師題趙松雪蘭亭十三跋眞蹟殘本

右軍鬼入榮祿腕天欲一火焚其眞師于王趙爲替人
雖火其跡存其神六丁取去定無恙半在人間半天上
丹霞燒月色愈皎赤舌焦桐聲益壯從來奇蹟與異才
往往墮劫遭風雷紀信孤忠伯姬節萬人淚灑洪醯灰
君不見昭陵蠶紙踞龍虎鴻爪雪泥留定武明珠錯落
十三跋待聞王孫用心苦我師精寫還弄藏佇見歸舫
騰虹光豈知寶玉三日爨眞宰上訴天蒼茫誰摹澤山
垂琳瑯妙哉響拓傳硯黃公孫弟子舞劍器波瀾莫二
神揚揚吁嗟乎波瀾莫二神揚揚何止買王誇得羊

追題吳南溪先生夢遊黃山圖

三天樹石清而蒼水環老屋書環牀直廬退食恣晚步
落日遙見西山黃綠窗朱戶自天上茅厂竹籬非故鄉
秋來對月歸思長一夕夢繞秋雲涼讀書咫尺悵未到
遊宦千里心茫茫天都蓮花路險絕飛鳥斂翼猿猱僵
孰居無事推行是尻輪神馬紛紛翔七十二峯題欲遍
墨花飛處松風香先生峻節垂諫章眾山一覽如平岡
胸中雲海盪無際自然逸氣排天閭幻思臆想乃實境

奚俟形謀成其光我生五嶽見其四未得一浴靈砂湯
每朝把卷趨書堂落日亦見西山黃昨宵偶展夢遊卷

仰止嚮往殊傍徨神鴉樂鳥倘予許便策竹杖餐松肪

眞耶夢耶不可詳請隨赤松張子房

先生作此夢時在
上書房直廬予題

此圖亦在上書房直
廬故詩從三天敘入

題錢舜舉梨花卷子

習嬾庵中半醉時

舜舉有習嬾庵每
畫須半醉時乃佳

戲拈瓊管寫瑤姿

六陵煙樹春來否寒食東風夢折枝

舜舉爲宋遺
老故云云

玉兒風貌雪兒姿薄粉慵妝小立時萬蝶分香渾不管

溶溶好月在橫枝

萬紅狼藉蝶分
香舜舉句也

侍郎遺集 卷五

十 芟喜齋

酤酒花前雪壓枝王孫佳句稱清姿人間不少瀛洲雨

粉墨飄零又一時

趙承旨題錢舜舉著色梨花詩云繁
枝壓雪凌風塵又云與君酤酒花前

歌可見舜舉梨花不止此
卷特不知猶在人間世否

春堂前輩令嗣孝廉計偕來京以卷索題

筵畔忽歌驪無端出餞遲難乘千里興彌助十年思重

席談經口雙柑斗酒詩都將風月筆付與稱家兒

邂逅稱家兒長安望杏時雲霞黃菌瑞冰雪古松姿合

采長生藥應刊絕妙辭叱羊隨子去吾意欲東之

喜雨 二月十八日

鬱鬱黃雲捲暮沙喧喧急雨掛簷牙風圍數市翼軫月

雪壓滿山桃李花收拾癩瘡歸溟滓寵光牟麥出萌芽
新花早葉愁炎嘆輸與濃陰作歲華

看春口號

東風用一力樹樹爭天斜誰登五雲上看遍九州花

煦齋夫子以文孫申甫入詞館紀

恩詩見示敬贖原韻

深宵吉寢語匆匆

見公詩自註

又見文孫入毅中天鑒忠忱

增世祿

聖知詞學是家風一門彩筆干霄豔累代宮

花壓帽紅說士肉甘真食報故應萬口頌山公

數到花甄第六賢

自文恭公至申甫世兄入詞館凡六賢

詩才賦口總仙

文侍郎遺集

卷五

二

蓮喜齋

仙星辰履向尚書接

文恭公文莊公

日月文從宰相傳瓌頰皆

偁大手筆

玉庭先生

籍咸同詠短檠篇

時芝圃侍講率申甫吉士同攻苦讀書

東山此樂超絲竹滿目春光引鶴年

徐廉峯仁弟詩律精密才筆華整得唐賢三昧頌

以問詩圖相屬因取問唐賢意仿遺山絕句奉

荅略舉數端罣漏正不少也

積波橫制掃齊梁合著黃金鑄子昂爲問宣陽文百軸

何緣續以慶雲章

宣城高詠聞牛渚崔顥清詩在鶴樓爲問天才李供奉

等閒摹擬鳳皇遊

少陵無體不雄奇韓子精神托古詩爲問南山緣底作
可能無愧北征辭

賦才雄界合低頭無本相隨逐未休爲問坡仙與元子
漫勞辛苦謗詩囚

儲韋雅淡得天然各體精能數朝川爲問高人誰比似
清詩句句盡堪傳

扁舟清晝工摹擬五字韋郎乏賞音爲問微鐘坐來歇
奚勞求應不弦琴

賞花新井本傳謔內寵虞箴炯戒多爲問司勳街子報
卻非輕豔詆維摩

程侍郎遺集

卷五

三

堯喜齋

探出屈宋奇而豔古錦嘔心在謬悠爲問少加名理處
幾何不讓棗強劉

契川俊逸飛卿麗暮氣詞壇拔幟登爲問微之翅鳳教
緣何抑瓠獎邨凝

并泥博辨韓碑奧疑杜疑韓不可詳爲問藩籬窺得後
可容承旨復升堂

不書姓氏識文房少伯思清庶可方爲問偏師攻得否
只堪佳句敵錢郎

高歌金石留書篋狂筆雷霆走雪車爲問杜韓何嘆賞

左攜白距右劉叉

武功焉可配君虞絕倒張爲主客圖爲問黎神胡異趣
餘波卻遣四靈瀦
鼎邊喜服環相拜灰裏陰何撥欲焦爲問幼文辭絕妙
何因遍訪北山樵
自題明星戒旦圖

耿耿明星照我北堂我母不寐曙寒如傷我省北堂卿
饋醅漿今母何在索母無所獨與卿處明發自闕眷懷

氣夜氣若何夢母婆娑

以星庚庚我趨未央齋案我哂昨候三商

道光壬午冬
日成室時在

夕廷儀直
言假也

君恩大賚母拜母喜曰弄其餘畀我女

侍郎遺集

卷五

三

覓喜齋

母以女畜媳
常呼爲女

我剛而誕卿曰非宜大直若詘道固

女蛇去天咫尺子其敬哉謂余不信明星皚皚

星焯矣日載暎矣母曰昭昭請視息寔凡百慢心萌

于不見底家有政可移於官眉睫之際大賢所難報親

已矣報君邇矣前路浩浩涉淵水矣天下有道我輩子

佩與子偕老

白小山尙書以狴掌見餉蓋一掌一蹠也詩以謝

之

右手持酒尊左足躡屐齒枕榔林中月如水不勝盃勺
枕石眠分其一肢值萬錢尙書待雪香山社正割駝峯

裏龍鮮德之休明致遠物直自南交走都下其音妙麗
性好啼掌能拱揖能提攜想當握手舉肥際擱拳見血
言酸淒籠中惟僕及酒耳此語已感黃封谿卽今僅見
胼胝跡只合金徽煮銀液可羹可葢苟况知奚必女脣
甘似蜜腥屑爲上珍尚書餽我勸我餐我攬其指驚相看探
囊合出昌谷錦擲米應向麻姑壇厨孃皺眉欲削難有
懶其手熊之蟠歲方晏冬且喚招朋儕洗玉盞乳蒸酥
裹遜此味一鬻春風敵三盞更縛珍毛配斑管送與尚

青書古簡

青燈有味圖爲曹太傅師作

尚書錄

侍郎遺集卷五

十四

范喜齋

青燈味時當孺慕天

公前序作于丁巳年

尚書親講授星使

翠回旋寢饋五千卷飛騰三十年秋堂風露好寢繞短

處

赤子心常在由來面目真佛光初祖地相業讀書人炳

燭沈驕士通經井大春醴醴良有味背誦口紛綸

老年書味減欲讀苦遺忘公有記珠在皎如初日光

句強識如少壯時九天藜火碧五夜菜根香清靜黃扉裏依然

舊講堂

高文才八斗巧對璧雙聯焯掌懷三五傳燈徧大千

下土編天下詩書真可恃虹月至今懸何以荅明主每朝

猶百篇

遊寶藏寺清涼厂

兩峯忽破處一榭明以敞虛無盡齊一萬綠與天盪高樓出頭角圓水畫盆盎塔影墮煙細城齒齧雲上九重連萬井五色日晁脹膏龍虎氣人定自來往天苑幾處羅瓊樹夾金榜靈風山背至盛夏萃森爽雪泉與月夕清境勞夢想誰將千里目舒卷一指掌憑高豈不快望遠失之悅見牛不見睫離朱同象罔三歎返幽寂鐘

正交響

三月廿二日奉

侍郎遺集卷五

五

苑喜齋

靜明圓龍神廟謝雨敬紀八韻

聖主祈甘雨川祇護醴泉慈雲隨念至靈液應時宜
麥翠三農慶花紅萬井妍趨公搖佩急銜命獻香虔
廟貌山腰迴牆陰水脈圓周迴鳩鵲觀清切濯龍淵樹
色深春後煙光半霽前歸鞍尤愜賞活活滿新田

送韓珠船侍御歸觀

博羅韓侯冰玉姿工詩善繪能文詞炯如秋隼立太華
骨瘦氣俊神嶽寄白馬上章動帝咨神羊識字逢清
時會看金紫拾芥得卻道歸夢連環持自別庭闈廿數
載大母含飴二親待從來愛日珍如璧惜寸惜分金不

買上公華袞水蒼珮不及兒嬰伯俞采延齡益算何物
奇遊子歸來壽人愷春風料理書畫舟萬花紅到天南
頭望雲一日近一日餞酒三酬還三酬旗常鍾鼎君自
有孝經一通常在手杜世閒豈少絕裾人逢著何蕃便
搔首

憶春

鈿轂金鞍競五都衣香鬢影仿三吳海棠庭院春如繡
燕子年光雨似酥畫裏遊絲難捉搦夢中佳句半吳湖
誰憐讀易扃扉客看取蕪菁繞砌鋪

丙申三月下泮邀陳雪鱸先生俞理初黃香鐵盦

侍郎遺集卷五

七 登喜齋

雲心孫柳君諸君集棗花寺看牡丹分韻得寺

字

抱罕其頡洛郵粹江關百變尤殊異揭來一抹姮娥面

偶見海雲紅照地

海雲紅紫牡丹也寺中皆粉紅惟有魏紫一叢

七寶不欄錦

不曠風焦日剝粉題瘁可憐文讌蕭寥甚花亦包羞不

能媚金車塵盍瓦鼓鬧息媿無言玉奴睡不有夢中傳

彩筆誰暝花魂拭花淚雅材博學抗希古麗句清辭各

名世

坐客皆負異才

淵淵浩浩香難測相對渾如不識字偶然

談劇露鱗爪一吹吹來萬夫避漫將何肉惱法喜卻具

伊蒲溷香積有芳奚待正封咏無酒不令陶公醉逃哉

貞觀遠今日幾飾丹霞幾傾墜何況花光草露跡一刹

羅頃琉璃器試看諸老牛腰卷更說僊人親手植

謂紅杏青

松卷及丁香詩碑

南能文字果持久東海揚塵非所議詞源心

印屬五客走亦籠東驅下駟綠陰啼鳥日轉午紅香叢

蝶春已季祇愁孟瀟起蘋末復盼春龍渥芳意

時正望雨緒

風且訪芍藥榮後約斯烹善筍穉豐臺極樂俱在遠有

興仍尋棗花寺

題鎮北主政秋鐙課讀圖

翦刀聲急書聲苦窗外秋聲又風雨兒飢母倦不肯休

哀哀九原父母經通貫傳與箋兒經背誦傾流泉

侍郎遺集卷五

十七

菴喜齋

金如豆眼如月老屋荒江年復年懿哉吾叔果英發

以連文章貢金闕春風一騎報鄉里堂上太君未華髮

鄰翁鄰媪話昔初不負折蓼親課書了了

否

今已爲郎爲大夫母言科目兒固有願得高名挂星斗

也會口授范滂傳亦願心希仲郢母卽今官暇萬卷開

千辟萬灌成奇才問罷起居問經義潞河水滿安臚來

時太夫人將就養入都

穀雨後四日奉攀芝齡少宰仙槎大空銜夫少馬

芸閣臺長小集國花堂賞海棠少宰以佳句見

貽次韻

草具羅三白林妝合五家掃除青豆舍枕藉赤城霞小
醕金尊凸高談玉塵斜好憑天上管來染夜深花
春色遽如許難禁蜂蝶狂禪關局采伴芳園拜詩王前
輩餘壇玷清時有豆觴畏吾村畔路還爲落花忙

繞仔玉印詩

截肪方寸腴可餐繆篆鳥頭紛屈盤日華映雪愁燼漣
點朱入肉紅而殷繞仔妾趙文四言縷衣爲繞稱去聲婦

官亦云僥飲紆舒安大當以下推崇班漢武帝制中宮以下卽僥爲

貴天水一姓三其鬢趙氏位捷仔凡三一鉤鉤弋高居

門雙燕飛啄倉琅根若云拳握玉鉤闌得無纖指

侍郎遺集 卷五

六 登喜齋

滄扞搏金霞帳底月蛤團得無擎此掌中看夜光珠照

膏體寒得無珮此來珊珊可憐姊妹承恩歡父馮萬金

非趙曼何如望氣求河間奇女子有黃雲浸時無昭儀

位尤尊金章紫綬同賜頒鉤弋時捷仔最尊至元帝始設昭儀位在捷仔上此

紐文采鴛鴦蟠叩鴛無語深可歎鴛鴦自有分明語見唐人小說尋其

流傳自冰山據李竹嬾記此卽嚴東樓會寶之冰山錄乃藉嚴氏譜也亦弄墨林紫

桃軒墨林所藏後歸竹嬾比來歸翼復歸潘龔定庵潘德輿日千按掌百

循環媚虹嫵月秋霄干想當印信初封完嬋娟煙視花

破顏無論錦帶誰礪剌總貯金屋珠奩端三千年來數

梁園梁王后璽見印譜此尤芬逸夸季蘭願將紫泥印千繡豔

呼官氏留人宴

顧南雅畫梅為何子貞題

篆籀為花艸隸技能將八法變恢奇林逋老去圖佳婦

摩詰生前定畫師大有精神向晴昊可無題詠映當時

參橫月落寥寥夜消得何郎絕妙詩

丙申七月七日攜酒食就友石同年宅奉邀吳荷

屋徐星伯兩前輩温雲心同年各攜書畫會看

荷屋有詩因荅其意

七月七日宜曝書東鄰竿曳貂襜褕西鄰遂啟長康厨

溼表碧鸞錦擣蒲蔡經家有狡獪珠輦珍門之温與徐

稚侍郎遺集 卷五

十九

冠喜齋

長髯秀目延陵吳似米不顛倪不运藏弄精贍東南無

亦攜踐玉籤珊瑚免中徐公今漢儒手繪泐澤昆侖墟

星伯前輩經術湛深尤精西域地理

袖易瓠本稱宋初

是日攜小槩單疏本周易

飛卿

嫺雅清而矚欲觀北苑當從吾

雲心同年藏有北苑真跡須款門看之

蔡

侯一一自卷舒每發高論先大呼

友石同年收藏富鑒別佳尤喜談論

九

經三史誰則儲

鑒藏家以張吳顧陸為九經三史

有唐宋元來于于書

訣喜見龍蛇據畫禪靜對煙雲鋪或徵古制瞿與觚知

人論世訂史誣晴虹出笈光照廬興酣談鋒敵兩都評

書讀畫豈俗夫昔有妮古歐陽蘇攷其政事皆偉如何

會起起轅下駒掄魚反兩叫梟盧左提安陵右閭胥引

之雅筵輒嘯嘯曷若守此千金壺以較博奕猶賢乎我
珍敝帚懷珉珠徒以耳鑿知其麤秋光似水雲似練銀
河倒浸新蟾蜍滿堂欣然酌市沽臥遊何處非五湖穿
針樓下走白魚今我得見秋山圖陶秀實因祕閣曝書
得見秋山圖引黃筌
評之公詩天籟吹菰蒲我詩自笑詒癡符

贈徐星伯前輩

指掌河源米聚山蒲昌葱嶺屹中間千秋著作天公界
故遣甘英度玉關

兩賦已傾耶律博

先生著新量賦為千古奇作
邪律文正詩中多說西域事

一編還

證小顏疏

漢書西域
傳補注

誰憐雪海冰山外獨據銀鞍慕是

程侍郎遺集

卷五

三

覽喜齋

書

小策青驪顧盼奇刀光如雪擁新詩材官伏地先生笑

勒馬天山自打碑

先生手拓姜行本紀
功碑海內只此一本

數載流沙賦采薇刀環夢繞馬頭飛袖中拈出昆侖影

抵得封侯萬里歸

潘紱庭琴趣圖

琴德悄悄優矣風標舉舉僊乎但道體清心遠不問成

虧有無

琴在綠陰有夢人如文鳳儀霄滿腔醞釀詩思只待天

風海潮

春不拈花寺有元人畫雪景儀徵相公辛未年題一詩

今復衰池命與荷屋前輩同作卽次元韻

山容詩影清可畫紅樓玉溪天半挂繪者不名題者貴

值抵千金國門賣碧紗籠紙佛火照廿六年來挂香界

辛未至丙申 觀河菩薩重訪舊鴻爪不磨雲不壞門前

補柳感今昔馬上尋詩寄清快渲染難窺摩詰粉摩詰以竹

弓彈粉 吟題疊見勃海怪潭溪先生荷屋前龍工試手

呼欲出甚殷焉用霧珠泉上拜屬僧寶此文字禪雨

護漏痕晴要曬

送梁芷鄰前輩巡撫粵西

程侍郎遺集 卷五

登喜齋

益晉急展采志銳養益薄大道在易退一寂弭六鑿功

名等墮甌謀慮蓄虛壑惟退心炯朗惟退志澹泊其量

乃曠遠其學遂深博古來勛業士弗受簪纓紹公乎十

載息初仕已屈螻會當急流際美疾三載托天廳逼身

至鼓翼上寥廓而歲行萬里晴空一雲鶴返叩中所有

箸述挂延閣 帝知确乎者不腆位與爵 畀爾邊要

地收取濟時略

二嶠始安縮穀口盤江匯流東合省水皆匯山奇水激

清八桂天府雄南交襟其邊苗獠羸其中一笑不足籌

泰平同我同政和訟則理蠻髦環一宮政頗訟不平赤

子皆羌戎恭聞馭邊策清德實可風捐金抵珠犀種首
百技窮公清比湘源已半智勇功

十齡識公始壯乃共官轍後堂拜老母小燕賞詩訣荆
州喜相值落帽對弭節吳門銜恤過公喟我嗚咽交情
四十載一聚償百別翰墨古香冷文酒心印熱連歲與
公遇相對各欣悅公望日赫奕銘勲到地呂我學苦多
岐又苦障未徹荷重覺力淺緒劇媿才拙公乎益矚我
使我明作哲厚穹久不雨風燥氣炎烈南行犯溽暑北
望隔朔雪設施先巨端拔擢定英傑遙聞樂職作不覺

展齒折

程侍郎遺集

卷五

三

登喜齋

賜墨樓詩和雲西宗伯前輩元韻

宗伯親陪介雅筵異珍

曲宴 賜多珍
而墨尤可寶

早聞視側呼松使欲向人間畫墨仙以漆投膠新制度

乾隆年間取金元以來古墨碎者重造
成挺印曰大清乾隆年長春園精造

如香著紙舊因

緣絡煙方法搏沙手尚憶 堯書黜竄年

長春記蒞證當時此論會徵大庾師班孟文章隨口就

先生工詩
文甚敏

李邽精采隔囊知

先生善
鑒墨

鍊形又歷 三朝

久守黑渾忘一已私好築樓藏烏玉珙國花庭院露初

垂 先生庭前
牡丹頗盛

釣魚臺展袂和荷屋中丞韻

舊水續續新水新一洗九陌西風塵齋淪曾滙百泉岷
空廣奚啻千由旬况當雨後清粼粼長安水邊多釣人
昔者照見林宗巾本來無垢亦不淨奚爲濯此欠壺身
觀河面皺付一歎刻舟劍墮忘其痕犀首無事且飲酒
任公得憇方垂綸莫持絮果嘲蘭因花開花謝都無定
眼中日月雙丸奔展上巳日眞良辰張裴袞袞得妙理
摯束斷斷紛解神百昌相待娛冶春窮渭之亭洛之濱
公詩清拔決勝頻令我再拜呼吳均

海帆前輩以椒珠見贈奉謝

寶裘絲貫綵垂絳巧作牟尼磔磔形花底能招赭爾鳳
程侍郎遺集

卷五

三

芻喜齋

天邊疑散玉衡星新紅蜀雨槎來辣舊紫朝衫染後馨
豈特盈升說蕃實還同鏘佩上 明廷

海帆前輩約赴握宅看菊還集尊齋菊亦爛然敬

步元韻

兩地秋容絕點塵信香寒蝶勸頻頻曹騰送酒非無客
辛苦栽花大有人

上客爲芝軒相國
座中皆受栽培者

飲戶窄愁觥掾侈

詩懷圓與墨池親晚窗冬愛暄妍甚好共東籬作小春

嘉平十三日大雪次日未休積尺許矣奉約吳荷

屋中丞徐星伯前輩徐廉峯編修集鴻生舍人

寓齋分韻得表字

去冬冬晴六花小今冬坏蟄液雨少漫言蛹孕宿麥朽
愆陽中人人振掉 九重捧鬯對 天語一再祕祝通
深杳陰雲下垂不俟霰如毳如茶地天皎萬人提壺欲
起舞一客犯寒先破曉吳家庭院倚桂樹手召素鸞來
木杪鄒枚旣集宜作賦其柰堅久結墨沼斯時凭檻逞
心目但見銀雲收不了數峯玉色逼幽戶一碧城陰界
飛鳥夕暉烘出絮温煥眼月盪成波浩渺過去輕車似
煙艇誰家古屋覆叢筱超然臺與蓋公室直以高曠兼
宵窅塵談觴政越三鼓耿耿橫參醉霞表歸來偃臥不
噤啾夢見明年飽新麩

程侍郎遺集

卷五

五

覓喜齋

東坡生日吳荷屋中丞潘芸閣祁春浦兩侍郎徐
廉峯侍御集顯處視月齋拜笠屐像觀荷屋中
丞所藏宋槩施顧注蘇詩本以一曲鶴南飛分

韻得飛字

紹聖二年臘十九重辨師以書爲祈

是年公六十南華重辨師以書物相

祝 元符三年臘十九談妙齋裏香初馡

是年公六十五與蘇伯固集談

妙齋集名香

巖南能塔院斜川數詩頌公壽

斜川集壽大人詩六十七是七言古六十五是七

言律

六首 一居惠一度嶺歸楚人祝兮越人襪金籠放鴿鶴

南飛白日上昇果何事

見斜川集

公平得算未古稀豈知七

百餘載後歲歲祝公歲終儼人生安得如子壽有道或

有相賓依

斜川集壽大人詩
有道或可來相賓

公詩百態窮深微願乞公

授妃呼豨公今遊戲人海否青衣告夢來願願北斗亦
飲真一酒西山誰采元修薇奚勞想像寫玉兒一十六

星天際圍延陵宋槩世所希乾嘉名輩排珠璣或題或

詠或圖畫五家隊繞三春菲公詩貫中譬元氣百骸九

藏增其肥前日對雪蘆之碻今日叢書門兩扉風篁二

老是邪非勝友且辨且進噉沈遠同甲偶然耳退之磨

竭其庶幾四十監州賦杞菊五十入侍腰銀緋功名百

歲亦草草英靈萬古高巍巍俱言水仙合薦菊爭向戒

祖求傳衣我詩險拙儕劉輝公其哂我杜德機四賢詩

程侍郎遺集

卷五

三

覽喜齋

成左右揮梅花笠影春風幃

陪儀徵相國遊萬柳塘四首

屋少水逾闊寺孤雲自行甘棠五畝宅梵樂六時聲壇
坵名猶震岡巒勢未平萬人齊種柳省識好風情

補柳綠生波

益都種柳儀徵
太夫子補柳

花禮鳥亦歌星朝觴舊雨

秦小岷

霧夕詠新荷

公借朱山
人常宿此

安用樓臺起依然風月

多碧紗籠字處卅載未措磨

草橋休誤指柳徑屢成圖

公屢圖此又有
柳逕停雲圖

煙水傾東壘

風神蕩北湖

公家塾
在北湖

望崇文潞國學貫漢經儒弗倦登

臨興鳩節不用扶

春從長者視半日話拈花春閒與吳荷屋中丞待公遊此偶借郁厨饌

兼分佛鼎茶水香留墨瀆諸鴻博舊遊地地僻入煙家再訪蘆

中客還應憶子華

題石夢詩畫爲吳荷屋中丞

點綴霞標入畫家曹騰楓逕一停車卻將夢裏邱遲錦

喚作天南苟扇砂

翰墨淵源自一家晴虹飛繞載書車歸裘只有鬱林石

分貺都無玉象砂李文饒事

倪黃一角付煙家我亦追隨丙相車淺絳峯頭歸夢遠

玉池溫水養丹砂黃山有硃砂峯下有硃砂泉即溫湯也

程侍郎遺集卷五

三 竟喜齋

題吳荷屋前輩衡岳開雲圖

衡山如臥如障雲風出軫野連江氛衡山上應軫宿故多風埃五峯

飛霜六月冷縱有皎日陰霾吞開雲霽雪偶然耳往往

自誣夸異聞海南仙人總三軍擣虛批穴排凶門桑弓

失鴈俱崩奔繫其僕鑿如招豚但將衽席奠瘡痍不與

貔虎爭功助去時望禮祕祝繁歸時凱歌雲鳥喧鳩節

不杖杖師節乘輿直到芙蓉尊颺翻鐵瓦夢犀甲斗插

鐙牖通天闌五更起看海潮沸九霞中擁黃金盆湘流

五疊綠成帶楚山一抹青無痕鑿翠惟間盪胸句磨崖

卻少班師文年時滂荒走千邨肉其白骨歸其魂今茲

旁午散羽檄獨坐大樹忘朝昏岳靈鑿此一腔熱故假
神柄聞荒屯人爭持贈嬾殘芋公亦屢拜當陽 恩憶
我瓣香叩華存眼前咫尺迷濃霧大星螢滴敗絮裏奇
冷蛸縮重裘反媿公同飲澧與沅公名遠掛扶桑暎
立夏前二日鈺夫前輩招借仙槎大空前輩借同
人集極樂寺看牡丹

漫勞撫景歎辰徂紫戟門高積慶餘見說犀光明夜渚
更傳荃體豔秋葉日華學士非無賦城旦司空別有書
自古人貲偏異用試看黃霸馬相如

每從方睨滌方中便覺流光水樣同捫籥談天焉不學
程侍郎遺集 卷五 七 恐喜齋

捧塵益岱竟何功錐椎等用憐余拙竿瑟兼羅羨子工
瞬息東風過宣曲宮花先擢一枝紅

槎河山莊詩爲劉燕亭太守作用朱文正韻

九仙山容九仙骨篤毓人物皆堅芳下有邃宇樹奇古
上眺海若煙冥茫文正讀書比文彊埽秋不使三徑荒
文清繼起相兩世揖讓燕許包韋匡江湖魏闕天一方
謝墩付與烏衣郎人多屋少笑語闕圖書雞犬兼牛羊
何人政成謝名航甘棠五畝留馨香 山莊爲方伯公築 一屋幾

比百孫院累世遂獲三公祥仙莊水石集元白妙筆烟
景超倪黃披圖疊見瑞室頌並海先問麻姑桑西豪里

門鄭公鄉清芬舊德胡可忘居官牆仞記先友君其旨
構追黃裳

三月初九日晡風而雨土天漸黃赤且晦昏後忽
小雨亥刻大雨次日卯刻乃休是日吉亥

聖主行耕田禮喜而有作

暉暉未收風捲沙闌窗無燭飛黑花須臾樹響砌紋溼
如暘忽飲甘露汁堂虛幕冷度三更此時無聲勝有聲
風力漸增檐溜動九衢車馬斷塵塢傳呼 清蹕法駕
來綠雲鐙影觀耕臺響尊旁布樂歌起風聲雨聲殊未
已洪縻弗御 天顏歡班三畢從 天目觀黃金白璧
程侍郎遺集 卷五 天 楚喜齋

買不得雨自

九重念中出音官候律說協風況乃三

白連春冬農官惰職笑拊缶自今以始歲其酉

三月十三日送

蹕後借荷屋中丞極樂寺探春中丞飭辦素食食之斐

然有作

佛以香爲國香緣卽佛緣燕商三徑雨龍掌百花泉古

閣餘焦土

明進士曠
鳴鑿事

新居儼列仙好春謀一醉曾爲海

棠顛

東雉西勾路和風送

翠華偶聆光政罄來飲趙州茶

象笏勞參證瓶齋只咄嗟園中無限樹先放倚雲花

玉淵潭茗話

玉淵潭上水萬疊綺羅風風戀柳陰底山眠花霧中談
高魚夢警坐久鳥言窮太息王飛伯文章為底雄王鬱字飛

伯金人隱居於此

送吳荷屋先生藩閩

罷鎮猶提半段槍毅然雄略靖都梁教匪圍武岡公已罷鎮猶提兵剿撫

五年美政聞

天語六月培風到海疆芳草綠添新墨

公前在閩捐廉築鳳池書院

好花紅徧舊甘棠壺漿父老喃喃話

博得籌邊兩鬢霜

沅湘使節際艱難左擁文書右據鞍十萬鴻鰲朝索哺

程侍郎遺集

卷五

五

登喜齋

三千瓠種夜探丸論功漫逞鷹鷂志報國先求衽席

安退食從容尋治本一編官禮炳如丹

輯吾學編通古今禮

憶昔初傾大雅材蕙馨仁氣拂雲來隨公種稼誇滁土

助我棗經影相臺推測深微風削柿商量出處月銜盃

誰知一紀重談讌玉躡金題取次開

居近門幽儼陸沈茶瓜鐙火度宵深偶因埽壁成三絕

儻用封侯抵萬金此去再花旌節樹及時還譜荔支吟

春風帶雨東行急無限人間望歲心

解環

解環固不易理絲良獨難矧乃環九規重以絲萬端心

手俱茫然挑鎗起長歎抽刀斷其絲引椎碎其環炯炯
天際眸豈在牛背閒

題 賜馬圖

侍 帝左右 帝所親必有良馬如正人馬知人意惟
所命一步一趨無不敬龍媒俶儻 天閑來曾游閭闔
觀玉臺再拜撫摩不敢策踏月追風倍珍惜河間禮樂
東平賢朝回覓句籠吟鞭道逢監牧王毛仲猶說馳雲
域西貢鞞中口齒圖所難並圖 賜出真榮觀何當騏
驥鳴櫪下三世好儒同好馬

湘林侍郎以劉文清手蹟見示一七佛偈一手札

程侍郎遺集 卷五

三 聖喜齋

一會榜貢士名及文評各繫以詩詠歎之

淨飯生牟尼是爲第一祖如何金色伽厥位次第五意
者大善生乃與勝觀伍聲若師子吼口作梵唄語如何
說偈時乃成五七古得無大迦葉潤色金剛杵洞門一
童子性契宗乘普似六朝人書姿態何媚嫵遠紹裴公
美飯依說淨土 右七佛偈

二王揚其波蘇黃溢其瀾匪爲書香拖吐屬亦可觀公

腕右軍鬼公筆元瑜竿千載懷袖中字字青琅玕

右手札

花飛放榜天官燭搖露初餬名忽折名一笑淡墨書瀾

茗重論文昆侖得意珠朱衣旁點頭品評殊不誣試官

老歐梅進士今韓蘇古楷追鍾王竊恐歐梅無譬寫千
佛經智慧隨如如智慧如如皆佛名
右貢士名及文評

花筩

截竹貯雲霞如瓶累累加鳳皇十二管旌節百層花旌節

花長五尺
層層有花綽約移春便膏騰拂帽斜洛如文字樹比儼

取清華洛如花形似竹
郡有文士卽生

殺青防迸裂集豔貴鮮新金帶圍君子郟筩醉玉人芳

根深附托大節本輪困一顧盈門爛風前倍有神

題徐訪巖同年灘江送別圖卽送之官皖水

出守甫六載拜恩已三擢天日照庭戶臣節易昭

程侍郎遺集卷五

三 楚喜齋

暉徐子路南傑內瑩外抱璞望郎治劇郡到處頌魯卓

全活千萬人適會閩災剝閩人方截鐙灘江倏鼓權鸞

驂戲桂海飛旆指瀟嶽九叩謁前席温語聽數數

君房善應對德滿情益慤邊我待漏院未語臂先捉君

謂我皖士定知皖純駁我久別鄉里風聽殊不确昔者

邱公能不受吏胥眷偶施霹靂手一怒痛呼暑今聞周

侯猛巨慙挫牙角清領半焚棄妖霧斂蒙濁新安好山

水棚戶恣采斲木伐山則童石墮水乃舉藪盜大藏垢

伍伯不敢撲歲康尤可畏山賊弄刀稍剔攘如何先想

見智珠握憶我訂交始丞相做經幄老鳳正軒翥迦陵

尚雛穀秋鐙課風雨一友忽剝啄邇來廿餘載人事等
夢覺其聚若萍梗其散若風殼君從江鄉來圖繪出新
貌詩筓舊雨贈千珠貫百珏聊且避暑雨聊且飲河朔
歡促襟未暢別速感愈邈上將酬 知厚下不負所學
諸生選何武試聽中和樂

程侍郎遺集

卷五

三

程喜齋

程侍郎遺集初編卷之六

彙詩之失題者及詩餘試帖都爲一卷續有訪獲補入此

豐樂溪圖爲吳雲蒸明經作

竹樹圖書共一村樵夫談道女能文最憐日午東風醉

十里溪花染白雲

春來桃花最盛

思緒然開

軒冕高華德業尊幾多名輩托衡門催租舊券鐙心紙

半是容臺屋漏痕

一雙牙管餘清在十二珠樓舊跡蕪曾記豐溪談讌事

萬梅花裏望天都

老樹周遭曲沼明疏花細竹遶籬生分明一覺江鄉夢

只少泉源徹底清

程侍郎遺集

卷六

一

楚喜齋

只少黃齋青太守自潮州寓書來並寄二律次韻答之

君宦東南天地間我行病暍困江關每當藥鼎煎熬夜

輒憶詞壇突兀班賢守神明知肉攫長官清潔感珠還

如何忽厲投簪志急爲莼鱸返故山

聞君曾掇鵠亭灰陰德如斯合再來寄遠勞勞頻付雁

登高草草一銜盃魚龍影裏知交散鷺鴨鳴聲中將帥回

快讀摩圍好詩句滿腔愁思豁然開

竹樹圖書共一

萬株黃葉戰春花上之陵 聖主清嚴蹕觀禮儒臣薄

笨車獨有中郎淒欲絕荒墳麥飯隔天涯

天意耳知無風雷且管名山書且醉樂聖盃

真人與道壹水炎不能傷憂患來紛紛一笑如驅羊大
事在忠孝餘情寄文章文章博且敏其聲清以長良玉
三日炊神劍千年光卓然老名宿曾坐中書堂翰墨有
奇緣已上雞林航

程侍郎遺集

卷六

二

程喜齋

亦有憂患懷俯仰戀北闕君恩報未已家祭飄以忽
道遠七千里時閱三十月朔風吹不冷耿耿寸丹熱新
詩吟不已字字海東雪

孺孝繞膝諫怡然公懷開閣筆正商句忽報金雞來上
有堯舜仁下有韓蘇才丹頰清瞳方公平神仙哉來往
悉天意耳畔無風雷且著名山書且傾樂聖盃

帽影鞭絲稱苦吟玉山風度自深沈八騶擾擾過朱雀
猶是當年短轡心

尋春蹤跡最驂驪得酒楊風興倍酣十萬柳絲驄馬雨

長沙清絕似江南

艸長鶯啼綠正肥六朝風景夢依稀五年前是金陵客

秃尾斜衝柳絮歸

予辛卯年尙
王鍾山講席

回黃轉綠新奇畫鍊汞燒丹頃刻仙雙管風流陶靖節
兩閒心事傅延年

平分秋色秋無價合是通靈玉斧仙看碧成朱勞悵望

一尊風雨又三年

菊種有平分秋
色乃二色花也

題周穉圭前輩金梁夢月詞

綠酒初嘗元獻醉月華如練范公唼由來將相兼才調

程侍郎遺集

卷六

三

楚喜齋

不是吳兒木石心

高才延己追端己小令中唐溢晚唐更用騷心爲樂府

漫天哀豔李重光

澀體清真掩抑弦飛騰石帚五通仙君能併作洪鑪鑄

更把餘金篋玉田

鏤雲縫月具心裁不是莊嚴七寶臺竹屋梅溪都抹倒

故應平睨賀方回

平園大集冠中州豈止蕢漁玉笛秋十里珠簾千步柳

卽論談笑亦風流

仙山菖草已辭根塵夢稠桑欲返魂雲錦鳳羅都溼徧

萬行情淚哭天孫
難賡春月夫人調怕讀微雲女壻書憶向紅牙雙顧悞
當年公瑾定何如
月嬌一硯費擗摺我亦偷聲學里哇近就清空求妙理
不邀青兕鼓銅琶

黃口無依不可生慈姑失養若爲情久拚一死尋君去
禁得雙孤苦喚聲

婚嫁相尋劇可憐冬衣縫後指頭穿點金擲米都無術
支拄寒門又十年

程侍郎遺集

卷六

四

楚喜齋

嚴霜虐雪都經徧堂堂北梅花次第春女已歸人兒抱子
獨看 綸綉獎松筠

閨中好夢琴三疊堂上歡顏奕一枰紙閣畫屏人立處
謝家高韻顧家清

頻年侍疾力全殫困憊慈姑也慰安天若報伊勤苦處
應教女婿壯門闌

鼉湖煙水雁橋花記得年時繫釣槎天與行窩儘安樂
婆娑晚杖住東華

任公豪氣舊登臺合有吞舟觸餌來今日收綸成一笑

兒孫都是釣鼈才
鄉山一髮夢回初心念
螭鴻未定居波溢不聞魚稻美
好修荆楚歲時書

題彭春農學士待漏圖

面目若刻畫音吐如洪鐘
長身玉立清且雄文章翰墨
紛填胷是宜承旨明光宮
五更雞唱金闕皎九霞日出
觚稜紅論思春殿何春容
堵牆學士咸鞠躬問知家世
承三公燕許手筆高岑風
當年曾假貽厥力此日爭仰
雲門宗是宜聯華屬車中
拄笏直接甘棠崇何爲忽作
六月息並欲塞兌成癡聾
禁鐘官鼓久不聽書山一窺

程侍郎遺集

卷六

五

楚喜齋

窗瞳矓誰能奮庸亮天工
聖主側席求朴忠公飽經
術謀謨充驥首一顧凡馬空
黃鸝三請春色濃願公風
駕來花叢執御弟子希符融

元有曹雲西營邱古意河陽蹊
惟君筆精與之齊宋有

曹申甫樹石有法竹有譜
惟君姓名與俱古濃皴厚染

波淋浪石田氣骨清且強
高峯雲駁列劍戟秋樹霜過

成文章世人僞古喜踈澹
元酒太羹無可啗君從深密
出森逸醞釀煙霞倍蒼紺
年垂八十九神明白鬚紅頰

雙瞳青登高尙挾濟勝具
搖管自帶風雷聲贈我兩障

殊崢嶸人所略處皆分明西山雲氣似黃海徑欲結廬
臨磈礪屏除俗累讀古書更展鸞溪乞揮酒

僊山風露玉根芽兩朵香雲護紫霞自是祥徵科第草
眞成看到子孫花娥娥共托移春檻袞袞來生積善家
博得仙翁開口笑婆婆桑果正無涯
艷絕櫻桃館藤花歲歲新婆婆不羈士棖觸遠遊人天
半霞分影山陽笛感鄰好憑田水月來照海波春

題晉甘敬侯墓碑

程侍郎遺集

卷六

六

龍喜齋

玉環碎壯侯怒兩襜橫梁不敢渡金櫃鳴敬侯驚改易
百官皆恣情同征華裴有三將敵知敬侯勇且壯况舉
義旗惟所向六師敗績周戴殂茂宏不終王室孤儻據
武昌劫以力必速太甲成幽拘社稷不移敵亦去何惜
老臣頭挂樹了無快劍誅王廙那有歐刀斬周慮君不
見雞籠四陵狐兔場甘家麥飯千春香於戲侯澤何其
長

題劉子敬大令牧羊圖

劉累能擾龍梁鴛解豢虎物媚養己者不使妄喜怒其
神其猛摯晏然臥堂廡何况圈溷物赤手可循拊勇力

能化裁君略極雄武用仁不用略龜勉求治譜食少生
齒繁萬室同一苦譬如芻秣短齒齟不能普養民如養
兒如何缺其乳定知循政至天付好風雨原頭積芳艸
盎底蓄糜腐苗壯夕陽羣纍纍腹如鼓語其徬徨時晝
夜思所補藉非詩禮深焉能逆有睹不稔何山谷來迓
劉榮祖收人有吉夢夢俗比鄒魯

鴻濛蹤跡本無心誰遣諸生日夜尋偶就弓衣書數字
一時傳布徧雞林

桃已蒸霞柘已甘自崖送者語喃喃誰知畏壘歸來後
程侍郎遺集 卷六 七 危喜齋

卻與雲英共一龕
生平壯志觀滄海足跡還應徧九州今日對君披畫本
翻然欲策六鼇遊

詩餘

蓼花 調寄浪淘沙

一穗一秋痕岸側籬根水天多少夕陽魂併入露枝風
葉裏紅顫黃昏鷺宿更鷗屯簇簇紛紛落帆沽酒對
斜門正是晚霞魚尾赤圖畫江村

酬潘公子星齋 調寄眼兒嬌

萬花深處五雲多新雨昨如何黃鸝三請丰標公子且

駐鳴珂 瑯玕碧裏留清響知是鳳來過它年簪筆吾
廬可愛人影風荷

葫蘆

調寄沁園春

嗟爾葫蘆蔓縛絲縈當門獨懸似歌來張裔內粗外潤
鑽將屈轂口實肌堅盛火斯焚安簧失響那有青田蜜
汁鮮知何用只蠻天覆犬配箇槃圓趙州土壁東邊
甚井絡雙眸斷復連嘆文人贈答難裁筆管道人留飲
久失醫篇胡廣藏身征南病頸枉被人嘲拗且偏江湖
上看大樽五石空腹枵然

牽牛花

減字木蘭花

程侍郎遺集

卷六

八

建喜齋

柔藍一架小摘銀河秋影下莫是黃姑配得匏瓜獨處
無香金鈴鼓子喚盡芳名渾不似輸與郎誇世上原無
織女花

甚共鳳柳

調寄望海潮

何年翠鳳婆娑九尾翽然來集幽深眠重醒遲雨多晴
少無煙亦自沉沉山曲水之陰有畫橋橫路香絮盈襟
一面風偏欲隨驄馬度遙岑天涯別恨侵尋正當睂
憶黛理綾停鍼思曼纏綿小蠻旖旎春來事事難禁人
影倚樓心悵秦雲似棧蜀嶺如罈露白霜紅爲誰憔悴

到而今

潘星齋公子藤花吟館圖 調寄念奴嬌

玉郎華屋正東風吹送紫香雲裏人本纏綿花本豔醞
釀一庭紅意玉手揮毫翹鬢照墨字字聲聲媚渠儂口
胸綠鸚歌罷能記 最是小晏情深少遊才冷肺腑眞
珠纍細碎篇章傳誦徧繡入吳娘袖底名士傾城搓酥
滴粉貴盡長安紙虬枝覆處畫簾人影雙倚

題閒看兒童捉柳花圖 調寄疎影

搓香捲雪正緒風款款簾外初起黃口酣嬰巧奪狂追
相逢欄角花底縱教盈把知何用熨不暝鶯雛燕子歎
晚來高下西東都入麴塵春水 獨有青楊詞客愛風

程侍郎遺集 卷六 九 登喜齋

景韶麗驗望閒倚何太輕盈如夢如雲惱亂揚州十里
儻無捉搦誰珍惜轉念卻謝家詩美忽一時撲面紛紛
恰趁唾絨窗啟

九月十五夜登越秀山看月次吳石華韻 調寄水龍吟

些些雲縷都無不知誰掃秋河際天容山色涵清混碧
煙中有水風定尤明夜深全白一空林翠想萬家清夢
鎔成露氣把樓閣扶將起 客是不眠吳質聳吟肩玉
壺三洗小謫人閒舉盃能說廣寒前事海上琴聲一彈
誰和美人千里正窺簾的的素娥單獨似敲還睡

楚畹柔香戚畹嬌香天然素華甚藥師紅拂相逢越第
押衙沙叱奪返韓家君父恩讐英雄節義付與傾城一
笑譁寸腔裏有柔情一點誤了生涯 三姝豔若朝霞
說四面菩提八面花想駒虞茵上同心並坐虎鶯屏畔
六嫵爭誇晚節超然看人墮落不向侯門走鈿車梅邨
曲縱千金購燬尙有箏琶

觀日題吳鴻生中翰閨重九雅集圖

梅雲煥盡一雙

兩閨叢菊算人生難值閨秋重九小集蘭臺推茂灌少
蓋翫翫多又楚壁詩痕燕山墨雨圖畫天開牖范家研
暝摩挲夸向詞友側想二陸高居蒼茫雲樹滿座題
程侍郎遺集 卷六 十 楚喜齋

糕酒七十年來鴻爪雪付與武昌官柳桐葉能知茱萸

再把采筆還依舊西風落帽訂交都在杵臼

用吳季英事

蘭題成蘭生太守西湖照影圖

小集蘭臺對英

磨月成銀拓山函鏡花柳放出空明葑雲銷盡一碧盪
秋晴憶自鄴侯照後蘇和白詩影縱橫能來者先盟鷗
鷺舉手濯吾纓高名人競羨冰壺洗魄玉磬儲精任
綠水青山坐嘯飛行莫認淵魚俯察心印處珠定波平
輿歌好西湖誰比比似長官清

粧閣水同清鏡牖香城萬書屏裏鬢雲橫郎喜高吟儂

默記回到三更時小妹語分明似說儂卿一雙人影可憐生錦樣才華花樣貌海樣恩情

試帖

虎賁脫劍

鐔鏢山河裏誰還仗劍銜羞矜三尺利方是萬夫強看偃靈臺伯難分主將裝虎隨鵠鷺拜龍入斗牛行秋水芙蓉斂春風玉佩鏘衣冠殊仲路儀類類中郎已鑄新農器都耕舊戰場太阿今在

御宙合煥威光

太乙藜光夜照書

程侍郎遺集

卷六

十一

楚喜齋

太乙憐中壘乘風叩索居吹將扶老杖照徹古來書挂卷同靈壽探懷得望舒玉虹千宛委金炬五芙蓉星合招鶉鳥仙能辨豕魚九宮行未已七略近何如拂後珠盈字歸時斗煥車寄言天祿客珍重日之餘

良冶爲裘

五六冬官異安能兩美收而翁良作冶之子學爲裘無意求駢角初心守雉頭繡絲金并鑄繞指鐵同柔容易裁千腋艱難合十州非無銅馬式賴有袞龍修鞴鼓誇精鍊英齊咏直侯二端皆小補何

以付孫謀

終子請纓

氣已無南越何須定捷回一朝投筆起萬里棄繻
來陸去書空報佗終志未灰通犀生翠地奇木白
麀才羊馬當牽右蛟龍必縛魁長繩能繫日強項
莫登臺練甲從它銳詞鋒孰我摧樓船著成績此
請已先開

明月照高樓

東南生海月西北有高樓月獨今宵白樓含萬里
秋桂花全樹現銀漢撲天流有路招鸞鶴無珠寄

程侍郎遺集

卷六

十三

趙喜齋

斗牛一鴻驚玉笛雙燕倚簾鉤環佩聲先冷關山
影盡收幾年明鏡裏何日大刀頭側想登臨意人
生莫宦游

銀魚

昔日吳王棄春來絕可憐湖山渾欲沼煙水有餘
鮮品與銀爭潔形從鱗後全玉裁千筋穩漆點兩
珠圓寸寸花搓雪鍼鍼帛裏綿烹將純黝鼎貫以
最么絃早食懷苗美通行作鮓堅潞河今已出蝦

菜滯歸船

猩色屏風畫折枝

孔雀深藏尾琉璃不受花有屏皆屈戌無萼不橫
斜錦樹朝朝見春山面面遮紫龜全甲瑣青鳳半
柯拏罕地珊爲屑摩天玉作又牆通雲漢月香貯
赤城霞王遠懷芳草徐熙入絳紗畫成詩亦就綵
筆落誰家

鳳尾諾

博得麒麟賜誰爲畫諾才灑成蝌蚪墨飛出鳳凰
臺閃閃文如活翹翹翠欲開高翔依管動倒掛逐
花來字與千金敵雲將五押裁癸庚隨意答丁子
任人猜叔夜題門肖宗資染翰陪爭如江夏小判

程侍郎遺集

卷六

三

芑喜齋

尾巧紫迴

秋菊有佳色

北牖涼先到東籬事可偕星星渾似舊采采已全
佳露重深滋蕊泥香穩護萋葍將雲母盞標以水
松牌夕照金如海重陽酒似淮天人宜道服秋士
愛清齋索畫濃歸墨思詩瘦入懷欲尋眞色相大
隱屬吾儕

羅浮見日雞一鳴

峻絕霞峯頂扶桑在眼前三巖三鼓後一躍一輪
先似有黃人捧初聞絳幘宣桃都同警夜參伐尙

橫天快矣瞻義馭雄哉促祖鞭燭龍疑失寐仙蝶
亦驚眠影與神山合聲從海國傳

蓬萊今咫尺共草日華篇

羅浮夜半見日者蓋登聚
霞峯頂望見海東日非雜

一鳴日卽滿羅浮山也
作此題者當知分寸

碧碧黃黃麥際天

極目連天麥康哉大有秋黃黃兼碧碧濛濛復油
油萬紫千紅後長空一望收浪隨春色偃雲共夕
陽留綠海平逾闊金風早更道染淡槐葉雨闌入
萊花疇餅餌香全發郊原氣正浮六岐符

聖瑞函夏飽來牟

程侍郎遺集

卷六

十四

是喜齋

聖瑞函夏飽來牟

萊花疇餅餌香全發郊原氣正浮六岐符

朝階綠草在懸圃金闕浮更豈樂對蔚葉雨闌入

前萬紫千紅後長空一望收浪隨春色偃雲共夕

酒目連天麥康哉大有秋黃黃兼碧碧濛濛復油

碧碧黃黃麥際天

一鳴日卽滿羅浮山也

蓬萊今咫尺共草日華篇

作此題者當知分寸

謝天快矣瞻義馭雄哉促祖鞭燭龍疑失寐仙蝶亦驚眠影與神山合聲從海國傳

詩餘 補遺

桐縣 調寄念奴嬌

綠瓊枝小白絨絨非雪非絮金井玉闌黏欲徧昨夜露華疑雨傅粉難乾吹香不定恐逐西風去纏絲宛約令人情緒如許最是么鳳憎寒妒羅幃暝應有安巢處裏住離心縈著恨不放一秋先度月熨初平雲篩正膩惆悵吳娘杵裝衣夢遠幾回錯撫庭樹

秋林宴坐圖

調寄水調歌頭

一舸赤嵌去沈帶佩吳鉤偶逢出草嘯談笑取封侯萬里鯨波泛月三徑寒花坐雨二樂與天謀忽作遂初賦程侍郎遺集 卷六 五 是喜齋
投絃栗林游 歸正好踞磐石坐清流干雲玉樹百尺絕勝橘盈洲政滿賦新歌裏詩繡達戈紋上小駐已千秋風浪掩關息海水夢悠悠

題李晴江先生畫橫看子

回輪無風樹

桐子齒未齟授簡對宵鐙吾師下筆風雨聲在剡溪藤酒後鬢絲樗散天末盛名坎壈愁重不能勝誰識李睟古石氣碧峻嶒秋老景意深穩勢飛騰

蘇州

題李晴江先生畫橫看子

蘇州 題李晴江先生畫橫看子

詩餘

程侍郎遺集初編卷七

釋彗

彗者何本類星末類彗故謂之彗彗無光傳日而爲光故日東升則西指日西降則東指其光有竟天者故曰長星其質乃五星餘氣所化故備五色數不過五其行有本行故能遲能速其體麗月天近人故於人事易感召其應以出久暫芒長短行遲速驗事大小裊深淺大抵一月準一年二月準二年三月準三年或云無百日不沒之彗然占書史志有二百日之說也其氣能幻故或化雲或化霄霞其氛先附於日輪側故五寅日以甕

程侍郎遺集

卷七

一

楚喜齋

水鑿日可決其現否其相似有孛有欃槍有蚩尤旗有王蓬絮孛體則圓也氣四出也欃槍則侶絮裊筓也蚩尤旗則類彗而柄曲也王蓬絮則散糅若絮或有芒或無芒行甚速一夕能歷數次舍也夫星氣變怪其本皆在下而發現於上譬人膚肉生疽癰其根柢皆伏藏腑也雖占驗尅應符其時或不符其地符其地或不符其時或俱符俱不符然其爲不祥則靡不符也亦有不符則人力能弭之或謂彗在月天去恆星天尙六重氣豈能及譬若秦人惡越人向其方詛之越人豈聞知不知日輪天居中與上下俱闕而眾曜皆受其光光能及氣

亦能及矧彗傳曰爲光則烏容有闕哉故歷徵史乘識
星變時與地相符者多不符者少人力弭之亦間有譬
若祝由疾劑殺潰瘍視醫高下而已然則王者受命宥
天下觀先兆側身修省禁事銷患於未發其權固在已
哉

堯肇十有二州說

堯典肇十有二州馬鄭注及晉書地理志皆以爲在禹
功後漢書地理志谷永傳皇甫謐帝王世紀宋書州郡
志皆以爲在禹功前案下濬川之文則在禹功前之說
是也禹貢云九川滌源九澤旣陂皋陶謨云予決九川
程侍郎遺集

卷七

二

堯喜齋

距四海濬畎澮距川蓋禹功告成之後其利可百世豈
甫䟽鑿卽又有濬通之役耶漢書地理志云堯遭洪水
懷山襄陵天下分絕爲十二州使禹治之水土旣平更
制九州帝王世紀云堯遭洪水分爲十二州今虞書是
也及禹平水土還爲九州今禹貢是也其言甚晰足正
馬鄭之誤蓋舜居攝巡狩時水土未盡平正禹致力之
際故曰濬川逮功成後乃分九州山川澤藪皆以九筭
勒爲成書以告後世直至受虞禪後未之改也或引鄭
注肇始也爲難則應之曰十二州肇于堯不肇于舜且
大傳肇作兆

說文

作兆鄭彼注云兆域也爲營域以祭十二

州之分星蓋巡狩必祭山川兆星封山皆祭義肇不作始解則十二州仍堯之舊益非舜所分可知也十二州之名曰冀曰兗曰青曰徐曰揚曰荆曰豫曰梁曰雍曰營曰并曰幽馬季長曰舜以冀州之北廣大分置并州燕齊遼遠分燕置幽州分齊爲營州鄭康成曰舜以青州越海而分齊爲營州冀州南北太遠分衛

水名非地名爲

并州燕以北爲幽州馬鄭之說蓋取周禮爾雅成之幽州有醫無閭并州有恆山營州上應營室皆可據故舉十二州之名當從馬鄭以十二州在禹功後當舍馬鄭別求三山以足五嶽四鎮成十二山以配十二州則書程侍郎遺集 卷七 三 疋喜齋 缺有閒馬鄭所不能也

論承重孫婦姑在當何服荅祁淳甫

承下問承重孫婦姑在當何服經與律俱無明文並引顧亭林方望溪之說判其同異具見閣下讀書心細古人所畧者澤何能知姑卽所見及者奉荅案承重孫婦服當從夫並不計姑在與否也唐律云婦爲舅斬衰三年其夫爲祖後妻亦從服祖姑改和禮書儀家禮皆遵之至明會典改婦服姑同於舅今通禮遵之是承重孫婦服當從夫著於律已久况承重者荷爵土之重父殂固承父未

殤而廢疾亦承其婦從夫而服與姑同亦何嫌哉且姑自服其應服之服耳婦自服其從夫之服耳彼承重不嫌於父豈同服遂嫌於姑哉夫承重者承爵土之重非無形之物也周制封建曰親親曰尊尊故承爵土者雖諸父不敢先之而其殤也其父爲報服斬衰三年若施之後世則駭矣今封建廢已久惟世襲者尙可言宗法言承重若大夫士庶家一遇大故其長子不幸死輒引長孫加於諸父之上曰吾行古禮此宋以後拘儒不達世變之所爲也若唐以前尙有解此者故晉侍中庾純云今五侯有爵土者其所防與古無異重嫡之制不得程侍郎遺集

卷七

四 覓喜齋

不同至於大夫以下旣與古禮異矣吉不統家凶則統喪考之情理俱亦有違然則律文何以著承重之服蓋封建雖廢承爵土者則代代有之律文蓋爲承爵土者發也然則士庶家何以行之曰此由墨守家禮而致誤也

家禮非朱子所作白田雜著辨之甚明

承重已失禮意其婦之服當在

不議不論之例

除世襲言

若宛轉從俗則唐律以下所著甚

明可覆案也管蠡之見輕議禮文恐不足備方聞採擇

惶汗惶汗

狄未穎孟子編年序

言孟子者有五誤趙岐孟子題辭鄒本春秋邾子之國

孟子時改曰鄒非魯也今鄒縣是也又曰孟子魯公族孟孫之後子孫衰微分適他國是孟子本魯人而實居鄒不可謂鄒卽魯也乃譚貞默編年畧以爲鄒卽孔子陬邑誤一司馬貞索隱孟子卒於周赧王二十六年壬申年八十四依此逆推則其生當在烈王四年己酉乃索隱謂在定王三十一年聽雨紀談作三十七年闕里志又作安王十七年誤二竹書紀年梁惠王後元十三年齊封田嬰于薛十月齊城薛卽孟子所云齊人將築薛也是年爲周顯王四十六年孟子在滕經有明據乃金履祥通鑑前編季本事蹟圖譜謂孟子遊滕在赧王程侍郎遺集

卷七

五

堯喜齋

元年去齊之後誤三紀年梁惠王三十六年與諸侯會于徐州以相王於是改元稱一年又十七年而薨孟子至梁在惠王後元末年已五十餘故稱王曰王而王亦稱孟子曰叟各從其實也乃史記謂惠王三十五年孟子卽至梁通鑑綱目從之又參用竹書謂襄王元年始去梁凡在梁十八年誤四國策齊宣王令章子將五都之兵伐燕三十日而舉燕國與孟子合此赧王元年事也取燕燕叛孟子之去宣王之薨並在是年大事記朱子綱目明白可據乃黃氏日鈔謂伐燕有二前伐燕在宣王後伐燕在閔王孟子集註又謂齊破燕後二年

燕始叛說者因據以爲孟子後事閔王之證誤五有此
五誤而孟子之里居生卒出處先後不可究詰矣溧陽
狄永穎先生起而正之闢諸謬說歸之一是而後亞聖
之生平如燭照數計於戲可謂有功於聖賢之門矣先
生所著孔子編年其精核賅博遠勝胡元任有識者能
辨之然爲孔子編年尙易爲孟子編年卽淹雅如閻百
詩亦謝不敏甚矣書缺有間令人嘆生千百世後之難
爲學也先生著有四書補闕行卽授梓合之兩書其有
功於聖賢之門甚偉夫著述至今日幾幾乎人握珠家
抱璞而有功於聖賢之門則不多見卽謂先生爲聖賢
程侍郎遺集

卷七

六

龍喜齋

之徒也可

癸巳類稿序

吾里學派自江戴昌之金程承之其緒蕃變率以治經
爲宗都說經鏗鏗尤善治史部則有吾師凌次仲先生
與師角立不倚則有吾友俞理初先生凡學無門逕則
雜雜則經學溷漢宋天文學溷推步占驗執一則隘隘
則暖暖妹妹悅一先生之言墨守訓故甚且持古疾以
病今理初先生憂之於是察兩漢門逕端其趨向於其
岐則閉也寢饋經史旁通諸子百家九流於其僞則剷
也不甯惟是宋之亂漢易判魏晉之亂漢難判淄澠流

合易牙能分之。撫古人之愚，若辨黑白，乃益見古說之可信矣。書缺有閒，箋疏脫訛，徵之於諸子百家，九流有時而窮，則援及釋典道藏，以爲助。糝糠塵垢，尙堪陶鑄，矧其精者。啟我質，我不猶愈於求野乎。然非先生受性精敏，一覽便記，又烏能宏覽博辨，差擇助詮若是之廣且大歟。先生著述甚富，未暇寫定。今春應禮闈試，受知於王菽原主政，主政薦剡未售，急索其著述，攸金棗之，蓋欲以千秋身後名償俗耳目一第之榮也。用心良苦，聞者感歎。惜乎時日稍柏，僅得十之三四耳。記十年前與先生篝燈夜坐，偶有作述，援筆立就，引證賅洽，退而

程侍郎遺集

卷七

七

冠喜齋

檢諸篋，無一誤事，誤言洵乎才學識有千萬人而無數者。書將就委序於澤澤學術，譎陋焉云。知先生然私幸竝世，見一傳人引吾里江戴之緒，且未有艾也。

王癸巳類稿又序

右癸巳類稿十五卷，吾友俞理初所箸也。理初負絕人之資，篤好讀書，自識字積髮，素履饋凡四五十年，其善於始也能入其眇於終，也能出叢籍城擁手繙繙不輟，輒輒大半成誦，地人名稱事回穴數載，極見某皮某冊，某篇行語，卽中是謂能入萃昔賢往事，判黑白搖筆繚纒千萬言，某可據某可棗某不可憑某宜斟也。一篇中

計疊簡不勝舉使起昔賢論往事亦鎖是謂能出出入之際無精心卓識果力則絢博而支絢斷而岐宋以後逮有明豈無博見彊識則徇虛車紉實用恆若斯也惟識足以徹千古之藪辨足以息萬喙之爭富足以會古今之通明足以別真僞之溷然後縱橫勃窣底於是乃已故治經貴一也纏牽於注疏則隘畔離於訓故則野援證典礪苧甲新意皆陶鑄秦諸書漢諸儒斯得之治史貴紛也讀未終卷遂持論則塞讀一史未他及遂持論則陋正窮乃稗稗窮乃注注窮乃金石全史醞釀岐說旁溢斯得之尤善言天象暨厯數以爲泰西法積精

程侍郎遺集

卷七

八

莞喜齋

然豈三代秦漢人所豫解以某時厯衡某時法是非區分則三代秦漢人不能委其過尤善言地輿說方域以爲中外同軌不道險今昔異履不詳憲惟殊方遐國人所忽必當察察則萬一可據爲攻戰之導也至於掌故之鉅名物之細聲詁之雅七緯三式釋典道藏素靈之奧景教之岐凡諸儒橋舌方皇者稱引首首如肉貫串絲在襦則又非恆量所能測識者也加以受性方直僞書誣古必辨魏晉儒改故訓蔑先儒必力辨邪醜正否嫉賢必覲縷辨嗚呼古心哉古人哉凡理初手成宏鉅書不自名者甚夥年過六十而聰強審密不億其著作

未可涯此冊斷自癸巳年故曰癸巳類稿刻成索序於
子予讀之甚愜也爰就所窺及者詆之其諸廣遂以俟
大雅

金石題詠彙編序

金石文字自歐趙著錄以後書不下百種而哀其題詠
爲一集則自甘君實庵始或曰詩以道性情至詠物則
性情紕咏物至金石則性情尤紕雖不作可也解之曰
詩騷之原首性情次學問詩無學問則雅頌缺騷無學
問則大招廢世有俊才洒洒傾倒一時一遇鴻章鉅製
則曹然無所措無它學問淺也學問淺則性情焉得厚

程侍郎遺集

卷七

九

楚喜齋

况吉金多三代物其文字與經表裏可補經闕樂石之
最古者與金同其文字與史表裏可補史闕宋人棄訓
詁談義理自謂得古人心不知義理自訓詁出訓詁舛
則義理亦舛又史傳年月官系之紊非碑碣不能證譬
若羣子姓議祖舊忽引一數百歲人在側啞然指其妄
而議者紛紛退矣然則吉金樂石之有關於經史如此
宜其自唐宋以來題詠不絕至我

朝尤盛也况訓詁通轉幽奧詰屈融會之者恍神遊於
皇古之世親見其禮樂制度則性情自莊雅貞淫正變
或出於史臣曲筆賴石之單文隻詞證據確然而人與

事之真偽判則性情自激昂是性情又自學問中出也顧金石題詠散在各集非藏書家好古士不能輯則實庵之功且出歐趙外矣余反復檢閱欣然序之時道光

十一年八月中泔泔友友尊尊本本善善與與盡盡其其來來試試出出善善言言清清
本本錄錄泰泰階階六六符符後後序序游游世世勤勤學學一一手手耳耳然然聞聞夫夫士士風風

壬式之學失傳久矣明張仙槎得真訣於孫南峯遂傳姚少師之學所謂以支爲體以干爲用者也干能使支支不能使干猶陽能使陰陰不能使陽不明遁干則分毫無取驗理會門之外如五變中黃經玉藻金英照心神鑒經直指析義等書俱能發遁干之覆然用遁干是程侍郎遺集

卷七

十

楚喜齋

矣未嘗專用遁壬用遁壬因而六之則自先生始是書也探源於伍相范大夫而文之以東方大中縱橫勃窣九變復貫鈇析類神至纖至悉射覆責丁若捕盜之用遊魯至其文采吐屬蓋遠超金匱玉衡龍首之上下視漢唐以來附託之書不啻培塿矣先生績學嗜古無所不窺尤好闡天人之秘此僅騏驥一毛耳然聞先生居恆晨起必焚香占一式有求者則盡其求乃止著有奇驗布在人口澤識先生於楚南論古之暇必及壬式且言是書體例作意時匆遽未及索讀也今先生歸道山五年矣嘉嗣鏡海前輩出此見示並屬序於澤豈不以

澤千慮有一得然澤維管公明別傳云術數有數十家
其書有數千卷然而世鮮名人皆由無才不由無書是
則先生占驗之神才爲之也徒書云乎哉道光十年歲
在庚寅日干辛支卯月將在子加酉古歛後學程恩澤
拜撰

太原王氏族譜序

王氏巨戴有三曰瑯琊曰太原曰京兆瑯琊太原皆出
武城侯離離二子曰威曰元元瑯琊祖之威太原祖之
漢魏六朝瑯琊之望最著於是太原之偉人巨公往往
混於瑯琊唐一朝王氏宰相凡十三人瑯琊得其四京
程侍郎遺集

卷七

十一

楚喜齋

兆得其二而太原得其七是太原之望於唐尤甚榆次
於古爲太原郡屬榆次之王蓋自受氏以來未遷徙者
也宜有譜然世遠著錄竟少王氏孫世居榆次有裔長
先生者慨然曰自吾十三世以上吾歷歷可指數若再
上則無聞焉及吾身不著錄則日月益逃並此十三世
將澹忘之故吾作譜斷自十三世始吾見某族某譜與
史傳倍者有矣與碑碣倍者有矣官不辨制地不辨沿
革聞疑稱疑廁以附會是重誣其祖也吾何敢吾甯紀
於近也恩澤於先生之子蘭圃大令爲亞聞先生之言
如是於戲是於敬宗收族之道庶幾矣夫太原之望本

巨其中更世遠文獻不能徵遂紀於近蓋其慎也昔老
泉蘇氏作譜僅及其高祖且自謂益州長史味道至其
高祖二百有餘年其間世次皆不可紀今先生乃能及
以上十三世不可謂不幸也况作譜以後其昭垂於後
蓋無窮哉

遊香雪海記

吳郡以西之山蜿蜒磅礴若鼎峙而林列惟具區實吞
之而不能盡若雜置大小石於庭而引水灌之其狀或
出或沒或仰或俯或環或玦人咸知湖之盪乎山而不
知山之竅於湖也竅於湖故愈近水愈靈秀殊異當湖

程侍郎遺集

卷七

三

是喜齋

山之奧曰香雪海山固多梅梅根飲於湖而花醞釀於
雲上大江南北以梅著者無與香雪海比尋梅者以不
得至香雪海爲憾甚則一涉其涯而不見多梅於是香
雪海且負謗道光十年二月下泮陳玉生觀察招梁芷
林方伯汪寅禾編修及余爲香雪海遊余謝不往觀察
詫曰君素豪於遊無君不樂也奚其辭余曰前數日曾
一至不見梅登高眺之則數十株廁桑林間乃詢海之
農云若梅何時可盡放則應曰盡放矣然觀察強聒不
已方伯亦使伴促登舟余踉蹌去是夜北風號怒雪嫵
媛下客皆噤啞不成寐昧爽泊光福司起覲篷窗隙則

霽光皎然觀察曰天且假人倘花亦若是耶遂乘筇將
徑抵香雪海詣司徒廟觀四奇樹於是昇者譁曰欲觀
梅乎須至菖蒲潭及潭西乃至菖蒲潭彌望十數里若
明雲屯積時驕陽乍升芳馥漚鬱中人如醇酒至潭西
鐵榦架立丹者碧者縹者靛者色相糅者如以錦綺裹
虬龍愈拏攫愈斌媚香益酷烈順風聞數里外觀察乃
擲揄余曰若非香雪海乎海固不可一地限也君目中
之海何其隘吾意中之海抑何寬耶遂登六浮閣復赴
蟠螭山山斗入湖湖在几席下乃食於鄧尉山之還元
閣登鐘樓歸途經潘氏園入舟乘夕照歸櫓聲穿叢綠
程侍郎遺集 卷七 三 甯喜齋

閒山光水態益明蓋來時暝無所見也是役也攬湖上
之山佛螺帝青若煙點著明鏡上則蟠螭最自萬梅影
中掬湖光於掌上則六浮閣還元閣最花天然而彫則
菖蒲潭最畦瑰畛寶各競姝麗則潭西最憑高下視使
䟽花面而規帶則香雪海最惜哉易梅以桑使數百年
舊柯寥落不及十一也於是余十日間兩至香雪海矣
令香雪海幾負謗者予知香雪海之勝而徧及者亦予
然非方伯持之堅觀察行之力則不奪於人言亦格於
天時矣遊小道也不親履則不易知親履之而尙得其
一遺其十矧大於遊者哉因益歎余之憤憤而服方伯

觀察之去人遠也三君子皆有詩子因序之

重濬北湖記

郴州北郭外有湖曰北湖唐永貞初韓文公由陽山貶所量移而北待命於郴所觴詠地也湖蕪絕有流涓涓出山礪敗畦賸圃交絡其側其窪處有舊形可規今刺史曾君慨歎湮廢導泉成沼列植木草闢堂三楹拓堂以庭環庭以欄楯令可俯瞰沼堂祀文公而以張員外署李使君伯康配焉經始於道光六年春日落成於冬日以澤曾駐其地屬記於澤澤維公之待命於郴也由貶陽山其貶也或以爲論官市或以爲論關中天下根程侍郎遺集

卷七

西

芑喜齋

本遭逢旱饑微斂不以急或以爲李實之譖或以爲公謗時政有泄其語於王伾王叔文韋執誼者疑不能明也夫小人之厄君子也或罔以所必無或巽以所必有或陷以有與無之閒然君子辨於是非或不受其誣轉相詰責則君子之身廢而其氣伸小人之術行而其惡暴惟其茫昧掩抑不言其過臨之以朝廷之怒奔迫之命則君子無可置喙而小人得以顯逃其鉗網周內之罪嗚呼術至此亦巧矣迨赦書旣下量移而北猶復使公鬱鬱居此則小人之朋未翦而其陰鷲沉毒仍欲以茫昧掩抑相困阻使小人不卽翦則公之待命且無已

時也嗚呼術至此亦足以戒君子矣然公不云乎凡禍福吉凶之來不必在我必曰君子則吉小人則凶不可也不又云乎儒者之於患難苟非其自取之其拒而不受於懷若築河隄以障屋霤是則公居郴三月餘盱衡相羊快意於北湖之上極又魚行酒賦詩之樂所謂築河隄以障屋霤而與騷人秋士悲憤怨尤激而爲此樂者固大相河漢矣且公之始貶也宜咎李實其待命於郴也宜咎伍叔文蓋貶以貞元十九年冬其時李實方幸而待命以永貞元年春其時伍叔文方幸然則北湖者乃羣小人舉以貶君子而爲君子樂天知命之地者程侍郎遺集

卷七

五

龍喜齋

也嗚呼後之遊者可以觀矣曾君名鉉第進士能文章其治郴也有李使君之風其瀋湖建祠也得李使君之志不意千百年後尙有聯韓張李之交而令我文公傾倒者也若是者不可以不記也宜咎李實其待命於

重修有明何文簡公綽楔記

大清道光八年龍集戊子夏四月恩澤以試士來郴有明何文簡之裔孫名某揖於途以文簡所著若干種進且曰文簡歿有表其功若德而綽楔者石厯久將泐名某等力任修修竣欲乞文以紀其事恩澤惟文簡以通儒偉才歎歷中外所至侃侃其功若德著於史與自著

不待覲縷然其出處也以忠而善用忠也以學忠故出處不私學故識卓識卓故見終始明當明世宗嗣位初議大禮者始萌芽宰執百寮論未沸而文簡於萬里外抗疏首爭皇叔考稱名之非而避漢宣光武晉元之得禮斥漢哀安桓靈之失禮若有以灼見世宗必遂其私而後止者此其識不可及張桂勃興議禮愈支文簡發十三難以折之然不可奪也不獲已以哭爭倡應者二百餘而文簡廢此其忠不可及浸假帝興獻且去本生號且考興獻矣且加皇伯考於孝宗矣且作世廟祀興獻矣且躋興獻於武宗上矣而後知文簡始議以哀安

程侍郎遺集

卷七

七

程喜齋

桓靈爲諷者之灼見本末不爽也而後知倡哭爭聲震殿陛之不爲激也且也張桂之爭有所爲文簡之爭無所爲無所爲則以禮事君而已引君當道而已有所爲則希榮顯排異已不得君不已也是則張桂之議縱有合於人心已失其本心而况所議之詭於時而戾於古哉斯時議大禮者咸主濮議然宋英幼撫於仁與漢哀同與世宗小異張桂窺其隙故其言易入而世宗之始入也卽不欲暫處太子位故承太宗之說百喙若弗聞若文簡之論則以漢宣帝不敢加號於史皇孫光武不敢加號於南頓君晉元帝不敢加號於恭王則其識出

於主濮議之上蓋舜至孝也未聞加號於瞽瞍雖百張
柱其何能辨然張桂益以伸文簡益以屈張桂得君終
以垢文簡不得君終以潔千載之下莫不知文簡以忠
退而張桂以佞進也且夫臣之於君非休戚一體則不
能強諫無真誠感人則不能聚其徒數百泣而諫當其
諫也不知有刀鋸鼎鑊也然非真誠如文簡則諫而退
者有矣不若是之激也惟激愈見其忠也愈見其以引
君當道爲志而他無所冀也惟激則愈見其識也知張
桂之焰日烈世宗之心日渝不棄其統與嗣背禮遂私
不止也吾故曰文簡之忠本於識識本於學學無所不

程侍郎遺集

卷七

七

聖喜齋

窺而尤邃於史故言成敗得失若指諸掌也是故其識
卓其忠堅若視公家事如楚越君躡而臣不扶者其見
啞於文簡必矣吾慕其學欽其忠僭書於此以爲來者
勸

孟縣修文時閣記

孟縣修文時閣記

孟縣形勝甲河內王屋池其北大河亘其南渙水襟其
東周爲盟津晉爲河陽邑唐宋以來皆爲重鎮河清柏
崖無碑諸險要皆棊布境內蓋受扶輿之力厚故氣逆
順風聚散皆靈響若蒼焉吾友徐君勳治斯邑有年政
平而訟清穀穰穰山委綠以文字化其秀良者而邑父

老成稱邑之東南向建鎖水閣後圯於河文運遂不振
斯言也然乎否乎夫十室忠信好學以成之其舉措足
以運量造化人固不爲地囿也然而有舉莫廢實守土
之責又河漢之間使巍然峩然者居之上足以奉星辰
俎豆下足以壯遠邇瞻矚所謂靈響若荅者意在斯乎
於是邑侯捐白金三伯爲之倡紳士宮樞等醵白金三
千竟其功鳩巨工庀大材經始於乙未之夏斷手於丙
申之夏閣仍三層崇五丈祀文昌奎星凡閱十五月頓
還舊觀於是父老欣欣子弟愉愉弦誦之聲與大河聲
相應風俗且比鄒魯曾科目之足言而人材蒸蒸日上
程侍郎遺集

卷七

七

覽喜齋

科目亦相尋而至理可券也此一役也可以不朽事成
索記於子子爲易其名曰文峙閣銘曰
河漢之間傑閣峙焉以表我中渾而輝映麥山興廢舉
墜隆崇造天必起俊豪爲多士先

陶黃江先生崇祀鄉賢記

嘉慶十年閏六月某日安化陶黃江先生卒於里二十
二年夏四月湖南巡撫巴哈布公學政謝君堦樹以先
生祀鄉賢事具疏題請其年冬奉

旨俞允道光八年夏其哲嗣江蘇巡撫雲汀先生澍寓
書於恩澤屬記其事以恩澤曾任湖南學政知先生言

行尤悉也恩澤惟古大賢負鄉里碩望歿可祭社必也
秉純摯之性抱千百人之才其氣宏以剛其力峻以博
於是乎氣足以舉事力足以任事人所不能爲不能強
我爲之而必推及其甚至至則感感則明格乎天地而幽
淡乎神鬼其生也名著其歿也道存是故孝庸行也先
生之孝至於親病嘗糞感夢而親疾愈則孝至斂殮人
所勇也先生之仁至於親畚畚躬坎瘞則仁至以行型
於鄉以文化於鄉尤恐人心之不克勉先生則曲從形
家之言以遂其欲導其響貫絀不置病甚不舍疾風雨
不間卒也形家言所因建者建而書院亦從而華整人
程侍郎遺集

卷七

九

楚喜齋

心所趣文業遂日盛非義之至烏能肩勞怨若是是皆
先生卓行犖犖可紀者且學人於治經史時有所謂天
文律筭禮樂名物分其一足擾擾一生而先生囊括而
并攻之發爲文若詩又雄卓深健楷模後生非蓄氣之
宏且剛用力之竣且博有不能爲不能強者矣恩澤使
湖南時凡湖南人稱篤行者方聞者必首先生言文若
詩若著述必尊先生先生之名溢於其鄉其道存卽其
神無不在也俎豆而尸祝之誰曰不宜古今鄉先生一
行一言之修湮沒者不少惟磊落奇偉之士流傳於無
窮且天必有所發焉以顯著其才若德今雲汀先生治

江蘇宏績鉅畫不可殫述其任事也必推及其至則於先生之所蓄蓋能探其源而揚其瀾也是能使先生之名溢於一鄉而兼達天下也先生諱必銓字士升號莠

江湖南安化人

潘少白文稿序

澤與少白人交凡四載一日縱言至於文因出示大箸若干卷澤三復讀之窺其性情正功力厚也促付梓梓成澤欣然序之其言曰無範非文也爲範以自盡非文也形似而多規仿毗倚非文也清而無包孕非文也夫文上之心與天地之心相貫其言皆人人所欲言其程侍郎遺集

卷七

三

登喜齋

言皆人人所不能言其言皆賢哲所未盡言然後其道尊其藝傳是故狂文也獨亦文也正文也奇亦文也吾於少白山人信之山人古狂者也負兼人才學與藝靡不通足跡窮宇內政事人理物情靡不達於是由狂返獨遂進乎道其爲文也探六經羣史諸子百家之奧涵泳得義理損益得法度出入得鋒距於是由奇反正遂進乎道夫神明於渠獲有範亦無範無所規仿毗倚則可令古人似我包孕至厚則瀏然而清者愈見觀乎澗溝之清與江湖之清殊江湖大波起則天地易嚮其激也魚龍百怪隱現變幻不可追視而清愈昭然矣蓋徒

猗無施措才徒奇無堅定志人知山人之猗而不知自
狂入知其文由正入而不知自奇出也使持此爲用世
資其運量詎可涯惜也潛處抱獨僅以文傳然而道固
在是此澤促付梓之意也

跋黃忠端楷書孝經墨刻

右黃忠端楷書孝經墨刻此庶人之孝也下增引詩云
我稼旣同上入執宮功晝爾于茅宵爾索綯亟其乘屋
其始播百穀廿五字不知所據其題首云孝經定本
似定本卽所據也按忠端著述有孝經集傳四卷以集
傳證之亦無引詩廿五字而右經一章下注云孝經舊

程侍耶遺集

卷七

三

登喜齋

本凡十八章千七百七十三字石臺本皆依劉向所校
河間獻王得於顏芝者獨標題差殊耳近儒皆疑四孝
俱有引詩而庶人獨否似有闕文又聿脩之義大雅所
告天子無忝之詩小宛以勸庶民欲移大雅以發天子
之端推無忝以起庶民之例於說亦通然於首章文義
未終於過節發端多礙小宛之賦雖通於庶民有慶之
義反踈於侯國又云凡孝經之義不爲庶人而發其自
舜文而下獨推周公以愛敬爲道德之原豫順爲禮樂

之實又云劉炫繆以閨門之語溷於聖經

閨門之內具禮矣乎嚴父

嚴兄妻子臣妾猶百姓徒
役也古文多此二十二字朱子誤以聖人之訓自分經

傳必拘五孝以發五詩則厥失維均去古愈遠矣據此則忠端不以庶人章增引詩爲然况舉詩以實之乎且定本之說旣不見文集又不見集傳蓋無所謂定本也然經義考引朱垣之言曰忠端在白雲庫中手寫孝經百二十本本本各別或者增此二十五字之本是忠端未定論以前所寫歟

孝經有古文今文之分王劭劉炫紛紛聚訟見於隋志主古文者劉知幾主今文者司馬貞彼此駁議見於唐會要自石臺孝經用今文而古文遂微

石臺孝經卽唐明皇隸書然

據黃氏日鈔所載核之古文多闕門一章二十二字今

程侍郎遺集

卷七

至

楚喜齋

文無之其餘不過字句有增減章有分合耳卽晚出之足利本其經文亦無大同異惟僞託孔安國注爲不足信而今文鄭注是小同所作

嚴可均所輯孝經鄭注仍以爲康成所作阮福孝經

通義則云小同

三國漢魏隋唐不見之本宋元明不能見中國

不見之本海外或見之茲按古今文及足利本皆無庶人章增引詩之說則所謂定本者蓋不可信矣

吳草廬孝經定

本亦無此引詩廿五字

朱子作孝經葉誤爲此經添一改本吳草廬作孝經定本又爲此經添一改本

吳少空傑奏唐陸宣公贊從祀

聖廟疏書後

聖門比天地燾載無不有也則賢喆忠孝文武俱宜入
有良限乎則唐人曾言之一爲抱殘經於兵燹幾墜之
際一爲有傳注功所謂代用其書垂爲國胄者然七十
子不必皆著作皆抱殘經何也曰親炙可弗論外此雖
賢喆忠孝文武不傳道俱不宜入此苟董揚而後所爲
落落也然則苟董揚何以入曰其立言中言語科故繼
入有韓昌黎繼入有陸宣公宣公仕孱朝覲庸主無赫
赫事功其立言則醇乎醇者也苟之言性惡激而爲之
後世尙有抵其隙者揚出處大節已刳獨以立言耳宣
程侍郎遺集

卷七

三

登喜齋

公其董韓閔乎宜其千百載後達者發之禮官承之
聖人頷焉大抵漢宋大儒有傳注功方得入其見也拘
宋以後指心爲傳道雜以禪悅亦得入其弊也蕩而立
言以傳道其道也其文也則別樹一幟焉故必如宣公
乃可繼苟董揚韓而後非然則宜守唐人成議以峻聖
門良限乃所以尊聖道也

神龍蘭亭跋

定武爲歐臨神龍爲褚臨常談耳謂神龍中太平公主
借出摹拓遂亡者董廣川也然未目爲神龍本謂宋理
宗嫁周漢國公主於楊鎮爲報奩之物者袁清容也是

神龍本之目權輿南宋間矣此本筆趣洋溢具斜簪散髮之態實遠出穎上之右謂是宋摹拓誰曰不宜若泥暢字左頂逆折和字收筆內轉及貞觀神龍開元印纍纍然則是執牝牡驪黃衡千里馬矣

安玩堂藏稿後跋

右安玩堂藏稿文五十九首賦十三首詩二百四十首先大夫榮祿公所箸也恩澤生十一歲而孤記就塾時先大父手時裁授恩澤且誨曰爾父少讀書一再過卽成誦不忘爲文析理用法至濶邃通鄭學於詩三禮尤精核爾未知其涯也言罷絜欷又記曹文敏公語恩澤程侍郎遺集

卷七

三

登喜齋

曰尊甫學士背誦十三經並注疏琅琅然爲文縱橫變化神明規矐業師王明府訓恩澤曰吾座主以韓柳筆爲時藝尤妙解題能補漢唐宋諸說所未備恩澤稍長謁法時帆丈謂曰尊甫文旣工絕賦律尤整細不踰唐賢法詩無窮清新吾歛鮑覺生少司空以詩賦鳴謂恩澤曰尊甫賦律追唐賢詩格追兩宋雅潔精鍊卓然成家善乎吾座主曹文正之言曰尊甫與僕爲總角交同志同業能以實學發至慧識力才鋒俱峻絕故行文有宏逸之氣詩始喜門博似吳淵穎繼以清峭勝遂采落陳言獨標雋旨惜乎年踰強仕遽歸道山平生貫弗羣

經尤淡詩三禮三傳未暇著述成一家言而僅以詩文傳矧豪艸又佚其大半耶恩澤不善讀父書習聞先師友所論因附識于簡末道光十有六年始校閱八月而成任其事訂其譌爲張石洲大令卽前序張蓀圃太夫子之文孫也十有七年夏四月孤恩澤識

題倉龍集

右成邸詩草一卷詩凡卅二內失題者二繡夫婦丈得於令兄芝房處謂余曰成邸筆法當代之善鑒者稔知之然無款印想滋後人惑也子盍爲我跋其後子伏讀之下見有送吳祭酒錫麒還里詩者刻入詒晉齋帖見

程侍郎遺集

卷七

五

楚喜齋

有謝十色畫錠詩者則訓先大夫弄於予家得此二證不必款印而斷其爲成邸無疑無疑者也况眞草隨意天機盎然逋峻之法全收黝黠之神亦妙較矜練時不啻過之詩則五古得晉人意七古得蘇長公法律體兼初中唐而波及北宋其橫鶻捷出名論超雋則由學博而才贍位重而道高也且夫身處朱門而情遊江海地居枝昵而友接佳流懷抱之際尤難涯涘傳所謂雅道邁於東平文藝高於北海者庶幾見之矣先大夫曾遊梁苑頗甘楚醴投贈之句貫若文珠徇知之書光乎舊華而綠苔生後賓客先傾鳳尾畫餘賢藩亦謝反復斯

卷不勝慨然辛卯秋八月下浣

桂陽州重修試院記

桂陽州試院 國朝雍正十年勅乾隆四十八年修闕
卅餘載未修地寢下水侵暴土沮洳不勝載棟阿蒸出
菌又不勝瓴甌使不卽治則積且墟矣州刺史陳君同
治洩此邦慨然思整懼無以伙也取諸民則懼民未孚
倡而弗和也政成五年民信其長乃攘臂以邪許倡民
皆諾遂積朱提二萬餘進鄉老約曰某宜培某宜闢某
宜更怠者宜董撓者宜懲我職之我暇輒且暮省支度
出入雖纖毫若職之母以關鳩者庇者咸奮若營己室
程侍郎遺集 卷七

三

龍喜齋

增土至半丈宋檄皆良材先廊舍次堂廡次簷个庖漏
序其外陳以直中門令士魚貫入且避雨經始道光七
年夏五其年冬考室刺史嘆曰是勑也奚爲修彼昔之
勑何異積且墟耶今勑不告後後何以繼踰年夏余按
試斯乞文紀厥事余惟宙合之奇不於人卽於物桂寶
區也五金丹砂皆族故物贏而人絀今寶且衰而蜿蠶
鬱勃之氣猶是豈別有所洩耶抑人將贏而寶將絀耶
桂又瘠區也不足於穀乃贏於寶故可支今寶且賊民
穀益不足然那君攘臂以邪許倡不旬日而朱提累萬
俱集不數月而工以藏夫求試而利祿青矜員領事也

自把耒鋤逐什一者視之弗急也咸奮若是意者人皆知重儒不吝竭其貲以爲重儒地而儒者亦從容受厥福歟夫人不愛寶則寶之數細人重儒則儒之數贏天相人則磊落奇偉之儒生人順天則磊落奇偉之寶棄使儒者徒受厥福而不自淑其身厲其學則不惟悖天兼悖人多士勉乎哉異日名山尊大儒明廷尊大臣所謂萃五金丹砂之氣而英英以寶見重者將必有其人矣然非邦君倡於民重厥儒則倡無以應非把耒鋤逐什一者皆知棄寶而重儒則無以荅邦君之倡蓋重儒之一念上下相應所關甚鉅若廊舍寬則士舒堂廡寬則校士者舒去風雨之患腫盤之疾猶其末焉者也故紀其榮榮大者

程侍郎遺集

卷七

三

登喜齋

程侍郎遺集初編卷八

河南按察使嚴公神道碑銘

公諱士鉞字震叔又字筠亭江蘇丹徒人先世太學生
永中居汴當宋靖康時與太學錄陳東等擊登聞鼓請
留李綱不報遂渡江而南居京口爲遷丹徒始祖曾祖
之錫祖榮德輕財好施喜交魁儒碩彥鄉里敬之馳贈
中憲大夫父璟晉贈中憲大夫妣華氏曹氏贈恭人公
爲中憲第三子少端靜及長儀度修偉性沈毅寡言笑
喜愠不形於色工文辭尤留心經世之學公叔祖元燮
以名進士教於家窮經治史旁及星緯象數公從遊盡

程侍郎遺集

卷八

一

程喜齋

得其傳乾隆丁酉科公舉選拔以知縣試用四川攝秀
山內江題補墊江將赴任以憂去服闋攝天全州攝成
都兼攝金堂題補犍爲攝樂山奏調華陽以軍功擢資
州尋擢知甯遠府事攝夔州府事奏擢川東道攝布政
使攝永甯道攝按察使擢湖南按察使調河南按察使
未之任以疾去公善折獄任華陽時有以貲得道職仍
充潼商負犍商本不歸犍商訟之某怙勢亂鹽法不爲
屈公讞定禡其職加桎梏豪猾奪氣又有以貲得副指
揮某利夔叔母財誣其與婿姦訟諸按察使飭公會鞠
夔懷利刃欲自剗于訟庭公廉知之訊其指姦無證乃

坐誣告者釁與宗人數百伺公出焚香泥首馬前又富家某賃一婢忽逃去婢家以謀殺控公方集人證研鞫時按察使承差明招佐者陰偵伺日一至縣庭公疑之廉得招佐匿婢狀蓋招佐嫌富家欲陷之公帶幹役出不意於二鼓後排闥入獲婢卽禽招佐論如法公發姦鋤強類如此平反獄至多錄其犖犖大者公尤知兵乾隆六十年湖南苗疆軍興福文襄王帥師進剿孫文靖再督四川駐節秀山時公攝夔州府事府據白帝控瞿塘萃水陸之險又東縮宜昌東北袁鄖陽北指興安南涉施南古戰爭地也公亟修水陸營堡誅匪徒潛伏者

程侍郎遺集

卷八

二

覺喜齋

未幾白蓮教匪齊王氏姚之富張漢潮覃加耀等起分竄荆襄宜施各府在在與夔州牙錯公亟請於孫文靖撥權銀集團勇積穀練兵爲守禦計選健卒數十人布所轄六邑偵姦細而大甯之一碗泉開縣之周家槽有伏寇公會營弁疾馳掩擊殆盡是時川中教匪尙未蔓延故旋起旋撥滅文靖又以巫山爲川東門戶檄公守焉巫山郭俯江憑大甯河距楚境不百里而巴東之培石遼箭槽拐子坪皆有教匪欲攻巫山城得則據之不勝則奔湖北與大股賊合其酋曰侯光斗李宗嵩無何侯之宗人告變公時出巡陪石聞之遣親信入山偵卽

約都司徐朝綱議剿撫時公度賊密約已久而未發必
脇從者眾心力未齊也乘其未發撫之則不煩兵矣語
都司都司奮曰朝綱任巫山久與各寨居民習當爲公
往公握其手下拜曰君信有膽識某亦同往義不獨令
君勞也各帶僮從數人而分撥兵勇每五里置二人爲
急遞脫有變卽馳歸報巫山使登陴守瀕行探卒旋曰
居民數萬戶教匪三之一耳公與都司徑入不三十里
有冠儒冠者十餘人迎於馬首詢何姓皆侯李也曰來
者非太守與都司耶曰然曰是不可入中有教匪數千
戶將揭竿奔湖北矣都司曰知之眾曰旣知之何不帶

程侍郎遺集

卷八

三

楚喜齋

兵而單騎入都司曰吾與太守不以教匪視吾民奚兵
爲且爾等不聞湖南苗疆凱旋之兵十餘萬圍賊於巴
東之黃柏山不日盡剿無子遺乎彼棄其田廬墳墓妻
子欲往助至卽授首耳愚甚彼能悔教從我我與太守
能生之眾頓首泣下曰太守與公來某等活矣某等亦
誤入教者公於是拔佩刀裂短後衣一幅示之曰所不
許爾投誠而食言者有如此衣眾曰首逆謀者侯光斗
李宗嵩耳某等願禽以獻公卽委候補員馬鳴鑾吳國
鴻各率兵勇往追捕自與都司徐分厯各教匪巢穴宛
轉曲諭十餘日而徧皆革心爲良民尋獲侯光斗李宗

嵩斬之公下令赦悔教者於是數千戶人歡聲若雷嘉慶二年川東達縣之王三槐徐添德川北巴州之羅其清冉文儔等蠡起陝西亦然三省連兵會剿而賊愈熾參贊德楞泰公駐兵開縣之大團包公在參贊營總糧餉乃獻策曰齊團練使之守招鄉勇使之戰參贊躡之公招集鄉勇一月餘得萬人選隊長二一爲桂公涵一爲羅公思舉今皆官提督總統宜綿公參贊德楞泰公奏公勤力奉

旨賞帶花翎時賊匪出沒不恒德公屢挫之因選勁旅乘夏漲爲下峽計公馳入夔州集兵船三百艘載官軍程侍郎遺集

卷八

四

登喜齋

隨德公自夔門下抵宜昌德公登岸將整隊忽前鋒偵報賊匪不入鄖陽將竄荆州出襄陽以齊王氏樊城人樊城接南陽德公恐震中州計賊匪已過宜昌不可追甚憂之公進曰可仍由水路下荆州因手令箭傳呼曰兵船無散仍載大兵下荆州舟子皆夔人感公舊政均踴躍時宜昌餉絀不能給船值公卽以川餉給之剋日請德公登舟德公喜曰此行扼賊不使過南陽君之功也果及賊於荆襄敗之復敗賊于鄖陽殲之公以軍功加道銜隨德公營至漢中府漢中與保甯接公調川兵及餉遂至保甯之廣元而土匪何四蠻刀等欲起應賊

公禽其首撫其餘境內以安大府上其事以道員卽用
尋授川東道仍留軍營嘉慶十一年陝西甯陝新兵叛
川東毗陝西省公赴綏定籌邊而綏定新兵亦翻城出
欲由新甯竄巴山公卽檄桂公涵迎擊盡淨時事起倉
卒公籌畫凡十晝夜不寐公自乙卯兵興迄辛酉功竣
凡七年在戎行運用神速知山川夸險故所策多勝筭
恒出諸將帥先耐辛苦尤儉約食等士卒卧一敝穹廬
不避燥溼寒暑卒以是致顛眩疾夫兵之後川北一帶
州縣有未治城郭者方伯方公積議開南江老林招商
出售可得城郭賞請於常齡公檄公往勸公按行一閱

程侍郎遺集

卷八

五

登喜齋

月致書方伯以五不可阻之大旨謂南江山谷阻深毗
陝西漢中爲南棧別支賊匪初平人宜散不宜聚聚則
易因緣爲姦而兩省墾荒之人不下數十萬皆衣食此
山一旦設廠伐木是奪其利又老林爲縣屏蔽伐之恐
地岷傷方公得書白制府罷之未幾陝西南山大饑木
廠倡亂人皆服公先見襄平相國蔣公攸銛時督四川
知公練達詢以川省情狀公條吏治兵政邊防盜賊四
事大約謂蜀中州縣起科日者半起投效者半易分門
戶角技能又瘡痍之後弱宜撫強宜戢當判其才之寬
猛使各盡其長去其短拘常例輪委則上才屈揣地方

肥瘠則私門開又軍功超遷往往起微末洊至方面流
品至雜尤宜審擇蜀中兵久戰故兵強兵強則易叛糧
帑不可移動訓練不可廢弛以勇將兵以誠將將則百
萬統于一邊境番夸之黠者北曰果羅克三部南曰瞻
對三部又建昌道所屬各州縣永甯道敘州府馬邊峽
邊雷波等處民番交錯易侵占啟釁盜賊之尤者曰囑
匪囑匪有專律格殺勿論其民浮囂易動故剽掠作姦
不獨莠民富室豪強亦爲之且匪猾與通賄尙巫信祆
好結盟黨皆教匪之漸公所陳皆遠大蔣公一一施行
蜀以大治始公以知縣辦西藏軍務大員某廉從入局
程侍郎遺集 卷八 六 愛喜齋

索夫馬勢甚張公立擒治論如法嘉慶四年川督勒公
被逮以某公代某公至將興大獄公從容陳白以情理
折之其事遂解人謂公善用剛柔有如此公以嘉慶二
十四年疾劇在告道光六年就養于楚南官舍八年夏
感熱疾秋不起享年八十有三夫人趙氏封恭人晉淑
人先公十有一年卒子三長學瀛候選鹽場大使爲公
兄士銓後前卒次學淦舉人署湖南耒陽縣知縣三學
澄候選縣丞前卒孫六榕廷枋樽榆標承曾以道光十
年正月初七日葬公於城西曹王山枝之徐灣原趙淑
人祔焉記澤官黔時識公門下士糜方伯奇瑜方伯稱

公德量智術不去口恒奉以爲法尋澤移官楚南以年
家子禮拜公公時年過八十言語姁姁猶未釋恭去歲
從蔣襄平夫子遊夫子譽公一如方伯所言嗚呼魁儒
長者芳烈之昭著如是是可銘也已銘曰

其量淵淵其才磐磐洞深察微秉經達權市朝原野皆
天所棄戰人之命匪仁曷恃五過有疵弱肉餒強公折
鉅豪剽狼卹危用武之國死若薤草公起白骨授以文
祿或摧機牙或爭須臾騰趙飛行如風御虛烽銷馬卻
雍容坐論東井有絡西川如鏡冊載服官七年枕戈心
燔欲枯筋憊猶磨屢筦億鏹退無四壁布裘白髮危坐
程侍郎遺集 卷八 七 恐喜齋

戴尙書神道碑

道光十年六月二十八日署工部左侍郎前四川總督
戴公薨於京邸

旨加尙書銜照尙書禮賜卹越七月二十三日禮部尙
書湯公金釗奉

旨賜奠於私第戶部工部各遵頒發祭葬銀如例其年
秋公之喪至鎮江其嗣君郎中於義寓書於恩澤屬撰
神道碑恩澤於公有世誼且辱公知好甚久不敢以不

文辭按狀公姓戴氏諱三錫字晉藩號羨門江蘇丹徒人曾祖京鸞祖士鵬湖北嘉魚縣典史父紀入籍順天補府庠生考取三禮館校錄江蘇青浦金匱主簿三世皆以公貴累贈榮祿大夫例晉光祿大夫母張氏凌氏累贈一品夫人公讀書期大用不爲無益之學尤樂觀古名賢大君子出處施設中乾隆丙午科舉人癸丑科進士以知縣用署山西潞城縣補臨邑縣縣彫劫公撫字有方以治行聞時公父光祿公母凌夫人春秋高不能就官舍養公思慕不置一旦引疾歸而光祿公凌夫人俱馨膳不半載相繼歿人謂孝感若有先告云嘉慶程侍郎遺集 卷八 八 登喜齋

五年服闋引牛歸田
見奉旨舍養公思慕不置一旦引疾歸而光祿公凌夫人

旨發往四川時蜀方治軍公至卽攝營山縣縣當四達之衝供帳絡繹公籌備無誤補南充縣攝綿州知州擢峩邊廳撫夷通判公在綿有惠政去之日父老遮道哭請建生祠公力卻之乃已歷攝資眉邛各直隸州知州成都府通判保甯順慶夔州成都各府知府嘉慶二十一年公再攝邛州時有姦民黃子賢等嘯聚亡命千人約以州試文童日乘間發公偵知聚謀之所屆期仍扁試如恒密遣民壯數百突往捕悉禽之案具大吏欲以

軍功奏公請戮首惡一餘以軍流處之得

旨獎飾時公已擢茂州知州二十三年擢甯遠府知府道光元年擢建昌兵備道時雲南永北廳夷匪啓釁與甯遠界一金沙江川民騷動公募鄉勇集數百人昕夕練習防衛永北難民沿江就食甯遠甯遠兵弁欲禁不使渡江公謂避難皆赤子悉嫗撫之全活不下數萬人兵既息難民感公德不願旋因著籍於川時制府蔣公素以人才爲己任見公略能禦疆仁足撫眾續薦甚力自是公膺特達之端

知不三載卽以布政使署總督蓋

程侍郎遺集

卷八

九

是喜齋

聖主知人之明大吏舉賢之誠我公忠實之政遂昭著於天下而天下百職事成奮勉守道益篤

朝廷遂收得人之效實自公始其年擢四川按察使二年擢江甯布政使引避原籍調四川布政使三年奉旨以二品頂帶署四川總督後復署成都將軍五年奉旨實授四川總督公久宦蜀知蜀民立懂好勇教不先也於是正書院規制增義學三千餘區拓考舍一千餘區使士表其民民化于士又以治兵定亂須摧其機獄科罪須平其衡蜀舊多事非時過乃發致患禍成卽好殺喜功不幸而激大變七年新都姦民楊守一等倡

邪教造妖書公弋獲之立正典刑越雋生番侍險遠時
出沒劫商旅掠婦女僉議欲加兵公但飭吏捕狙黠者
數十人治之雲陽鹽販拒捕守令以夥臬論公謂售由
官肆則非私販止十人則非夥當以重辟過矣惟當治
拒捕罪耳官吏稱允其他濬渠堰水利禁販鬻子女斷
鐙嬉侈靡掩埋軍興死綏之骨表彰國殤不屈之魄凡
有關于世道人心者靡不修舉傳云公家之事知無不
爲惟公有焉七年七月公七十壽前期卽蒙

恩賚并

賜御書數猷篤慶額時公哲嗣於義任吏部員外恭齋
程侍郎遺集

卷八

十一

兗喜齋

赴蜀時人榮之九年內召署工部侍郎奉

命恭詣

東陵

西陵查估歲修事十年奉

旨以原品休致公具疏謝

恩蒙

召對

上諭以居官甚好全始全終公免冠謝公以久宦思省
耶墓入秋擬過歸卽以是年六月得氣壅疾薨於京邸
春秋七十有三公長身火色目爍爍有紫光性清峻不

受饋獻事上唯謹不阿從處同列以和不以己長掩人
短精力適厚每當繁劇益見縝密極嗜翰墨工行楷尤
工漢隸手錄書及讐校書盈篋喜讀薛文清呂新吾兩
先生書記道光元年恩澤典四川試見蜀士民述公爲
州縣時視民若子姓其班春也過一村墟則父老咸邀
停車奉茶果爲壽嫗攜幼稚纍纍環車前公類能指其
姓氏與父老話農事課雨晴偶及家人瑣屑皆歡然應
雜然諾間有以事角口者求辨于公公爲譬况卽散去
歲斷獄甚簡於戲庶幾古循良之風復見於今矣公配
張氏累封一品夫人子一於義甲戌科進士官吏部郎
程侍郎遺集

卷八

十二

霽喜齋

中女一適山西試用知縣呂兆熊孫一朗女孫一以
年月葬于山之古原銘曰風高其氣令矣公頌

大善之積自微成著下位廿年曾不數載晉與明

天子有命統東西川黠而酷賦文豪人既得皆憐然

天子壽公公七十齡不懈益虔文師文黨武師武鄉謀

略炳然人震貴速民知匪春出第一林盡阻父

主聖公宜累遷所居父在所去母失咸戴二天封圻遠

民惠罕下逮獨公如前鄙赫赫名曲突火始拔毛斧先

恩禮始終進退綽綽曷歸乎田不及省墓公心不怡奪

恩禮始終進退綽綽曷歸乎田不及省墓公心不怡奪

公何遄墮淚之碑遺愛之碣過者式焉

贈長蘆鹽運使伍公神道碑銘

公諱光瑜字孚尹號屏秋姓伍氏始遷祖德全精庠學
明洪武朝授刻漏科博士掌欽天監事賜第宅居金陵
歷五世皆世其官六世少西以助振賜四品冠帶旌曰
高義曾祖致遠以嗜古善鑒藏稱祖宗鯉以孝稱父守
旃太學生以廉讓稱兩世俱累贈中議大夫妣楊氏陳
氏俱累贈淑人公生三歲而孤少卽穎悟母督讀書寒
暑無間稍長治羣經尤邃于易善讀史嘗錄成事核所
行得失性好善見善必爲爲必有成乾隆間上元江寧

程侍郎遺集

卷八

十三

是喜齋

兩學宮將圯公與同學倡一錢約積數年整其圯如新
嘉慶廿一年羣議重建江寧府學明倫堂賴公成之廿
四年大成殿災節相孫公玉庭議修復公又成之是年
九月之晦大成殿先考漏初下殿上騰白光如晝又十
一月晦日將夕有黃雲霧櫺星門蓋公自束髮時每月
朔望必齋沐拜大成殿階下及是又督工竭心力人皆
謂誠敬有符驗由積累所致云公倡恤嫠局曰同善堂
行之有成效而慮宦士族之嫠不能與歲暮必措貲計
戶厚飲之公倡揀生局曰生生堂法於大江磯泐設拯
溺船一歲內風濤險巇全活無算又塗有墮者恒以屨

民畏牽匿不報致暴朽公偕眾白之大吏定規制凡途殮卽報局驗瘞嘉慶十九年江寧大旱百文敏公募助振公時方抱疴力疾偕紳耆勸輸凡五振九閱月乃畢大吏入奏奉

旨議敘主簿銜公以餘羨白大吏發質庫權子母作備歎用迨道光三年大水發節相孫公復勸輸不給用而公所請權子母已積鏹二萬餘取以益之乃足上元江寧軍船之制有運籍有快籍快丁例助運丁費苦累殆不支快費不解則官呈議催比急則丁死官與丁已交困又快丁啖黠胥口攀齊民誣在快籍比辨明家已破程侍郎遺集

卷八

十三

覓喜齋

則困及齊民先是漕督許公兆椿守江寧時置官洲以劑快丁困而每年運糧造舟之助尙不給公請借庫貯若干勸快丁募捐若干皆權子母而運造一旦俱給是舉也快丁有恒產則丁便民免誣攀則民便官無催比過當則官便無繳繚糾纏則運亦便於是江寧所轄各縣有快丁籍者俱仿公所爲行之循江至安徽聞風相效蓋公倡率之功幾徧東南維矣澤至江寧公適病尋卒凡哭公者皆失聲因究公樂善之專魄力之厚則咸謂公至孝友務朋卹自門內逮姻友俱徧乃知推暨覆被之廣且大由孝友然也不先本原而務施博又烏

能施博哉公好詩著有補園集以道光十年四月卒于里第春秋七十有三歲貢生候選訓導議敘主簿銜以子貴累封中議大夫夫人馬氏累封淑人性好善與公同志凡義舉助公尤力子若孫曾林立且教且撫寢門以內離離如也上下忻忻如也先公三年終于長蘆官廨春秋七十子六長齡歲貢生舉孝廉方正以知縣用長華進士 廷試第三名授編修累官長蘆鹽運使長英舉人湖南常德府同知長松長馨俱庠生長貞殤女三長殤次適孫玉銘次適馬功浩孫十女孫十九曾孫女二以某年某月之吉葬公某山某原銘曰

程侍郎遺集

卷八

十四

登喜齋

葉陽助王息厥民億萬人值銜溢恩手拯活之口弗論護聖杖履鍾離意葺絲竹壁謹殿坵凡公所守敬無肆積善袞袞福其嗣

戶部福建司郎中鶴皋祁公神道碑銘

公諱韻士字諧庭一字鶴皋姓祁氏山西壽陽人祁爲晉巨戴其占籍壽陽自河東公始至公十有五世曾祖敬德祖雲瑞贈朝議大夫馳贈榮祿大夫父文汪贈朝議大夫晉贈榮祿大夫妣賈氏贈太恭人晉贈一品太夫人公穎特善屬文自幼喜治史於疆域山川形勝古

人爵里姓氏靡不記覽年十有九館於靜樂李氏李氏

多藏書書樓十餘楹且弄善本公寢饋凡五稔益博洽
乾隆四十二年拔貢生是秋鄉試中式明年會試中式
官翰林五十年大考翰詹名列二等五十四年京察一
等記名以道府用五十五年擢右中允五十六年大考
翰詹改戶部雲南司主事嘉慶四年授河南司員外郎
五年升郎中秋八月充順天鄉試同考官六年充寶泉
局監督在局兩載九年局庫虧銅案發歷任監督皆逮
問下獄故事交卸憑冊籍不盤盤有期公不及盤期故
無自檢覆十年同逮之監督五靈泰遣子申訴得未減
發熱河公與宗室鳳麟等戍伊犁始公在史館也奉

程侍郎遺集

卷八

五

麗喜齋

旨創立蒙古王公表傳稽文恭爲總裁知公深屬公任
其事公核立傳體例計內札薩克凡四十九旗外札薩
克若喀爾喀土謝圖汗車臣汗札薩克圖汗賽因諾顏
若青海若阿拉善若土爾扈特杜爾伯特多至二百餘
旗及西藏及回部均應立總傳分傳而苦無徵館送旗
冊亦雜亂紛糾卽人名重累驟不可返乃悉發大庫清
字紅本分檢之有涉外藩事跡者擇要詳譯作底冊每
于塵坌中有所得共詫爲異聞於是按部落條析之人
立一傳必以見諸

實錄紅本者爲確復據

皇輿圖西北垂疆域爲綱領據理藩院世譜訂王公等
派系凡八閱寒暑而成計書百十二卷終始佐公者則
郭檢討在遠也及公戍伊犁也則創纂伊犁總統事略
別摘山川疆里爲西域釋地蓋公學自乙部入窮源滌
流薈萃貫弗能擘其鉅實經世可施用性介直自將不
逐時爲俯仰遂見抑於權要力殫苦不食報而師友皆
名儒偉公以文字受知則朱文正文端阿文成紀文
達曹侍御錫寶金殿撰榜汲引若不及戴文端那文毅
松文清則服公才識斷大事必咨之及其趙萬里歸來
以著書佐治授經老爲客而歿嗚呼可悼惜也已公繼

程侍郎遺集

卷八

十六

登喜齋

室劉夫人智識英毅公遣戍後家破夫人攜子輩還壽
陽亟延師爲授學以鍼黹所入具師饌必潔酒肉而自
攻苦食淡比公歸公之嗣君今閣學寓藻學有成入翰
林人謂慈教半嚴教焉及閣學視學楚南背公久矣太
君訓之若童時小拂意輒令長跪受杖環楚南人皆頌
學使之廉敏有所自署內外斬斬無不憚太君者恩澤
與閣學契交且同直十餘年一日閣學謂恩澤曰憶先
公在狴犴奏當重辟寤藻甫十一齡與世弁實侍側聞
翼日讞上當勾寤藻股弁泣涕不自勝先公意殊泰然
就燭下爲削詩文章數首引枕鼾睡迄今思之森森

若身置刀戟林也嘉慶二十年三月二十五日歿於保定書院年六十有五官郎中 誥授奉政大夫以子貴晉贈榮祿大夫內閣學士兼禮部侍郎加三級配弓恭人先公卒年三十劉夫人後公卒年七十有一皆贈一品太夫人子六歲藻增貢生四川鹽場大使宣藻殤宋藻國學生候選府檢校富藻殤寓藻內閣學士兼禮部侍郎 南書房行走宿藻舉人女三長適候選訓導王敷政次適兵馬司吏日閻庭椿次適候選訓導張麗暹孫七世弁優貢生候選訓導世庠庠生世齡舉人世舒國學生世佶世敦世長女孫二公著有藩部要略若干程侍郎遺集

卷八

七

登喜齋

卷西陲要略若干卷西陲總統事略十二卷西域釋地二卷萬里行程記己庚編書史輯要理筆集袖爽軒文集覆瓿詩集濛池行藁西陲百詠訪山隨筆若干卷嘉慶二十三年公暨弓太夫人葬於葦上之原道光十有四年八月某日劉太夫人合塋封閣學屬恩澤爲神道碑銘於墓道東南銘曰

公性介而和伉爽而英多學璞沈而輝華喜會友以文清酷雅歌括史例通國書指掌輿圖蔚然著作家才富遇嗇命也柰何不於其身於子若孫視此豐碑之峩峩

道光十有四年四月二十五日前湖南巡撫康公薨越
明年其孤兆奎以武進李兆洛所爲行狀乞余銘神道
之碑余故知公者故剝其大要以顯焯之按狀公諱紹
鏞字鏞南別字蘭臯其先自陝遷山西清源數傳至登
有又自清源徙興縣今爲興縣人曾祖萬方祖惇俱縣
學生贈資政大夫江南河道總督晉贈振威將軍生基
田官南河總督次基淵卽公考也與兄皆以進士縣令
起家歷官江西廣信府馳贈中憲大夫晉贈振威將軍
兼提督曾祖妣郭氏祖妣王氏妣孫氏王氏生妣顧氏
皆贈封一品夫人公兄弟七人於次居五生而資性過

程侍郎遺集

卷八

七

登喜齋

人年十二廣信公歿於任執喪如成人乾隆壬子科舉
山西鄉試嘉慶己未科成進士引見王大臣擢御史
見用兵部主事補軍機章京充會典館總纂修官歷兵
部郎中鴻臚寺少卿通政司參議大理寺少卿鴻臚寺
正卿公之官大理也當嘉慶十八年林清首亂畿南山
東河南教匪響應公方隨興縣人會賑萬丈賑具調
扈塞外作小冊備書三省阨塞險要及將弁能否兵數
之多寡適會公嘗勉厲其大要以應戰之變求公贊
上問當軸卽以其冊進

仁廟由是知公才可大用擢安徽布政使

陸辭

振晉其公題年三月入

上命之曰爾有老母皖江一水可通毋慮迎養時安徽四十餘縣皆旱災公諭勸富室捐資各振其鄉凡輸銀九十萬兩米麥七十餘萬石益以帑項數十萬兩荒賴以濟然皖省數災而藩庫止存三十餘萬兩其借支款項有出無入公嚴杜借支當奏銷時卽於州縣應領項畫抵正供省一領一解之費庫貯增多二年之內實積帑三百二十九萬八千餘兩某年擢安徽巡撫公自少負文武材機神開張不主故常鱗雜粟錯消以囊篋喜踴弛異量之士務立名義功業有可成就及任封疆益程侍郎遺集

卷八

九

登喜齋

以艱鉅事爲已任不恤常談浮議安徽巡撫銜故兼提督而廬鳳潁民俗悍輕崩宗閻氏之族村里相望又洪澤湖大江及阜陽亳州水陸奔輳爲私梟捻匪所出沒公相其扼要繕營房立巡船先後拾治李才楊七等五十餘人奏置之法盜乃戢又擇標下伉健者每日五十人入內射堂角藝募精技擊者教習而時賞罰之公自幼喜習騎射所至完器械簡卒伍後在湖南造擡槍數十桿以教撫標二營至猺人稱亂猶賴其用二十四年調任廣東時總督祝

嘏入京兼署其任明年三月入

觀奉

命於回任時赴豫察視馬營壩及儀封漫口

今上元年有

旨查辦陋規公奏數千言大意以陋規入奏似非政體若奏減其數則不減者官吏皆明目張膽視如廉俸而已減者且額必私增若盡裁之官不能堪反益病民議遂寢在粵二年先後緝獲劇盜會匪數十案行旅以安是年六月入京署禮部左侍郎奉

命偕相國松筠赴浙查辦事件丁顧太夫人憂服闋以禮部侍郎出爲廣西巡撫旋調湖南巡撫苗疆自故按程侍郎遺集

卷八

十

登喜齋

察使傅公稟經理之畏帖者二十餘年公視事後卽修葺傅公所築碕卡二千餘處禁民人毋得入苗疆射利以兆豐端洞庭湖多盜環湖州縣以水上道里遠近不明相諉避盜不時得公定其界址爲圖常置左右嚴徼巡令無文武無敢不用命編查漁舟如保甲法盜無所容而公猶以苗疆自初平時官其桀驁者羈縻之今日久倚官作威致凌犯自相殺不治則損威治之則法重如戕官例難盡行多設苗官未爲有益反益生事惟詳考其所轄道里近遠可歸併者缺出不補以次漸裁庶無後患欲陳奏之未發也而適值六年水災其醴陵茶

陵數縣城郭皆敗壞民田廬無貧富皆盡捐輸不可行而費用廣視安徽旱災事尤劇分率司道分行撫卹拯民於高阜而棲之行糜粥及藥物棺槨乞糶莫不歡喜恩展振及修屋宇費皆得舉縣文以副文恭之爲人出俞旨公伯父河督公善言水利公幼習之撫安徽時修堤堰於濰河北股河以遏黃水由減水滾水諸壩軼入靈壁宿州者又築捍江堤千二百丈於無爲州之黃絲灘及湖南水災後復澧州田侵入夕陽湖萬四千五百畝排水去污皆可耕其不可耕者萬一千八百畝豁免起科分別奏行至道光九年入

程侍郎遺集

卷八

三

甞喜齋

觀陳苗疆事宜

聖諭

聖諭

聖諭

上命與督臣熟籌之議未定而公入爲光祿寺卿旋致仕道光十四年四月二十五日卒於河內里第年六十五公直軍機十年受特達于五百次無恙陳之黃其知巡撫四省

此類同也國黃水由越水越水前

賜天府圖書稠疊優渥所建立多灼灼可指白而公常謙然未盡與僚友言每深慕孫文定陳文恭之爲人也事太夫人竭情承歡不計費多寡深友疏客莫不意滿配封一品夫人趙氏子二兆奎正三品廕生刑部直隸司郎中記名以道府用兆臺國學生孫錫齡縣學生

與齡成齡椿齡億齡俱幼以道光某年月日葬於某縣某鄉某原銘曰
謹出納以裕封椿不積而贏是師研桑日肄金版補苴泰平要隘允猶可治川治兵筦數大事雄略偉斷憑陵談笑懦者悚懣事君事親有古名臣我稔知之於洞庭之濱流丸歐臯公稔知之我銘幽宮實無媿辭

翰林院修撰汪先生墓志銘

高宗純皇帝御極之四十五年歲在庚子臨軒策士時賜及第第一名二名三名皆鴻才博學負天下清望而先生以會試第一膺

程侍郎遺集

卷八

三

登喜齋

殿試第一授職修撰年甫二十六長身玉色眸子顧盼炯然朝宁偉之四十八年充三通館纂修官本衙門撰文是年冬奉

旨入直

林

上書房五十年典山東試是年冬督雲南學政使還仍入直五十六年以本生母憂去官五十七年冬服闋仍入直五十九年八月十五日先生疾終凡通籍十有五年得年四十先生姓汪氏諱如洋字潤民號雲壑浙江秀水縣人先世居休甯 國初遷桐鄉曾祖繼燦吏

科給事中祖上埒雲南大理府知府父仲鈞舉人贈奉

直大夫母許氏封太宜人本生父孟銷進士吏部文選
司主事誥授奉直大夫以先生兄如藻官晉贈朝議大
夫本生母祝氏贈宜人晉恭人金氏封宜人晉太恭人
汪氏自先生以上五世文望輝赫祿位踵於朝先生
蚤慧博覽典籍雄於文豪於詩試輒冠軍每一篇出口
相傳以熟走數千里垂數十年諷詠者恒不絕及其冠
倫魁侍

禁近文若詩益鴻麗名益課天下士識其面者以爲瑞
性沈厚喜怒不形外和易內方介守潔用敏設措部分
才常什伯人其視學滇也滇士志學而苦無師先生行
程侍郎遺集

卷八

三

聖喜齋

教家塾子弟法每試一題則操管成一藝試畢示諸生
卽召諸生環案前爲評騭點竄言語姁姁使充然各有
所得於是滇之文日以上菊及詩賦皆雕繪可誦值己
酉遴選科得人稱極盛時功令當以五經並試先生以
士專經久遽使兼習或未能驟通奏請每科以一經輪
試輪畢然後並試得

旨俞允先是大理公惠愛在民歿有廟祀屢著靈異先
生按試大理拜謁於廟郡人以爲明德之後必有達者
天道之可信如是相與焚香擊蹠以送先生自使滇還

朝

優獎渥賜俱稠疊而先生涵養粹厲躬匪懈知與不知皆以公輔之望歸之孰意年甫至彊仕官未轉一階抱其瑰璋奄卽長夜有識者皆歎生才之不易而才不竟其用爲尤可惜也先生同及第第二名爲江丈德量其三名卽先大夫先生視瀆學

上書房缺出先大夫實充焉又先後同直廬出肺附論契好每當春秋佳日隄和談讌翛然意遠其視權要熏灼之門若水火之不可踰憶恩澤總角時先生一日偕江丈集先大夫廬恩澤出拜謁因得識先生風範迄今程侍郎遺集

卷八

三

登喜齋

思之座次言次悉在眼亾何江丈先歿次年先生歿次年先大夫歿嗚呼其舉也連茹其歿也踵相接知先世結締非偶然而恩澤以十齡孤露之身忽忽三十餘年追銘大君子之墓抑何幸也又何哀也夫人陸氏封宜人例晉太宜人清德世宦篤生賢淑逮事二姑皆得歡心先生早世而家以不墜教其子成名繼志以揚以顯皆太宜人力後先生三十六年而卒享年七十有七子三世植邑庠生世楠附貢生雄縣知縣世樽進士官編修提督湖南學政女三長壻江西贛南道加按察司銜潘恭常次壻直隸香河縣主簿管嗣許次壻邑庠生熊

鍾祺孫三葆煜葆烜葆光女孫六先生著述甚夥多散逸惟葆冲書屋詩集若干卷手自編也詩奄有唐宋諸大家風卓焉可傳以道光九年十二月吉日合葬於嘉興縣六萬金港之原銘曰

人
候選同知李君墓誌銘

代

君姓李氏諱冀字堯階號竹君故金陵世族也會祖國柱祖春父師韓歷任石阡南康知府誥授中憲大夫

程侍郎遺集

卷八

三

聖喜齋

晉贈資政大夫妣凌氏封夫人生母徐氏封太恭人君年十二資政公及凌夫人先後棄養君哀毀骨立如成人事生母徐太恭人孝養周至尤慎疾疾則晝夜旁皇無措必安乃釋昆季凡六君居四志趣不必盡同君處之盡恭友仲兄蘭疾篤君念承先業非仲不克支乃焚香告天願以身代仲沒後教猶子尤盡瘁兩江秋試人數至多恒苦號舍隘每錄遺輒多所屏棄君請於邑宰白大吏願捐貲購隙地增號舍遂剋日鳩庀得八百餘間多士德之嘉慶十九年江甯游饑君捐貲無慮巨萬復于城西永慶寺設粥廠目視手告疲斂不少休使老

羸皆得所全活無算君家世席豐廳約出之人以爲侈
謙出之人以爲倨君躬劬守盈泰之戒故堅持淡泊之
志力行施予之惠誦法談道一滌金幹玉相之習而靜
慧相發藻翰炳炳亦非時輩所歧及余知江甯府時君
應童子試見其文異之事竣來謁則儀兒玉映進止溫
雅知其澤於詩書者深是年君遊邑庠就余問字余欣
然以爲爲 國家得一俊傑尋余莅淮徐君送餞江漕
猶殷殷訂後約不數年而君之凶耗至矣世有豐其德
嗇其遇者則必不嗇其壽今君數舉未得一第而其年
甫壯而折若有可爲盡齋以歸九原嗚呼是可哀也已
程侍郎遺集 卷八 三 登喜齋

君生於嘉慶二年六月卒於道光十一年二月得年三
十有五上元縣學附生候選州同知 賜五品銜 誥

授奉政大夫贈封中憲大夫娶于氏封恭人子二長作

霖次作柏女一以 年 月 葬於 城之 山原銘

曰

崇其心田真意盎然以從王事則專也處富若施人
卽忘以蓄已德則昌也舉舉其兒熊熊其文宜孤青雲
而齋志未一伸也棗強之墓輔嗣之墳是生大雲以覆
露其後昆也

君諱大善字元長姓王氏世爲歙人曾祖廷格祖士璠
父文逖兩世皆贈奉政大夫妣余氏贈安人君性強立
能任事尤工心計世父某業淮北鹺算緦多負命君振
之君力竭度無可爲棄而之毘陵毘陵亦世鹺業也君
稱貸籌什一業以大興嘗語人曰凡業鹺當察天時審
人事知物力贏絀則天時得知俯仰高下則人事修然
非巧算不能解故特精乎算凡數過百億則持籌者苦
茫昧君卽屈指高倡曰若干算持籌者必往復詳核曰
若干算如君言蓋君算沙等恒河亦不持籌也澤昔經
毘陵恒宿君肆之別齋君每犯星起服浣濯衣儼坐容
程侍郎遺集 卷八 七 登喜齋

止清蕭子若弟雁行侍稍通儉卽斥友朋造語皆唯謹
心甚異之及處里門閭族鏈待君舉火者手指數百而
君不特無德色人偶詢及輒引愧自咎恒若不慊嗟乎
明算科不講久矣自司農司空之屬不能舉其籌而奸
吏日以文巧變亂射利君之算乃有天授不得爲在官
用以市隱終可嘆也已君由太學生捐輸議敘通判銜
加二級封奉政大夫以道光九年六月十五日卒壽八
十配鄭氏繼配項氏陸氏子一太學生國屏先卒女九
孫一曾佑以 年 月葬於 山 原銘曰

其營拮据其施夷餘九族待其舖宜其考終于堂而哭

弔者塞路隅也

通政司副使顧公墓志銘

公諱蕪字希翰一字吳羹號南雅其先世自江甯遷吳縣有貞孝先生名國本者載吳縣祀典爲公五世祖曾祖漸考授州同知祖階升國學生考應昌國學生俱贈中議大夫妣汪氏贈太淑人公中嘉慶七年進士官編修十三年充會試同考官十七年
御試翰詹公名列一等擢翰林院侍讀是年放雲南學政廿五年授日講官秋九月擢侍講學士十一月上疏不稱

程侍郎遺集

卷八

天

程喜齋

旨降編修道光九年擢右中允擢侍讀十年擢侍講學士十一年擢通政司副使十二年五月卒春秋六十有八公爲詞臣儒官凡三十餘年文學動天下而結

主知崇物望實以奏疏顯其督學真也道河南以風聞墨吏奸民入告嘉慶十八年間逆匪林清變疏稱中禁嚴密若輩敢闖入肆猖獗則圓明園距都城遠尤宜備其擢學士也適值

仁宗升遐後疏稱方今時勢所急惟崇君德正人心飭官方三者爲尤要今

上召見凡

稱所言都是者三其復遷學士也疏稱西域逆回滋擾不難鋤慝於目前而難弭禍於日後欲請於喀什噶爾添重兵控制安集延俾回人不敢窺伺且其地密邇英吉沙爾葉爾羌又東南爲和闐皆有水草可耕牧宜募民屯田以備戰守更請公文書

慎簡大僚無分滿漢務得讀書識大體者任之以廉靜寡欲通達事理者佐之其遷通政司副使也適湖南北江南江西浙江皆大水疏稱飢民與鹽梟糾合易生事鹽梟不盡去終爲巨患緩治之則養禍深急治之則召禍速故欲禁其妄行必先謀其生路復請變通鹽法聽

程侍郎遺集

卷八

无

覓喜齋

民挾貲趨產鹽地收買隨時納課收課之後卽不必問其所往俟鹽產盛丁力紆卽令課歸丁不限疆域二疏俱留中公課士嚴而恩簾閣據几口講手畫懇懇忘倦必其人領悟乃已滇士翹穎者多出其門來京輦者多就公問業或就公廬止舍凡四方士經指授者皆砥躬礪行有文學能自立而公文壇老尊宿之譽日益四馳知與不知皆欲乞書畫以自飾爲詩文師大蘇賦駢體俱師唐宋書由歐陽率更入晚乃倣褚登善間亦作墨蹟嗚呼卽所造就已必傳無疑而公所學深醇實能通政教之源以生平所讀書反諸身驗諸事爲當世拯溺

於
採焚之具加以忠愛惓摯急公忘己有所見聞必獻之

當宁或冀一行卒也屢荷

褒擢駸駸乎且大用而公衰病不能待矣史稱陸宣公
言本仁義炳炳如丹如公其庶幾乎配汪氏贈淑人以
其妹為繼室封淑人子剛會殤以猶子條曾為嗣女二
長適吳慶華次幼以婚年正月葬公於縣山下
之原銘曰

弋名者鳴其利私其實也絢名者鳴其名沽其直也惓
懷于君國近不啗遠不唼不叩而必鳴其言夷且貞請

程侍郎遺集

卷八

三

楚喜齋

以觀先生

兵部尚書王公墓志銘

道光八年平西域功成

皇帝臨午門受俘兵部尚書以組縛逆酋生獻闕下萬
眾爭覩驚歎而青陽王公適掌兵部禮成得越等

褒賞公供職益虔久不懈

上亦倚畀不輕改他職任兵部尚書凡十六年道光十
七年正月薨於位

天子震悼

詔以清勤端謹克盡厥職褒之

退公又相繼入直

上書房

奎章珍器

賞賜重疊其一家父子極文臣眷顧之厚蓋同時所無雖

睿皇帝亦嘉歎其兩世知遇忠謹自將時發

天音而垂

清問也而公謙牧自處接同官及舊嫻疏友寒峻後輩皆自居敵以下不敢與鈞禮後進見公或避去不敢當公之謙挹自少至老未嘗一出言一舉足失先於人任

程侍郎遺集

卷八

三

覺喜齋

學政優禮愛士然遇奸弊事必發抉不稍受顏面留根蔓居京師其宅當冠蓋衝衢車轍皆過不留無謁以私者其嚴介不苟如是而人皆習其和而忘其峻昔班固以道德之士皆出於史官知秉要執本清虛以自守卑弱以自持合於易之嗛嗛一嗛而四益者此特公之跡耳恩澤自通籍時卽受知文僖公與公至款曲每以禮謁文僖公公必衣冠侍文僖公卽正容悟物之萬石君也而公則舉策數馬之太僕矣自其學以孝謹著世躋高顯凡鄉里稱篤行者鮮不以名父子爲首稱焉其他嘉言善行施乎家及乎朋友故舊尤人所易知者不具

載也公生於乾隆二十九年四月二十六日薨於道光十七年正月十二日年七十有四配江夫人繼配翁夫人大興翁學士方綱女皆先公卒子元林廕戶部主事及三子元栻太學生四子元琛皆早卒今官刑部員外郎者爲次子元榜女三適上海趙榮貴州邱煌上元董斯廣以某年月日葬公於某鄉某原銘曰

九乳垂天作鎮青陽歸神於公父子正卿公逢福世粥粥日晦植棟如林不私一士高門峻城奸莫敢攀惟其和光不怨而慚用承天寵保世禔躬哀榮之典以奠幽宮

程侍郎遺集

卷八

三

程喜齋

吳篁洲遷葬志

君諱鎔字篁洲安徽歙縣人曾祖尙選祖文玉父煒光祿寺少卿乾隆朝官御史直聲震朝野君以名父子工詞賦應戊申科

召試

賜舉人屢試不得官以平山縣教諭終寄籍京師歿葬永定門外翟家莊子贊瀛操履極謹飭澍苦于學飢寒齋志以歿無嗣君門弟子鄭上舍復光痛君祀之將斬也謀于同里諸君醵錢若干以道光十四年十月十二日遷君柩及配蔣妾某柩凡三千石榴莊歙義園俾祭

掃無闕時上舍適有西河之慟抑哀制淚奔走數日乃定計嗚呼俗益衰薄有子孫懋置其祖若父放不祀而餒其鬼者上舍乃門弟子獨惓惓于塾師而爲之謀永久之祀而同里諸君推友誼以及其所尊事皆激于義可爲世風勸且也乾隆間倡建今歙館者卽光祿公也其子孫之流寓者乃托于義園以食抑何不幸哉雖然使上舍無此舉則光祿不享爲善之報矣今門弟子一倡而會葬者響應皆詩書之緒所行抑何幸哉

汪君別傳

汪君炯字士光號春齋歙人系出唐越國公華後曾祖

程侍郎遺集

卷八

三四

魏喜齋

景冕有醇德婺源江經師永爲立生傳稱其孝友睦婣任恤祖泰安養志潔身秀水鄭贊善虎文稱爲隱德君子父孝漪爲父吮疽以孝聞君承三世舊德益自淬厲爲端人事繼母以孝調嫻黨以惠澤躬以詩書凡相知契有喪葬嫁娶不備禮者皆佽成之乾隆丁未甲寅壬戌年鄉里饑發粟減直全活無筭家廟祖塋但有修葺皆傾橐計不下萬金行賈之暇輒手一編尤喜與文士接立文社約並捐貲爲應舉者助嘗調人不自言不俟人請不責人報然受金者輒稱道不置居恆告其子曰吾曾祖明若公得江先生之傳而傳吾感慕江先生故

自號曰春齋子孫其勿諼也卒年六十有五子三時育
有時譽

論曰假人不德不責食人不使不役親戚愛之眾人善
之所謂隱德君子也昔文范先生以三世名德著況四
世乎吾鄉多隱德其子孫或達或否然達者或遽謝而
不達者終亦必達且曼羨也吾於汪氏卜之

湖南提督軍門楊君繼室龍夫人墓誌銘

夫人姓龍氏四川成都府華陽縣人曾祖某祖某父廷
泰乾隆辛酉科舉人官至廣東佛山同知夫人年廿二
歸軍門時軍門已貴顯爲總兵夫人幼讀書洞曉大義
程侍郎遺集卷八

壹

登喜齋

才果識偉柔而能強溫淑而敏斷與軍門愛敬無比嘉
慶十一年春軍門以寧陝鎮總兵攝固原提督夫人留
寧陝署秋鎮所轄兵叛戕攝總兵某及中軍遊擊等先
是額兵六千名例月給米折銀三錢遭匪賊蹂躪物值
益昂所領不給食軍門白經畧某具疏申請部議權加
二錢俟三載後再定議及是執事者停支持報兵忍饑
兩月有叛意攝總兵某不善撫以威裁之故有是變時
七月辛亥也有聞叛而請夫人行者夫人曰不可若我
出而兵叛是知賊情也人其謂我何至夕叛者蠶起焚
廨舍劫軍民在官眷屬暨民婦女皆驚竄依夫人爲逃

死藪時未叛者謹於內曰夫人勿死我輩受主帥恩賊入當以死拒脫不敵主帥歸見我輩屍見我輩心已叛者謹於外曰夫人勿驚我輩受主帥恩今迫而叛不與夫人夫人勿驚卽仇怨有避夫人側者亦不報也夫人端坐後堂戒奴婢曰死生有命敢號泣者懲之嚮明叛衆叩閣請謁避難者皆繞夫人哭乞勿納夫人曰愚哉若輩欲入卽入孰能禦之請見則見何懼爲命啓門叛首數十人手血淋漓環伏堂下痛哭曰我輩罪大惡極將欲竄身山谷緩須臾死恐去後有驚及夫人者求夫人行夫人大聲謂曰若輩雖戕官爲首者洵不可逭於程侍郎遺集

卷八

美

寵喜齋

多人何尤主帥旦夕歸且爲若輩白其事於朝非盡殲也可各罷歸伍不然斬我首去衆曰我輩血誓同死生能聚不能散乃昇輿以俟夫人將升輿避難者千數百人齊慟曰我輩死矣夫人復諭叛衆此總總者須隨我出毋傷殘衆皆唯唯於是出婢子衣履與在官眷屬結束先行乃肩輿殿其後出署衆復請曰昨宵廳城亦同時破衆掠未歸歸卽傳來立隊夫人曰止何等狂悖而猶循此規制耶在此者亦毋張皇恐多人驚衆復唯唯送至澗溝痛哭而返癸丑夫人抵興安越十有四日公子承注生會軍門自固原策單騎馳千二百里入叛軍

收降撫逸籠束歸伍乃誅其尤凶橫者而衆情泐泐有
悔降意於是叛首蒲大方等請於軍門往迎夫人以測
軍門心軍門不介一奴許其咸往夫人冒雪抱公子泰
然登程蒲大方王奉口角毆夫人止之至漢陰廳夫人
踞坐使左右鞭蒲大方四十械而行者三日始釋之見
軍門絕不言尋羣帥官屬來賀夫人以其事詢軍門且
偵叛衆意軍門乃問夫人所以不告之故夫人曰知而
不言是廢法也告而加誅法無重科爲妾謝衆官妾不
見徹不敢發發而衆情貼伏何問爲衆官皆嘆服而退
軍門以卒叛故戍伊犁尋赦歸攜夫人還里侍某太夫
程侍郎遺集

卷八

七

楚喜齋

人養蓋自夫人歸後頻年多故甫得謁太夫人太夫人
風緩不能言手索頤指惟夫人會其意日夕在側太夫
人喜見於色幾忘所苦亡何軍門復起鎮廣東奉太夫
人行夫人從軍門移鎮陝西甫之官而太夫人卒夫人
素善病至是益困然偕軍門返里門力疾營葬備盡哀
禮居恒謂軍門曰方寸靜潔則理勝欲念慮牽繫則欲
勝理人生最忌情流爲欲當軍門撫叛卒時自謂功足
以贖過而夫人謂曰君必赴伊犁當別經年顧屢立奇
績不久卽還耳卒如夫人言嗚呼若夫人者可謂明智
矣夫人教子極嚴善鼓雅琴工畫蘭時時爲之不倦以

道光五年十一月廿五日薨於湖南提督署之內寢年四十有三 封一品夫人子一承注 恩廕一品監生娶福建按察使蘇公兆登女女一字原任陝西華州知州劉君某之子宗浩孫一恩棣以是年某月某日葬於某縣之某原空其左方爲它日合窆計則公子承注當夫人綿悒時度其意而請之禮也銘曰

猗歟夫人識力堅定相厥夫子勸勉以正作嬪之初旣榮旣都鳳車翟衣龍節虎符夫子好文對講師律心兵不擾乃築鐵室主帥遠適叛軍一噪男走女呼環城動搖主帥有恩夫人贊之欲語叛軍麾以散之叛徒求謁

程侍郎遺集

卷八

三

楚喜齋

夫人踞見責以大義示以不變攘攘沙蟲爭舁魚軒夫人叱之噤不敢言提嬰挈姆依夫人所翼之嫗之遂脫禍咎其時夫人孕玉將產無驚無恐竟得雛贊主帥亟歸招降叛軍叛軍疑之請迎夫人叛酋忽門若門兩虎夫人鞭之若縛兩鼠帥謫帥還乃移歲陰有姑白頭風緩不斟攜手歸覲載色載笑姑意甫動夫人以告夫人有子賢而多能教督不休大愛似憎娛此泰平夫歡妻佩無作君父能治內外生犀繞帳鼓琴終夕曲罷寫蘭華葉盡碧媵曜忽隕將星蒼涼幸卽珂里一舟可航靈

風灑灑瘞此明月女丈夫碣過者無忽

先母項太恭人事略

母諱 字玉書歙縣人父雲騎公際會母程宜人項固歙巨戴雲騎公任俠負逸氣能書畫騎射與我先大父朝議公爲中表館先大父於家課子若弟時先大夫學士公童年絕穎異誦十三經若流雲騎公奇之母讀書內塾亦絕穎異以歲時伏臘謁先大父道勝常進退合度若成人先大父亦奇之婚議遂定先大父治家謹肅先大母吳太恭人率子婦承事若嚴君寢門內不聞警歎聲兒啼聲我母年十八來歸性至敬慎操作尤勤力先大夫文名日益譟試屢不第先大父望愈切先大程侍郎遺集

卷八

元

登喜齋

夫固泊於名而懼無以成親志也每報罷輒歎不自勝母始勸慰繼則相與飲泣遂成心疾幾殆先大夫官翰林倅直 內廷母佐內政凡十數年攻苦食淡無異未仕時逮先大夫奉

命視學山左也母喜曰夫子以二老人睽離故恒欲解組歸今遂迎養志矣孰意抵山左任甫七日而先大夫遽見背母痛絕時叔父儒林公在任所經紀舍斂百方喻譬母母懼以一死益戚堂上心也度堂上聞此耗必不支必覲堂上乃徇庶無憾遂扶柩挈孤間關旋里門先大母一見恩澤涕下不可止先大父復喻譬母數四

母乃事先大父母愈敬慎操作愈勤力先大母憐之因勞曰爾處官舍十餘年尙能親饋爨可謂賢矣然我念爾若是輒痛兒甚兒幸有子子賢不肖不可知但使我見兒勝其父之衣則我心釋然矣恩澤晝持束書侍先大父側夜則侍母側母篝鐙督恩澤讀恩澤弱且鈍吻躁口苦猶未成誦母且泣且口授向明必背誦無譌乃使詣先大父所恩澤年十五入泮先大父尙在年二十舉於鄉年二十七成進士官編修先大母尙在至是先大母謂母曰汝撫孤事已就兒出身事方起教不可一日弛也先大母見背後三年恩澤奉母官京師及奉使程侍郎遺集

卷八

早

聖喜齋

不廉則負
聖恩悖先人德雖奉養極華盛我不欲也恩澤奉外使凡六年母食不重味躬服澣濯且晝夜兢惕惟恐恩澤或望於過差嗚乎痛哉母中歲頻厄所冀幸者一弱子耳未成立則憂未學則憂未仕則憂及能粗給供養而來日又苦短也況外迫公事則定省缺久膺幽憂則疾疾頻求從容笑語于燕閒時蓋亦不數數觀也嗚乎痛哉母事先大父母極孝記先大父病嗽上氣疾母治饘

必使與方藥無悖及病革晝夜不敢休歿後哀毀盡禮
先大母病風緩神志恍惚卧榻凡二稔母時年過六十
晝夜侍旁潔飲饌浣厠膾衣不解帶者亦二稔及歿撫
棺一慟齒無故自墮者二承兄叔姊姒以和御下公以
寬生平無疾言遽色聞人有阨若身受戚族稱貸雖典
質勿吝是非善惡了然而不欲明辨讀書通大義幼所
習者至老背誦若流尤好岐黃書辨寒熱虛實雖專家
不能奪也常誨恩澤曰爾務泛覽而寡要若力行仁恕
則所業進矣又舉漢劉寬傳相示蓋以恩澤持公事過
弁急也嗚乎痛哉以恩澤蠢愚而內不拂于家外不戾
程侍郎遺集

卷八

聖

聖喜齋

于官徒以有母在也今且失母知不免于小人之歸矣
恩澤生四十又五年自母視之猶孩提也寒暑飢渴日
必三四詔焉今噢咻之聲猶尙在耳而望其曠已臯如
也嗚乎痛哉慈孝如我母明智如我母而不得食子之
報侍養無狀其又奚道嗚乎痛哉母以道光九年二月
十六日卒得年七十有五子一恩澤孫一德威以先大
夫官學士封恭人以恩澤官祭酒晉太恭人

程侍郎遺集初編卷九

祭錢東生夫子文

於戲亶亶夫子敏穎超特文而又儒學統萬緒以蓄千
智未竟一莛旣泊仕宦復廉取名用晦而愚由壯逮老
彌衰彌健半菀半枯豫尅亡日經畫含斂招詢友徒豈
有所赴都錄雲台委羽遮須音徽未沫春蘭秋菊請陳
其麤夫子才捷文不加點成誦借書分占口授十手擊
脫乞姑徐徐千詩百賦子唾而就眾喘而吁博關典籍
尤邃鄭孔以經爲郭情律兒實芝菌虎灸景鍼芻閔
廓深遠百氏環橐九能大夫子嘗稱言經生偉人

程侍郎遺集

卷九

一

冠喜齋

昭代所儲薈萃著述錄采梗概以遺南狐學核壇宇治
課常變鈇析而臚子又稱言文蔽也雜詩蔽也誣和易
其體篤雅其節黼繡其祛圭陰江左謝華啟秀鎔一鞠
蘊欲剝橫流自守宗派以還古初子惠淵懿大直若拙
處愠以愉子識卓絕見微知著能斷且謀孝乎惟孝悌
懷故舊不遺媿呱弗籍貴胄厯官清要屢持文樞沛然
其名上徹

帝所遠波扶餘使尙待用秉經達權可公可孤憶受知
始賞膩顏裕詡詒癡符風雪清華鏗火夜集輒言姁姁
情恕理遣標然靜雲覆四座隅十有八載半以睽離送

以聞疏文藝寸長差可表襮子謹而譽憂患疾痛無可
告訴子聞而呼旣畔函丈昔昔夢見猶憑竈觚歸拜牀
下秋疾來宅再革再蘇不計生歿遑恤貴富紛紛弃詔
君子所息全歸爲亟不墮岐途遺草一篋枕衾所授弄
之瓠壺後死之責剗劂流布且鉛且朱龍吉化矣獲人
亡矣若津失柁尊酒旣奠靈風颯然心光如珠小文謫
劣捧土益岱但形其劬有道之碑鄭鄉之業則俟大巫
哀哉尚饗

祭宋芷灣先生文

於戲太白一去大蘇不來天憫詩境夷於委灰公腹奇
程侍郎遺集

卷九

二

麗喜齋

氣如憑高臺西摘落月東浴蓬萊化爲明霞焜煌九垓
尋子詩境非蘇非李古與我合我不古儼超然之神萬
彙其始猊門麟觸霹靂操箠捷若天馬粲若媚子秋館
桂魄春筵綺花醇耐千觴老手八叉草聖詩王公侯咤
嗟今日堊牆明日籠紗零縑碎楮傳走天涯爲名翰林
良二千石才逸遇蹇卅五通籍使黔使蜀文路大闢滇
官一紀寂寞懷璧觀察一稔卽削塵跡海內知己靡不
悼惜歎聲所到遂成今昔澤入芸館學宮體文教之誨
之伊子獨勤詒符而癡滫蘭弗芬人覽叱叱子覽欣欣
謂我古賦蔚跂不羣袖稿款客高吟入雲遂令走卒來

塵大軍人雅重子信子所云子不惜譽溢其寸分我喜
且慚歸求典墳鄧林維流何處置斤子宦萬里我返鄉
國尺帛不達夢想卽得秋遇如約子北我北

嘉慶戊寅年公入都

澤亦入都

參軍之堂元龍之側之渙自倡子聽嘿嘿

時鮑覺生先生

設燕招澤趨陪座有陳伯雲王楷堂兩先生楷堂大聲歌近作公嘿爾而聽

燭闌尊冷珠斗

已仄送子上車微聞太息前此三年我使黔中子時在

滇音耗偶通子過且蘭

貴陽省城

訪我所宮我詢子詩垂老

愈雄我乞子書子曰遽勿我敏子政子謝無功我偵滇

吏述子之風灣甸有酋嘯聚羣凶肝人爲舖喋血成虹

武弁翼之利其賅竇大吏畏之恐衅邊烽子決殺之苦

程侍郎遺集

卷九

三

覓喜齋

無尺鋒上掣其肘旁縛厥躬子憤成疾勞心忡忡急練

鄉兵讐酋以弓卒刺其頭以祭沙蟲會否若是願聞始

終子曰罷休此何足庸惟子宦滇美政够夥士歌民頌

溢于道左小飲一霎欲問不果會有玉管奚待瑣瑣我

移沅權子艤楚舸同居鷓尾乃逃蹠坐轉粟天漢風雨

坎坷歸乃疲茶四末窳惰遂令恒幹爲疾所禍跡子生

平大才觥觥文能著書武能將兵未罄所用以詩文鳴

不廡所仕書日有名神劍夫禱三軍不驚偶露其銜萬

夫失爭子詩子書自視甚輕棄其胥餘後學所羹頡頏

其貌蹙輔而笑穎邁其性言簡以妙似狂似愨能忠能

孝都不經意動中歎要天懷散朗或飲或嘯一錢不選
萬卷獨校我登子堂未見奧窔多別少覲遠邇相照會
不邂逅轉賀爲弔西恩傍徨如夜失曜江山文藻異代
同調遠致絮酒願子速醕靈遊靈歸不閱嶺嶠於戲尙
饗

祭家也園先生文

於戲有古豪傑起於新安天昌乃名不廌乃官少而通
籍老而爲客黃金山傾所至削跡早抱大志恥卑狹流
文章事功欲偃滄洲當其赴前不暇量力眾詫而驚自
顧甚得瑰意琦行珍裘玉輿神仙中人出入閒都獻賦
程侍郎遺集

卷九

四

覲喜齋

爲郎遂入樞密兩轉銓署屢獻刑律英蕩所指曾雪厄
寬亮節清風卻賄與援熊湘戎事枕戈磨盾護麟符旋
左虎右隼尋其才望指顧九遷忽漫投簪弁九歸田進
避權相成我高潔退澣厠膾二老歡悅封公雄卓其施
恢恢公纘厥緒厦千萬開銅陵金穴非家所有揮霍在
卽遑計其後窮阨俛俛來斂公門屢貸復貸公顏益溫
生死患難錢通可轉論公所採積無量善尤愛端士與
羣雅材旣贍其身復廣其栽公性華逸詞翰俱妙壺韜
一巡絲管竝叫意錢博筭反雉掄魚脫手忘懷舉手笑
呼若公若侯皆金石友郎潛京輦四海趨走公不慕勢

人爲名高息影江湖冠蓋滔滔筵芳友萃筵冷友散再
衰再盛哀樂參半晚學禽向與陶朱公逋負益多食客
益充吳楚遊倦遂窺海鏡粵都奇麗雅合公性瘴天如
瘴匪衰病宜淹忽長逝愴矣其悲我祖高足我父至契
我生公賀宦邸連砌我戲鳩車公授我書公調我家公
隴我裾乾蔭旣失奉母南返我祖悵悵公語款款祖庭
又俎母憐其孤公曰勿憂此子易扶我年十七卽學公
宇與公仲子鉛槧樽俎我文無範公誠其馳斂而運鋒
公歎其奇我屢計偕公客吳會不第公愕旣第公快我
素食貧奔走阻艱公泣公歌天涯水干別或數載聚不
程侍郎遺集

卷九

五

堯喜齋

三日念深緣淺心勞夢拙昭陽協洽我使且蘭逢公新
鄭大河漫漫玉骨鶴聳雙眸鏡徹語多恒昔腸老愈熱
夜半涕下曉來北南人語喧喧四目眈眈我黔而湘公
楚而粵風聽多阻書問亦闕公之貺我山海難量豈不
思報抔土太行金河以南別竟永訣五嶺以北苦失消
息出處大節公無少虧不附勢要而戀庭闈使公徇祿
久躋大府定建宏偉龍文虎武公施旣博不責人酬酬
者寥寥天道悠悠慈仁義勇筆不勝紀散在人口著必
良史公有三哲屢諫公歸仲也最豪博辨知幾公志未
伸當有達者我拭此目以俟方雅絮酒磨鏡未能親行

哭寢有淚激爲楚聲光孝鑒師華首葛老求公於是公
跡未掃於戲尙饗

祭葆逸舟觀察文

於戲國隕良士家失長者問天茫茫導以猶子從以懿
况君丁厥殃程書旁午讞牘未了燭難心益仲兄大賢
痛失白眉老淚萬行黔婁有妻伯道無兒後塵痠傷君
以孝廉由國學師爲禮曹郎觀察東南亦習皋蘇亦宗
研桑際鹽法做

帝命曷吏改弦更張鋒車星使反覆詰難君言甚詳鞭
箠旣得錢流地上利歸海王

程侍郎遺集

卷九

六

程喜齋

帝嘉君賢移節歸綏長城巨防往者辛卯歲乃大水漂
朱雀航沈竈產鼃萬民汹汹牽船望洋君勸輸粟彌夜
達旦舌焦唇創抑鴻澹災誓波請命民用乂康改秋試
期士得平土不蹙溇澹凡此美政大府俞之君實紀綱
我爲寓公見逐波臣舉室倉皇君傲華聖妥我驚魂度
我中箱旅客多戚君左右我使登遠莊我性狷介曲意
相喻婉辭而臧紅鄂破春素月行秋山明水蒼君歌我
呼連輿接茵窮花竹鄉一味之甘十漿之饋必分而嘗
送我北去天酸然雨離雲滿鷓鴣背二稔君來

覲宸五柞長楊直廬岑寂温酒相勞有鳴寒蠶君顏益

豐漆髯飄蕭甚口琅琅重話舊遊萍散蓬轉感時悽愴
謂君邊寄建樹必異克柔克剛君言南中風物清劬每
飯不忘西行索居黑水風急大青雪荒計抵秀容卽攝
廉使其真未亾何來惡耗何疾歿碎何藥披猖走告諸
爰諸爰詫疑瞿瞿偃偃君性篤摯情慤德滿薰然善良
世宦熏灼尤所吐棄藐以迭邊訟庭花飛忽致雙鶴環
君舞鴉周妻何肉俱可屏卻矧曰冕裳揣其襟抱清超
曠遠宜壽久長視官甚輕必能宏濟爲儉歲梁胡天不
愁折婁貞公悼盛孝章拙篆帖楹君所欣賞焚之陰堂
小文舛陋庶無愧辭聊申闡彰數耶命耶靈其自知無
程侍郎遺集 卷九 七 羅喜齋

任涕滂於戲尙饗

祭外姑劉太君童太夫人文

於戲痛哉二日不見疾來如風不語不食僵仆籠東胸
蓄萬言口無一字百呼弗荅瞠目閣淚喉森茱萸半體
遂枯心光熒熒乍有乍無投藥不入抵壺而嘆行就長
夜何術使旦遇否身泰節苦境旨反覆不訓孰測其理
請述母德孝於病姑姑臥三載昔昔爲奴以手掬穢以
口哺糜頰吐卽膺頤指斯知姑曰孝哉有婦若此願爾
女貴得婿如子先是外舅抱疴不謝金翦截膚石銚煎
心肉徇九原痕留一割若有所待隱忍生活時女未睟

未醉而孤卻顧女君亦腹文珠入地求亾祝天得雄兩
念交馳魂夢洵洵子羸女壯母意悵惘均乳而食冀子
速長嬌穉多眚幾赴殤宮就溼推漑保此阨窮家祀薦
時女君所治佐潔蘋蘩季蘭尸之千劬萬辛歷廿餘載
自後追思若涉淵海男賦綠衣旣授室矣女卜鳳皇迨
其吉矣孰可壻者母心傍徨擇到黔婁不棄侯光新婦
來歸我母悅喜謂秉母教婉嫕循禮母與我母雅故旣
久申以媿戚益相人偶槐榆橘柚合爲一家同土錦車
共走天涯黔雲漏雨楚風多暑我母慰安恐母意苦我
母數疾殞歿不支婦力弗給母能維持我母感母若姊

程侍郎遺集

卷九

八

至喜齋

娣然朝怡夕嬰若蛩螿焉我母綿悒呼母絮語我兒我
婦卿子卿女慈暉徂謝阻艱南行我哂我吡母止我聲
我毀我蹶我鬱我戚宛轉相我老淚潛滴母家雁門風
高折弦不耐溽蒸愁縛灰纏亦旣北還一屋爲笑後堂
置酒子舞壻蹈玉雪諸孫或戲或訶梨栗繞牀輒語歡
和愧非韋皋謬荷嘉譽亦效稚恭騎馬稱遽健婦夫半
直廬雙栖偶迂母軒藻沼桃蹊舊患漸痊常膳載進壻
階驟轉母意深慶尺五城南連宇接茆往來懂懂如一
團瓢經緯周緻庀我家政先人後已革衰崇正雞鳴膺
脯烏尾畢逋簪短帶長搢搨且瘖鏘籥如珮筐篋瓊瓊

施杖安於必得其所識惟卓犖性復卹凋撤環拔釵以
惠惇嫻昏黃燈火時話曩昔金張門第貂珥盈席外舅
雅性能績能琴母通弈旨亦解弦音投枰棄軫舊跡如
掃息古井波種拔心草施藥拯急已疾曷瘳刀圭不聊
天道悠悠有孝者子事庶如嫡知母乳味悲母瘁力晝
夜不眠求醫籲天墻惶女癡繞柱而旋秋孟十九斜月
在屋紈如二鼓婦孺咸哭年齒未耆旌封尙虛德盛運
促慶遺子帑事起倉卒我懷怳惚謂母尙存誤收母闋
母憐孤稚安忍棄捐西風觸魂當亦潛然構疴彌酷繫
思彌永來日大難不盡哀哽於戲痛哉尙饗

程侍郎遺集

卷九

九

覺喜齋

恩 祭吳蘭雪先生文

於戲有美一人起廬鄱東以詩而窮以詩而通冊載大
名海內拜風萃古今才擷其妙空清若浴碧冶若寢紅
能剛能柔且逸且雄雲錦鳳羅天巧國工綺歲高步秀
臚玉頰歡場醉筆驕花寵葉解佩漢神躡柳佳俠連手
縈繞願執中箠上公通侯以禮爲羅入拜後堂出聯玉
珂華天雪宵奇峯詭波眾募難工獨聆君誥神畫僧絲
曼聲韓娥一座盡傾萬本萬螺或寫宮紈或織鈿窠零
句碎章口熟巖阿曰竝世生柰此才何亦登遴選亦舉
廉孝薇省端牘露門司教性非坦率遇每瑁環超超阿

龍豈半袁豹斯人蕉萃識者私悼君懷豁如意不戀嫪
其境彌窘其名益噪中山弟子擁書請造扶餘使臣聽
詩踞竈聲譽文繡焉可戶告沛然有餘如響斯報懿哉
前賢壇坫稱尊大波小瀾闢學者門屣屨其間君聞緒
言同調蘭朋摩宰鯨鯢指窮爲薪似續斯文及君牧邊
投老荒屯四海墨雨凝爲鬱雲槃敦蕭寥非君樂聞我
齒廿餘邂逅長者見我塗抹詡以揚馬詫我博辨諷以
終賈我詩舛律萬言灑灑拜君指撻裁僞親雅精心銳
力奚事侈哆杜韓難真漢魏易假曰才學識獨具陶冶
我名未顯君乃大評袖我拙草投人夜珠強聒使聞或
程侍郎遺集

卷九

十

覓喜齋

否或俞我踐華近託於屬車君窺燕閒自佩一壺詠
醉歌月墮星疏我感曰風君助我吟我購鸞膠君貺以
瑜我時奉母摳衣趨隅君遣魚軒蕙言姁姁珍膳甯餽
必薦鯉鳧我卽使黔客香棠館會書寓君吾見亦罕君
後牧此柯古香曠對花豔豔得句款款荅曰築巢以寄
漫嬾由黔使湘由湘北返別君六載共歎晚晚慈暉隕
矣叫天莫回扶引南舟炎暑怒雷君送我行蕭寺夕來
坐不忍起語不勝哀僧揣友情亦佐嗟喚冀訂後約何
年何地遂成長訣豈所逆計庚寅之春君赴所治颿拂
吳會屢遣詩騎我客白下命駕未遂此後五載若背風

翅夢旣艱到書亦眇寄聞君措施大有賢聲千室鳴弦
百夫得情文黨設堂龐參卹嬰敦厚溫柔詩教果行命
不龔黃壽或聃鏗陰老益工弗令吐傾梅景蓮花齋返
蓉城君福清逸名山幾遍滌筆匡瀑大雲罨硯久宿江
洲梅月如練有隨清娛玉貌盛鬢郎吟妾繪淋漓東絹
惜哉早化如露如電昨接手畢深慨杏殤一官瓠懸萬
緒茫茫我徒依君曰銀河張惡耗遞來謂君坐忘懷任
彥昇哭盛孝章名輩漸稀詩道其荒丹旒東發久斯塞
旂靈娛或來垂帶相羊天末故人泣奠一觴君知不知
憑此心光爲傳志銘後死所詳麤述大招臨風慨慷

程侍郎遺集

卷九

十一

登喜齋

祭曹文正公文

於戲元老耄嚙夙夜盡瘁心景其淪

帝乃震悼曰腹心賢曰股肱臣前此數日猶奉

尺一匏匏恣恣如何不愁精爽銷微寂無嘯呻月正三
日李將旦南有聲鏗匄公歸上宵朝野皇然失一正人
舉夔之衷灼知惟

聖篤信惟

聖守道不移心無偏曲

特謚曰正伊公學術本末鉅細一主於敬懷繩準鈎執

符明燭亢錡之柄顧善韜晦不露厓岸莫克窮竟惟

聖詔之獻可替否昭臆而諍兒和辭訥不語不辯粹然
雅性惟

聖覺之弗辟嫌怨專抑浮競

明光若視奉魁承杓十有五年參贊

席勝縛渠龍沙圖像凌煙簫勺靖矣動合機宜山陬澗
壘練習掌故顛畫清靜大猷炳焉一覽優記至耄彌疆
封章委闕雞次艷如占對不窮

皇心慰旃依之違之左右綏之以壹衡懸無笑慎迹無
激揚語而能得賢頌頻頻賜斯求比求繫望風而還端委
立朝正容悟物中外肅然身仕

程侍郎遺集

卷九

從喜齋

三朝徧歷六官相廿三載以文起家以惠濟美以才展
案羣經背誦諸史括記體用攸在篇筆醇雅弗睽時好
聯設貫非最樂商藻齷齪隻字夕炬起改誕章論觚臆
瑣回穴謝以不解五典春官十持玉尺金鑄四海方聞
勳人趣公所尚咸入模楷文軌既正道源所繫以建真
宰惟勤故敏惟儉故廉惟幾故深尤慎操履舉無口過
靡瑕可尋時際

堯舜寵重恩厚鑒此蓋心公益奮厲深援安危思融古

今一言一策未緒未達反還酌斟條宜事比必聿必繹

犯星以訖惟

天聰明惟臣莫及故竭菲忱綿悷之際猶念朝政謫誦
不禁

溫綸稟申任子增秩公感何若經被覆躬珍玲親體公
愔何若

親臨未臨

天意愴然

遣奠三爵留此耿耿眷顧愈厚思惟莫度歎聲所屆爰
自廷府以馳荒朔曰社稷臣百齡何恡九京可作公於
先子結肺腑契爲金石盥我辱公知于彼生初先試啼
聲婉孌近親崇重道誼相胥而成不干以私不逢以喜

程侍郎遺集

卷九

十三

芟喜齋

愜公素情悠悠蒼天栽植之力推置之誠亦旣孟晉曾
不計酬抔土太行師哉師哉桐子謾詆日卽陌傾憶公
溫溫若氣之春百昌咸起去尤見思若燧厚夜若篋困
水生加大傳歿諡文正哀榮極矣靡不撫慟靡不賙禔
自

當宁始功著旗常慶流苗裔神在典祀大文清詩雉雉
麟麟充棟盈几千載而下測公笑兒惟憑故紙椒漿空
奠齋衰不御悲哽曷已靈風滿旗大星如月公其格止
哀哉尙饗

祭曹文正公德配劉太夫人文烈節念障苑諸廟

於戲文正返真甫祺薦常柰何斗嬾冥隨隕光亦有少
室峯積尤亟逐岱雲化距四挾日月穀歲旋哭寢者三
藉謂純終送者曷堪惟我女師婉婉德象以節度息作
嬪丞相爲曹大家爲劉令嫺明月采筆天風佩環節度
偉人母乃馮媛孺染禮教廣聞深見左右文正垂五十
年敬佩有道海內稱賢緣輿在門黃裳之偶大帥竿牘
望而卻走闕觀孤趙山公之妃辨才與量識幾燭微詎
特內政修尼井井亦轉風化亦賴戒警先是司農奉九
旬慈春暉盍壺大雲覆之母以孫婦逮祖姑事頤指目
門動輒承志戴星劬煩摺織紉孝溢鄙譽宣傳迄今

程侍郎遺集

卷九

十四

登喜齋

我嬰倪時隨母拜母繞牀梨卓嬰春消九我母契母歎
若後先傾吐肺附情緒眇絲載乖載合倏哀倏樂我母
前逝母意殊索我娶於金繼室以劉母甥母姪唯母喚
咻絳帳生徒後堂弟子師恩母慈涵泳無已受性寬懿
秉心毖勤不貴華膺獨崇誦芬通知大義亦文亦史蘊
才不露愈裸淵嫩金幹玉楨八節九華興慶首行榮顯
莫加蘭時內集屏諺深燕林林蘭玉雍樹負劔族嫺嫺
煇羨母福完祝句母福百分一端母曰茂哉細撤錫類
宜勗子姓以紹門地善容仁氣藹如蕙風旁颺曲吹感
及媪童鳳靡鸞鍛中懷茹苦筠心瘁矣豈待淮雨尙憶

昨冬計及崇祠師入賢良母實尸之無成代終賴此明
識警欬在耳若前日事師未卒窆後母歸乎春水方生
又送靈艫惟子孫曾彌賢彌俊足慰慈望金策玉印念
及小已於真冷時哭奠椒漿靈其鑒之哀哉尙饗

公祭李蘭卿都轉文

於戲鳳集彘華海內文明所過謹諄願聆其聲亦有神
驥力竭猶騁仆於長坂見者哀哽豐遇嗇筭逃哉天聽
夫豈偶然抱道翊聖君如鄴侯如員半千生而慧成幼
卽頤天千詩百賦借書于手文采必霸歎飲萬有掇取
顯第若探筐篋抑然自下不侈形謀歷涉華近鳳閣樞

程侍郎遺集

卷九

五

覽喜齋

垣黼藻卿雲懸河筆端益書經史通知時務雷聲淵默
攬轡四顧成君盛名則守思田如搏丸泥指掌方圓以
渠龍骨則稻再熟以典雞次則戶勤讀百鼓統統盜革
而徂萬厦潭潭士晏而儒始是瘴深不覲驄馬父母在
庭瘴亦消冶始是咫聞耳塞目眇良師導源見學海瀾
賈賈提陀精夫媿徒養印自充仁偃禮趨銅鼓應停鐘
礪錯采陽明再來辰在戌亥問古阿孺陽明再來具開
創功惟天下才展君領聞則權巨闢船艤子徠鏡燭吏
姦決鴻害稼臥隄請命君盡止之弗甬奚病湖波寬緩
堰虹穹然全生澹蓄蟲人萬千權臬平亭球荒如火幢

陸不齊生計遂左一歲再茲見賦吳都爾則聖土吾能
障湖柰何賦重生金生粟圖始實難試視粵穀政和特
達有過其遷都轉山東借寇頰川平江練湖俟君盤錯
遂羈淮海紛攘六鑿百齡俄頃牙淺弦疾心光如月已
迫消乙君常稱言以古爲師破萬卷書實爲政資朕黨
儒效君此性真先教後刑厥化若神君樂山水驂鸞跨
鶴舉帷清暇觴詠閒作江淮東滙方聞所都偉哉主盟
比韓歐蘇憶同譜歲君甫十八外溫內腴丰儀俊拔二
十歸娶花月萬篇廿三典試章貢多賢強仕過三如日
方中好作功名圖嚳卜熊未聞臥疾遽卽長夜天球中
程侍郎遺集 卷

六

覽喜齋

碎國棟折下翹想舊部哭呂衡州橫江迤南溢湘灘流
悲感所集定謀尸祝殉爲貴神上動瑄宿箸作藏山詰
兄哀之身後千秋營魄戀斯椒漿泣奠銀灣側畔靈風
肅然助我三歎哀哉尙饗

大清武德尉四川建昌營守備王君及其子武義

都尉貴州思南營遊擊忠節誄

并序

乾隆三十二年四川建昌營守備王君呈瑞偕守備馬
子健隨遊擊蘇爾相素克津泰入緬責貢以降聞於

朝於是藉武德家獄其孤宗佑又十年遊擊蘇爾相遁

歸白其事於朝曰蘇爾相囚素克津泰縊王呈瑞馬

子健死于江皆不屈也於是官宗佑以完其家實爲武義君又十八年武義以清江營守備將兵黔楚間當苗眾始立功尋以都司將兵剿教匪于蜀以遊擊將兵靖永綏又從征興義苗平之勞績無筭賞賚無筭然寢食戈刃間凡三年裹創吮血虐以寒暑病殞死不支未嘗一日休也嘉慶三年七月四日武義在蜀營攻王三槐于安樂坪大軍失利提督死武義收散卒以寡搏眾身被數十創力屈伏地北面大呼曰不能報

君恩矣遂卒於陳于是武德以忠節殉于緬其子武義以忠節殉于蜀前後聞于朝大白于天下嗟呼奉使

程侍郎遺集

卷

七

登喜齋

貴不辱命降不可也雖不死可也使武德不死與蘇爾相遁歸雖至今存無益也武義艱于獄勇于陳屢立戰功富貴而雍容雖白首統戎行可也然觀其戰先士卒篤病不少懈其心以爲彰前名報國恩出萬死不獲一生可也夫忠節天之榮名也其父取之其子又取之奉使臨敵人臣之大端也其父緬頌之其子蜀頌之太平之時而以忠節著尤不易之遭際也天何厚于王氏父子哉武德故黔人官于蜀遂家于蜀之西昌武義官於黔葬於黔復家於黔之思南武義子振基廕雲騎尉清慎有家法介安化令朱君以文請澤謂兩世忠節宜

誄也其辭曰

武德矯矯握節不屈魂趨金沙心向丹闕萬里孤臣不
求人知忽暴于朝天實爲之孤臣有子不絕如縷拜
恩僭爵臥戈枕劍凡師之捷在義與勇武義一呼兵躍
馬駭首首獲魁積甲嶙峋武義顧之

寵賚又新先登陷陳病困不已生爲國士死乃肖子金
夷重夷有肉若糜血碧蜀天化爲虹霓鬼雄南驚直叩
阿瓦歸來歸來同食方社

卹酒載清豐碑峩峩忠乎孝乎所得孰多朱波獻象岷
絡如井如何琅邪不幸斯幸烏江熊熊掌溪來同忠孝
程侍耶遺集
之廬千古以風

十五

登喜齋

王母朱孺人誄

龍憐之孀未逾半稔而孺人僅三閱月也孫環之寡先
喪厥姑而孺人泣三喪以血也任妻之少孤孩在側而
孺人若流星之忽也然無子而有子子立而家底抑何
慈且壽也畫室而處瓶口而對靡不禮以節也閨門雍
雍內外斬斬族嬋悅也曰奚自奉之約而與人則周緯
不恤也穀似孝慕

我友王華
字石甫

以淚泚筆寫老銀而摧切

也我居聖室未表母德叫蒼天而罔極也

祈晴文

道光十二年六月十九日廣東正考官程恩澤副考官
邢福山爲久雨祈晴事齋肅頓首致禱於所過名山大
川之神惟貴神膺沈藹之盛典董常羊之巨維卷豐隆
於掌握起萍號於呵吹故能沛百昌之沃膏興五土之
熾苗今者小暑以後高原旣滋非惟雨之又潤澤之淺
已微乎上尺下尺深復逮乎六施七施儻霖霑之不止
轉損穀而壞粢非所以體奧苑之仁覆錫富媪之蕃釐
也矧使臣者奉

天畀之英蕩併晝夜而載馳歷五都四瀆而不憚險遠
程侍郎遺集

五

龍喜齋

且欲度粵嶠而南窺珠海之麋迫有程限不可透迤頃
行抵河涯之間閱數日而爲積潦所羈縻變小澗成瀟
淪化平涂爲險巖馬十步而九蹶僕前進而退疑廢食
飲而忘寢興會不半程而已茶疲噫嘻乎雲將雨師豈
不屑使臣而爲斯使臣官不足重材不足毗特恐淪薄
海

共主之簡命卽

貴神亦以爲非宜伏願速偃雨旆迅收雲旗消芒晦于
俄頃顯鼂暉與夕暉使臣御風而行晷刻不差納節之
日五善周咨是時觀大穗與長稔亦先後而登京茨則

貴神一舉而兩美備矣使臣當九頓首而謝如天之祺
第二次祈晴文

某等前次祈晴僅告所過名山大川不敢致禱天神以
天神尊貴非大夫所當祈也然春秋之義王人雖微序
於諸侯之上卽行諸侯之事不爲僭茲再禱風神雲神
雷神以達寸悃恭惟天神宰制陰陽迭用柔剛曰雨而
雨曰暘而暘今者二旬不見皎日厥咎常陰厥過流溼
瞻彼大田其患惟潦哀我征人復仆于道懷私爲每此
懷非私瓜時而往瓜摘乃遲使臣之心曾誓河水斯文
未喪宜受帝祉帝祉伊河所助者順霖止潦清乃利于
程侍郎遺集 卷 三 芑喜齋
進伏陰伏雨有干赫曦孰綱維是而令怨咨佻夫雖微
曾拜
帝命惟神聰明有籲必聽

謝開霽文

夏間過宿州值霖霽不止作文祈晴於所過名
山大川之神不二日而開霽茲復過此作文祇
謝焉

翳使者之南邁兮值霖霽之淹旬懼程限之孔迫兮路
坎輓而逡巡乞明神之嘉惠兮叩喬陟與齋淪惟濯靈
之桴應兮發勁臙於九垓耀赫曦之烏羽兮卷水雲之

魚鱗前金蛇而後玉虎兮皆遁藏而不敢伸譬震怒而
忽霽顏兮非神力其孰振喜征蓋之不濡兮快劇驂之
可循爛川涯之媚晴兮斂山翠之久顰幸數日之偶開
兮恐後途之仍屯何明威之廣覆兮隔千里而一均計
自淮甸以達海壖兮無怪雨之或津頃使旋而納節兮
鬯周原之駱駟過符離之古城兮心惓惓於貴神忱止
寸而恩倍尋兮雖巧言其曷陳冀蟲鳴而天聽兮蕤真
香以上申

程侍郎遺集

卷八

三

芑喜齋

程侍郎遺集初編卷十

曹太傅相國八十壽文

聖天子御極之十有四載時聖道淳六寓晏然仕歡於
朝農扞於田於時我太傅相國老夫子位台鼎凡二十
二年領樞密凡十有五年而齡躋八豨丹顏而華顛天
下望之如周召公如古彭篯豈不以身繫社稷之身齒
冠中外僚采之先故介福者同辭而冀劭德者彌堅哉
聖天子嘉乃元老訂謨丕績

親灑丹毫

寵以得賢之章

程侍郎遺集

卷一

一

程喜齋

書額書楹祝期頤與康彊

大賚珍異器重衣華金朱煌煌若湛露之滋鄧林赫曦
之耀扶桑宜其奮榮揚輝日引而月長也十月幾望歲
星在畢五老人正中

天使乘雲繞月而來賁乎公之宮南面磬折祇述

天顧之隆公九頓首九命茲益恭捧盈而躬躬自上公
通侯九卿以迄庶官弟子門人莫不觀盛禮而欣寵崇
也酒行樂作或舉觴而言曰自某處公門下見

天使凡三至焉歲在甲戌公六十壽拜

渥恩於逾格實臣工所罕有歲在甲申公壽七旬如初

之禮卽肇今之辰自今以始且屢荷
天之申豈云
三錫而未之前聞哉故語
體兒之隆則

玉瀾繪像

宸章鐫焉

紫閣圖勛

御贊縣焉青花龍尾之道易腰輿以肩焉舉輿服之貴
則翠羽吉光重暈圓焉乘馬吉黃紫纒翩焉其它殊恩
異數玉管不勝編焉盍推致此之繇以誦乎座賢或舉

程侍郎遺集

卷十

二

芟喜齋

觴而荅曰公以世祿鼎貴致身清要詩禮之氣盎乎廊
廟書誦三篋而不遺一字文約六經而下筆典詰抑諱
觚之詭詞倡和平之雅調用能潤色鴻業概括雄真是
以玉尺凡十一持而五典春官門生遍海內皆酌公之
辭波而不敢溢其瀾至於總籙館裁

史成頌

東塾直

西清掌翰苑則扞挾天之藻侍

講筵則聞說經之聲而贊機務之要尤爲

絲言出納之所程是則公之鴻才蓋濯乎銀潢而愈明

也公徧歷六官六官之職皆舉謀謨密勿千端萬緒若
經緯之在杼

皇武旣布干羽屢舞上安下視各得其所且也公昔以
參知政事未三日而拜真相今也

加太傅崇銜冠公孤之上荷

三朝知遇之恩協百僚多士之望然則公之鴻才偉略
其可度者在守正持重其不可度者則密對與
帝貺也然而智蓋一世材總四海名宰相之才也略也
其本則基乎德公抱忠孝節廉之資以敬儉讓咨爲之
式少性恬退絕權貴之謁長益勤慎勵堅貞之節事無
程侍郎遺集 卷十 三 登喜齋

鉅細一主於敬閭室不欺若對天與聖平一己之好惡
以齊人之好惡故有公非公是而無私喜私怒不激不
隨一趨一步摧豐機於將萌培元氣於已固能使于于
者視端行正來同我蕩平之路也以儉表率非庇一家
以讓風世自無人加故實是咨聞善拜嘉仁氣煦言如
春在花以是服官垂五十年無纖毫挂於過差尤可異
者聰記彊識善斷與謀深自掩抑如被褐反裘卓識遠
慮洞微燭幽載其清靜而廟堂旣修惟且出公昔以
聖天子察其單心許其同德

獎以正人覺試之而愈優祓之而愈新故

寵眷稠疊不可涯而祿祉履馘以莫不臻也加以耄期
守學彌敦攝固不懈以久建九紀以立純德以上登旗
翼之壽晉語云惟德厚者能受多福揚子云壽可益乎
曰德是則備三達尊膺九五福其爲德之囿乎內教修
舉子貴孫賢其爲福之藪乎合座乃舉醕而頌曰古我
睿聖武公年九十五猶箴儆於國屬誦志之我補亦有
甯川羅侯領三十六曹年百二十猶精爽而不憚勞亦
有潞國太師年九十餘尊德樂善雍容玉除願公勳名
媿乎潞國壽考齊乎甯川而持盈挹歆則如睿聖武公
益苾益虔也

程侍郎遺集

卷十

四

登喜齋

王子吳鼎匱銘

虎阜寺寶王子鼎吳乘失載訪者梗程孟聞自梁子偵
洪季陳仲據凡省古翠欲垢灰未冷捐灰滌翠吐金景
梁子且詠且詰訂龍龕攝提斗子柄陳仲作匱閉深靚
作銘者仲篆者孟王子有知定首官

面東西晷銘

此器初於齊太守彥槐張大令作楫
然自午初至未初無景是一大病因

與吾友鄭浣薌
謀而補成之

非鏡非臺器圓靜節綫晝刻晝以鋌欲平其地足仿鼎
可升可降極度等東表東景西西景日中無景何以省
乃規缺月弇其頂頂有小竅透光圓方中方睨定俄頃

槐杵所遺裏而整

爲張石洲篆薦雷書屋額并系以銘

游雷之游鯽不載游至作薦干所會通震以坎皆訖再

恐思修省乃得貝文孫識之祖誥誠

晉靖王寶賢堂硯贊爲張石洲作

辨厥首印不辨厥足矜率然蟠朽斲以軫身流水有光

宜受別墨之黔吁食其墨則贊三兆吐其墨則挾聯藻

無涕黃之祓而有艸元之擾清事賢邸弄以密銀河張

宿寶其出甲子五光今再見天日

程侍郎遺集卷十

南湖之北樂泉之西有食筍齋焉

卷十

五

菴喜齋

不由旬廣而幽徑窈窕無薜華飾而洞室燦閭雲歎西東山影黜庭月貫表

裏水光鏡戶加以來風防露翠溼暑人之裙冒霜停雪

碧成冬土之屋小堂佇軸文石如埽得非李藥師所問

訊王子猷所嘯詠歎時則有尙書黃夫子承北門之旨

緡東觀之籍羔羊委蛇魚鳥聳聳植援激水編町成篁

酒澆箇簾之繡墨寫升斤之影蓋十餘年而竹以森焉

亾何尙書請老袞衣遄歸學士其興簪筆能舞良夜成

韻則犁然當心曾欠競蠹則率爾步往或擇迷醉而補

植或見簾綺而翦拂荏苒有年而竹復茂焉且夫詩咏

荀菽禮重浩菹浮亞之旨可珍日華之胎以淪羊奚不
尊毋棄青甯此本義也八十之策乃菡爰所爲兼兩之
載亦汗青是削齊簡曰等讀書曰籀靡蝨不傳搜之羽
陵此進義也尙書味道得腴學士食字而化波瀾莫二
屨屣相仍洵可謂水有異味識張陸之會居舍開三徑
待羊求而沓至矣况士林之館藥院之廬樹分五柞之
蔭泉挹九成之醴孰謂是竹也非浮筠之幹截之仙山
嶰谷之產集茲鳴鳥也哉澤十稔移中三宿桑下昔栖
西舫今作東鄰猶憶尙書居此齋時展瑤局開芳筵縱
露初之觴發華始之詠錦被之策不嗔宮袍之奪必賞
程侍郎遺集 卷十 六 覽喜齋

今則菴蘭之宅越在天末王室之弭懸乎夢想懷遠感
舊我勞如何幸也其替人則黃羊大夫其轉徙則碧雞
才士也說者乃曰官廨也蘧廬也自有此屋歷有多賢
奚視爲甘棠之宅作爲瑞室之銘乎然假之丹素不能
壽其狀形之歌詠不能寫其神則無爲貴知矣故疏房
槩貌不必一再居冠倫魁能不必先後聚碧鮮玉潤不
必月日蕃圖之詩之雖風牛異轍歲節殊候而一身在
握卽千載猶面也則謂此圖爲藏山之臥遊激懷之故
事也奚不可

任階平太史寫經圖贊 并序

階平先生博關羣籍江詹眾言旗角繫鈴已踐舊夢樹
墨記柱尤傳家苑惇愛經典勃率故訓以爲巾箱之妙
非賀玠所識蘭臺之私必中郎乃徵粵自開皇廢像長
興雕本人無書掌之瘁世乏壽胸之雅况血剖易滅記
珠難索天口聖譯日付苟簡良可歎也於是久鈔雪纂
蒲荒柳剝隆古言凡之概方間申難之喙一經寫定盡
歸默識爾乃龍伸蠖屈爛兮典寶之奇紂紅許綠葉諸
虎帝之踏蓋惟用志不二故能與皤然者爭年課功必
藏故能與翻然者比遇柳氏自備古美其稱雲禎細書
今尙未輟至於給五千番之麻紙以招俊又酬十五年

程侍郎遺集

卷十

七

是喜齋

之嘉績用錫金紫則稽古之榮諒不越習者之門也爰
爲贊曰經紛綸兮并大春心若醉兮手之鶉是副墨之
子兮是雒誦之孫

藤花唵館記

藤花唵館記

藤花唵館者梁茵林方伯少時所觴詠地也楸槐貴里
檉柏小眠元瓠屯雲之勝屋山隨月之讀墨雨所瀋池
飛黑蛟寶帚所葺牆剝白蜃鏡瀾倒檻聞策策堂堂之
聲蚪柯負宇作瓏瓏壘壘之狀宜乎雪松久埒沈東陽
撫之長唵晨霞采鳳李贊皇思而寄句者也亾何西向
一笑東巒遂荒禮星師子爰題秀實之居龍原書窟頓

削關西之跡而先生方入侍鸞掖出操麈符不特申嬰
室之謝抑且乏孔席之暝周捨赴官以荻爲障思光東
出居舟非水是則羅君章之蘭宅元貞子之回軒亦可
遽廬視之逆旅唾之矣然而向子思舊園生多情滄波
一蓋尙奏竽於故巢石牀雙蹠未淹蹤於闌雨憶篔簹
九夏之飲締桑下三宿之緣輒未免池夢惠連磬戀光
政繹碧激瑤翻之句則絳園在前賡莫泝竹里之章則
輒口如見此援成瑞室所以刻鍾嶸之銘而集題浣花
抑以述端已之志也更有進者先生胸具萬間之廈而
足繭長梁才同九州之被而心儀環堵缺十住南還之
程侍耶遺集

卷十

八

聖喜齋

谷聽士池西潦之聲韋傅則僅賦鬻茅友讓則未謀贖
券以故疏房槩貌偶托畫禪積金連石未邀仙賚求之
華廡尤所難能澤緯蕭已破靡萍無定邱亭爰止皋廡
暫棲每入白鹿之員莊過青楊之蕭巷輒作十日思焉
何況甘棠五畝緬雅興於謝公竹林別室滌芳年於遵
彥它曰樊川聖築淮水齋成賜大官尊賭奇疆石花竹
秀野水木明瑟意將以此圖爲嚆矢乎儻用小文再泚
秃管

陳芝楣觀察傳硯圖記

傳硯圖者吾友芝楣觀察哀其兩世清德鴻筆而以文

之綸附之龍虎變化鸞鵠停峙見其神也星涵玉李雲
量欠纈肖其器也至於仲興無忝祖德超宗殊有鳳毛
垂元珪之豐髭挺匿犀之異表匪惟繼美實能亢宗而
且青鐵未敝黃丸載波產天人科第之芝博尚書僕射
之號柳誠懸所寶惟研丁公雅傳之其裔古有其事今
乃過之緬惟尊大父成都君惠雨浹於參墟英風被於
井絡祀赫桐鄉神讐羅池宜其五色錦衾之雲覆諸筆
海三躔次月之影落我石屏胸羅手摘逸氣可想尊甫
宣城君學既博奧書復洞精攜玉帶一角磨盾鼻三斗
而油幕蓮冷廣文瓊寒笏甫拄敬亭之雲頭已傾江令
程侍郎遺集

卷十

九

兪喜齋

之雪矣雲封凍結有深慨焉至我友芝楣觀察清節內
肅仁風外暄名達華近得元才子之目澤洽州郡接顏
有道之稱陰弄風月則呼滓妃其神講論道意則置俊
人於側比者乘虹月之舫握英蕩之節露夕花午神怡
務閒藏孟公之牘者橐垂索智永之書者榻折結鄰常
御磨穴益深石言若曰是所謂副墨之子雜誦之孫使
龔我若曰科亦無悔也夫惟范馨之硯傳之伯孫而孝
行以著端明之硯字於老泉而文祥以顯我友應升卿
之兆傳扶易之經文則繪日樞雲武則飛章草檄是以
忠貞之子復爲司隸清白之後仍生強項之才之望乃

光於家且卿且公無愧於長況復鐵面傳世鳳珠有朋
聚之一室比太邱之德星寶之百禩等文貞之棠笏不
特學弓學冶溯義門之高蹤抑且如風如錐增硯譜之
嘉話云爾

謝俞陶泉太守餉車螯啟

江干蟾蜍堪供中御之拘酒畔蛤蚶屢折元長之對乃
蒼水元夸之忽至引白中脆尹以偕來自解笞箸欣看
礪砢素膚勝雪比移角而能端紫殼騰花較姑勞而益
厚醞釀寒潮之味裕訝新火之光當齒卽消點湯欲化
何如北海醇醲含不兩之漿藉甚維揚甘臙啖二分之
程侍郎遺集

卷十

十

是喜齋

月豈意破十城之蜃界致千里之鮭珍情深安邑之豬
肝貴壓屬州之蚌醬僕心慙劉湛議徇鍾岢北山之隱
士方飢東海之波臣難托珠宮新沐載賡揚萬里之詩
翠釜初烹敢拜王泰州之惠每當充腹輒切銘肌

謝祝蘅畦同年惠果子狸啓

綵絲繫臂方當烹鷺之辰篋絡纏身忽覩懸貍之狀喜
君以狸首爲節使我操牛尾而歌爲問肌膚欠雪之疑
都緣梨栗霜天之飽並頒筍腊以佐肴烝白似截肪與
花豬而競美香能醒酒比竹鼈以尤甘弟前處鄉關曾
驗汪龍溪之對茲來京輦又應管公明之占夢殘形以

載興去正脊而猶緩况逢五月重五之日得此八元第
八之才謹當封以糟耶薦諸鵝炙良朋高義深憐鮭食
之貧晝寢朝飢敢報荳肥之帖

謝王都轉餉果狸啓

俎肉已殘方續會參之操

時汪鄴樓致果狸已食大半

篋鈞乍解復

賡侯氏之詩三人執牛尾而謔一笑脫貂裘而換肥白
如瓠豈柱下之相君冰雪其肌類藐姑之仙子鸞刀載
削瑤甌初蒸聚空山百果之菁華佐淺酒一樽之風味
膏流饗屢似給事之裹熊肪品極芳鮮等孝儀之夸鹿
尾君從何處致此不來儻搜之灑霍之旁曷置之糟邱
程侍郎遺集 卷十 十一 賀喜齋

賀喜雪啓致陶宮保

之側特蒙推食彌切朵頤獲珍有勝于三狐競爽奚慙
于叔豹風林露圃請吟楊萬里之章沙地雪天轉憶洪
容齋之對拜嘉猷賜識愧祥生

賀喜雪啓致陶宮保

禱霧豬泉已覺天慳之破敝銅駝穴彌徵地寶之呈四
民盼五穀之精連日得六花之瑞伏惟宮保制府雲汀
先生時暘時雨已滿已飢文昌之馬才過希逸之衣旋
涇推發粟振裘之意挾纊三軍啓惠禾多麥之祥賀書
五版鋪來木屑桓公之高會初張掃入茶鑪秀實之清
風可挹縱春旗之簇簇猶臘鼓之夔夔憫下尺而久譽

卽封條其何礙某倦從袁臥嬾藉孫書六朝之山色如
新九陌之車塵不起因憶聚星堂上仙官賡白戰之詩
定知堆麪井邊野老夢黃雲之稼乍嘗甜雪載詠甘謠

謝俞陶泉太守餉蚶啓

暖據竈觚方欲致到羊之祭

時十二月二十三日

寵頒魁陸幾疑

開駭鹿之山列瓦縫以參差疊錢文而匝匣珍同天鬻
甘號蜜丁一箸探紅湯沸春風之芼雙房釀紫酒淹明
月之光當海天欲雪之時正沙艇烹鮮之日然必溯江
東去始蓄寒苗嶺嶠南馳方登諫草若教寄遠定致役
郵何期淡然了專車而來一似左元放釣鱸之術對茲
程侍郎遺集

卷十

十三

登喜齋

璀璨彌切彫頤外形未折夫眉渠內味何虞其舊齋更
自哂者物非混沌人實登饗芳鮮豈白蝠之遺呀呷類
青郎之嚼比馬甲與章舉君尤嗜南食之奇持羊酪喻
莼羹我亦守北人之學昔也珍貽若士曾一修化雀之箋
今茲送自右軍並得寶噉蚶之帖血營受益心版堅鑄
是所謂一味之甘必剖而分之百朋之錫方斯蔑如也

謝汪均之餉鹿尾啓

樂章殘缺方賡狸首之詩

時汪鄴樓兄所惠
牛尾狸已食殘矣

禮注分明

復講鹿殘之法何來大尾用佐遨頭爛斑垂蒼玉之綬
圓湛截丹砂之柱旣見珍於鄴下更遙閱乎遼東故因

大惠之休明能致遠方之瑰異操刀未割感君憐爨下
之桐承筐是將引我寢墮中之葉事類拜王公之塵柄
情同餉茂先以龍脩定知卓帳筵開空矜舌醬兼笑采
薇客倦徒飲乳潼角邊之瓊片難餐頂上之珠華比貴
惟丁子之獨有實首機之所無正欲敬醫氏之門廣岐
書而作宴何妨塵太保之閭撫顏帖以裁箋象約同甘
牛心等惠

滄浪來鶴圖記

攝提之歲圍陽之月逸舟先生再權廉訪寓吳門蘇長
史之別館簿領之暇耽玩水石時則雪絮將泣風枝自
程侍郎遺集

卷十

十三

登喜齋

鳴昏雅畢逋莫雀嚙啖有物飄然降自霄漢元裳縞衣
昂立庭除先生心詫其異目快其潔且恐俄來旋去不
須臾而海天日域矣乃復儀態閒雅不驚不悶仰喉俯
啄若習安焉不數日先生有權江甯方伯之信買艇同
載撫翎而還識者謂巢穴測天禽鳥驗氣則夫冠雀栖
宇三台其徵靈鳥滿戟屢擢不次矧雉頰旣耳燕膺鳳
翼者貴冠章服舞儀相庭識字含珠尤絕羽類知生祥
下瑞將無已時而某竊以爲一雙入雲非隱弗招二八
集扈非聲不感使子游之門如市元規之塵污人不歌
舞闐咽卽竿牘紛擾唯鶴實智且避之不暇又安望其

擇木而止儵山而歸耶是則能致鶴者先生之抱超乎俗能調鶴者先生之才餘於官訟庭花落閒堦蜨翔可以想風儀攷政治矣諸君子皆樂道之繪圖繫詩而某爲識其事

卷十
古人日游龍樹院詩序

粵以翦人貼帳之日登高賦詩之辰欲作海王村之游以證輸寥館之事而宵雪嫵嫵朝霧譁譁甚妨東郭之履無假北闕之步於是簪裹旣集舖獸其闌臺如重壁有作屑竹之庭麪堆金井彌懷暎寒之徑乃策疲騎聯高軒徘徊乎鹿王之宮頓憇乎龍樹之宇虛室生白小

程侍郎遺集

卷十

十四

登喜齋

窗多明遠眺五陁則擁絮酣卧近瞻萬雉則畧墨益顯重柯者勾喬之木壘帶者紆曲之塗掩九秋葦華之影破蔽空鳥羽之墨俄而寒吞落暉醉紅千里清挂弦月深白一色漏鼓坎坎寺鐘沈沈星爍銀斜漢絡玉混茫天接如泛烟江之濤回旋地空似入水精之域尤可快者煦春前屆良夜已暄苛謝觥籌笑縱談柄陶陶焉衍衍焉揚今摧古賞奇析疑膏以繼晷不知其劬茶也嗟乎江關梅信卽在琴尊之南上元鐙火又繞星后之北海王村之游新霽少人尙可約焉坐客吳荷屋中丞工詩善畫許繪一圖蔡友石陶卿梅伯言郎中張石舟

大令俱工詩皆有佳什是則幽蘭儷曲各騁妍秘之詞
山陰鼓棹聊乘倏忽之興爰拈拙筆以備引隍道光十
有七年丁酉新正穀旦款程恩澤撰

百貧修篁墩世忠廟啓

古之君子將營宮室必先寢廟吾儕小人皆有闔廬以
避寒暑當春秋之匪懈正霜露之既濡使旁風上雨之
不支對澡藻賓蘋而有忤此新宮之暨茨與守祧之修
除爲最亟者也我世忠廟者賜額於大宋遷基於有明
規撫自程聚而來棟宇在篁墩之上雖蒼楹弗亞儉有
契乎舊章而增龍夏衣葺必勤乎後嗣仰惟我始遷祖
程侍郎遺集

卷十

五

建喜齋

太守公仁能拯衆如朱邑之祀桐鄉我忠壯公武足示
災若李冰之射江水有功德于民者國家禮亦宜之况
我子孫念厥祖考凡神靈翔泊之所皆寤寐經營之區
必占棟隆之吉而後卽安倘有棖崩之虞其將焉仰嗟
乎服先疇食舊德叨福蔭者二千餘年備鼎俎陳犧牲
薦明禋者四十八派豈無富室傾千金之橐不爲多亦
有貧家獻一斗之粟不爲少譬之球堂上之疾雖剖臂
其何辭醫眼前之創縱剜心而弗恤惟願我同族諸士
長諸先生本仁行仁見義集義醲青蚨萬貫得大木百
車行見有寫有甍孔曼且碩不蘄不石修爲曰新天之

所支允矣在高明之室神罔時怨愾然聞以忘之聲謹
啓

程伊邨遺集

卷十

六

程言齋

銘補遺

北極出地四十度加節氣平氣

說於團扇

扇平持柄向北后柄底羸

衣取表插孔

中視表尖影所指在東節綫即得某

綫蓋節綫與時綫相經緯而南北自正

南鍼

平規置葉識景曠也綫節綫時互經緯也

蠟俛也極出地表表所既也朔高南下

十度丁象魏也蓋實通渾西法彙也紉

也手揮日光詩熏颺也

程子即遺集

卷十



